

Okuteerana Okutarikureebwa Kw'Omugore Wa Kristo

Shreveport, Louisiana USA
Okwa-ikumi-na-kumwe 25, 1965

1 Nsharizemu orugyendo rw'okuza kuhiiga, kugira ngu mbaase kuheereza Mukama. N'ahabw'ekyo n'eky'omu . . . Twashemererwa kuba hanu. Niinyikiriza ngu, obu mperuuka hanu, nkabagambira: buri kaire ku twija, hariho orikuba abuzireho. Kandi ku turaagarukye omwaka ogurikwija, Mukama ku araabe atakaizire, nihaija kuba hariho obuzireho.

Omwe akaba ari omuntu empika munonga, ow'aha mutima munonga, n'omu mwoyo. Ogwo akaba ari Ow'eishe-emwe Lyle. Burijjo nkaba ntangirirwa, nintaahamu, nyemerera enyima hariya kandi mpurikiza, omu kishengye ky'okushomeramu ky'Ow'eishe-emwe Jack, abeeshongozi bana bakuzire nibeeshongora. Nibeeshongorera omu Kitiinisa, ekiro eki. Mbwenu, hariyo rimwe ahari ago maraka eryahikireyo seeri Okwo, ritegyereize agandi ashatu gari. Ninteebereza tindigaruka kurihurira omu nsi hanu bundi. Kwonka nyine ekihika ky'okurihurira ogundi murundi, Ow'eishe-emwe, Ow'eishe-emwekazi Moore hanu, omu Nsi ei ba . . . ei butarikwija kwira.

2 Ow'eishe-emwe Palmer akaba ari omuheereza mukuru wa Kristo. Niinyijuka Ow'eishe-emwe Jack nangambira ebirikukwata aha magara ge-ge ageehereireyo kimwe ahari Ruhanga. Bakaba bari ababaizi, hamwe. Kandi akangira ngu akaba aba naarya kyamushana ye-ye, akwaitse omugaati gwe ogurimu enyama omu mukono gwe, naarya omugaati ogurimu enyama obwo naashoma Baiburi ye. Mwareeba? Akakora ebintu bikuru munonga, Ow'eishe-emwe Palmer akabikora. N'omubaizi murungi, ishe w'abaana murungi aha baana be, eka nungi. Akabakuza boona kuheereza Mukama. Ningira ngu, boona bajunirwe kandi baijwire Omwoyo Orikwera. Kandi ekiro n'ekiconco kikuru aha muntu weena omu biro ebi, aboojo n'abaishiki. Kwonka, nimureeba, byona ebi arakozire tibirabaire bikuru munonga okuhitsya obu yaahereereze Ruhanga, kureka ku yaahereereze Ruhanga. Kandi ekiro eki, ebi yaakozire omu nsi hanu, emirimo ye mirungi, agiire kutunga ebihembo bye, kutuura nabo. Ruhanga ahuumuze amagara g'ow'eishe-emwe mugyenzi waitu.

3 Nimmanya, obwire bwona egi yaaba ekiri tabirinaakuru hanu, kandi ni-nimmanya ngu naija . . . eiraka rye nirija kuguma hanu. Nimubaasa kurihurira. Ow'eishe-emwekazi Anna Jeanne na-na munyaanya, nibateera enanga na piyano, oku baabaire batategyereza. Ow'eishe-emwe Palmer ayemerera hanu reero atandika ekyeshongoro, agumizamu. Bakaba bakikwata. Kandi nkaba ntaka . . . nkaba ngira ekihika ky'okumuhurira naayebembera ebyeshongoro.

Aha baana be; aha mukazi we; n'aha W'eishe-emwe Jack, munywani we w'aha mara, batwire bari abanywani emyaka egi yoona; n'OW'eishe-emwe Brown, Ow'eishe-emwekazi Brown, imwe tabirinaakuru mwena: Ruhanga abahe omugisha. Naanye, nkamufeerwa. Ruhanga ahuumuze omwoyo gwe gw'obumanzi, okuhitsya obu turimubugana omu busingye.

Ka twinikye emitwe yaitu.

4 Tataitwe ow'omu Iguru omunyambabazi, naaba ningamba aha muheereza mukuru ogu, naamufeerwa, ekiro eki, nankwata omu ngaro, hamwe n'ako kamwenyo kakye karungi aku yaabaire atuura nako obu yaabaire agira ati, "Ruhanga akuhe omugisha, Ow'eishe-emwe Branham," ku twabaire tutaaha omu muryango. Nimmanya ngu ainamukire yaija omu Nju Yaawe, ekiro eki. N'ahabw'ekyo ninshaba, Ruhanga omukundwa, ngu oikirize ebyana, emirimo ye emukuratira, ebe mikuru, egumizemu n'abaana be, omukazi we. Nitushaba ngu ohe omugisha mukazi we, Mukama. Okagira ngu oryaba iba "w'abafaakazi abari abafaakazi buzima." Ninshabira Ow'eishe-emwekazi mugyenzi waitu Palmer n'abaana boona. Nimmanya kusaasibwa bombi, ahaw'okufeerwa omuhwezi wangye kandi n'okufeerwa tata.

5 N'ahabw'ekyo, Taata, twaba turi hanu, ekiro eki, nitukushaba ngu Otebeekanise emitima yaitu, nayo, ahaw'eshaaha egyo. Titurikumanya. Neebaasa kwija ahonaaho nk'oku eye eizire. Titurikumanya obu eraije, kwonka nitumanya ngu neeteekwa kwija. N'ahabw'ekyo nitushaba, Ruhanga, ngu ocaake buri mutima oguri omunda hanu, ekiro eki. Ruhanga, ogwangye otigureka. Ogwangye, nagwo ogucaake, kandi ongyeze. Mukama, ku haraabe harimu ekibi omuriitwe, kihemu. Nitwenda Kukuheereza. Ekyo nikyo kigyendererwa kyaitu ekijwire, n'Okukuheereza.

6 Otushukyeho Omwoyo Waawe, ekiro eki, n'omu saabiiti egi eyaatsigara. Heereza omugisha tabirinaakuru egi erikwetwa tabirinaakuru ya Life. K'ebaase kutunga emigisha ejiwire y'eiziina eryo kandi ebaase kwijura Amagara ga Ruhanga, saabiiti egi, kujuna buri muntu obuzire, kwijuza buri mwikiriza n'Omwoyo Orikwera, n'okugarura busya amatsiko agari omuriitwe, Mukama, omurundi ogundi. Nitushaba ngu Noija nabwo kukiza abarwaire boona n'abarikubonabonesibwa abaja omuriitwe. K'Omwoyo Waawe Orikwera w'amaani abe hanu, Mukama, kandi akize endwara. Kandi oshukye amajuta ahari buri omwe abaase kwikiriza. Ikiriza ebintu ebi bikorwe, Taata.

Ruhanga, mpwera hati. Ku ruraabe, rwaba orubu rwangye rw'okureeta Obutumwa. Ninshaba, Ruhanga, ngu ekicweka ky'obuntu kyemerere aha rubaju rumwe. Ninshaba ngu Omwoyo Orikwera abaase kutaahamu atugyendagyendemu, Mukama. K'Omwoyo Orikwera ategyeke oruteerane oru, Mukama. Nitumanya ngu nituburwa munonga. Titurikubaasa kukikora, tihariho n'omwe omuriitwe. Titurikugira ngu nitubaasa kukikora. Kwonka, Mukama, nitumanya ngu Niiwe Ogwo. N'ahabw'ekyo Tukuhangire amaisho, Mukama. Gyendagyenda, iwe

Mwoyo wa Ruhanga 'we, otushuumeho busya. Twashaba omu Iziina rya Yesu. Amiina.

7 Hati niinyenda kuhitsya endamutsyo kurabira omu simu, aha makanisa hati agahurikiize eruguru okwo omu ihanga ryona. Turi aha mpurizana y'esimu, n'enkora nungi nkye ei tubaasize kutunga, okurabira omu W'eishe-emwe Pearry Green owa Beaumont, Texas. Kandi amakanisa, agakuratiire kimwe, Obutumwa obu, omuri Amerika yoona, gari aha mpurizana, ekiro eki. Nitubahitsyaho endamutsyo, eruguru n'omu mashuumma g'Omwaro gwa Burengyerwa-izooba, okurugira kimwe Vancouver okushuma kuhika Tijuana, Mexico, okuraba omuri San Jose, Los Angeles. Ebibiina byona omunda okwo, nitubaramutsya turi hanu Shreveport. Nabwo, okuhikira kimwe Prescott, Arizona, aha kibiina eruguru okwo ekitegyereize Mukama, nitubahitsyaho endamutsyo, n'ahari Tucson, hamwe na Sierra Vista. Okuhikira kimwe New York, amatemba n'amashuumma, omu ihanga ryona, Mukama abahe omugisha, buri omwe. Kuri noogira ngu muri hanu, ekiro eki, eihanga eri rirungi erya ira rya Louisiana, aharikushusha nk'eka yangye ya kabiri, ahariinye. Ni . . .

8 Nimumanya, imwe bantu 'mwe, eruguru omuri New York, mwena ndi nk'orikubashekyerera kakye, omuringo ogu mugambamu. Ndi omu ka honyini ekiro eki. Yee. Buri omwe eifo hanu, nimumanya, bakagira ngu, "Ori gye, Ow'eishe-emwe Branham omukundwa. Oreeete Ow'eishe-emwekazi Branham n'abato boona kandi mwije mutureebe." Oo, mugyenzi! Ekyo nikituma naayehurira gye. Orwo n'Orungyereza oruhikire, ahariinye. Kutari kutabataho omutima imwe ab'omuri burugwa-izooba na bukiizi bwa bumosho, n'emyanya etari emwe. Kwonka, nimumanya, ninteebereza ngu nkazaarwa ndi Reb' owa ira kandi nshemereire kuguma ntyo. Ndi-ndi nk'orikukikunda, nyowe nyenka. N'Orungyereza oruhikire.

Nkaba ndi ahari kyansya y'aba Business Men, hanu enshumi nkye ehweire, kandi baagira bat, "Nitwija hati kwemerera reero tweshongore ekyeshongoro ky'eihanga." Reero naayemerera, naagira nti, "Ahabw'eka yangye eya ira y'omuri Kentucky, hare okwo." Mbwenu, ahariinye, ekyo nikyo kyabaire kiri ekyeshongoro ky'eihanga, kyonka eki naabaire nimmanya kyonka. N'ahabw'ekyo, nitubahitsyaho endamutsyo. Hati ahari . . .

9 Nintekateeka ngu nibaza kugyezaho kurangirira kyantsya, nabwo, kyantsya y'aba Business Men, akasheeshe k'Orwamukaaga. Ow'eishe-emwe Green naija kubagambira, obu ari aha mizindaaro aheeru kuri hati. N'ahabw'ekyo naija kubagambira obwire obu kyantsya eraatandikye, kandi n'obunaku, buri nyekiro, bw'okuhurikiza. Nitubasiima n'embabazi munonga. Mutushabire.

10 Hati, aha kanisa y'aha, na tabirinaakuru y'Ow'eishe-emwe Jack, naaza kubashaba obuyambi, ekiro eki. Ahabw'okushangwa ngu mbaire ninza kuha Obutumwa bwangye bw'okusiima aha i-ihanga ryona, ekiro ky'erizooba, aha makanisa gaitu agarikukurata Obutumwa obu. Omuri eki, ni-nimbaasa kumara obwire buraingwaho. Kandi reero, ogundi murundi, nimbaasa kubuurira aha Nyegyesa zimwe. N'ahabw'ekyo, ku kiraabe kiri kityo, haza mutarikwikirizana Nazo . . .

Nk'oku naabaire ntuura ningamba aha kurya shumbusha, ku ndi kunena enjuma. Tindikunaga shumbusha. Ninaga enjuma, ngumizamu nindya shumbusha.

N'ahabw'ekyo ku naakubaasa kugamba ekintu ekiro ky'erizooba, ni . . . Mbwenu, egoy n'enshonga emwe etumire naikiriza kwija ahanyima y'okuraariwa, ekiro ky'erizooba, kuba hanu, kureeta Obutumwa bwangye bw'okusiima aha bibiina omu ihanga ryona, n'ahabw'okuba Ow'eishe-emwe Jack burijo atuura naigura orwigi rwe ashumuurukire kandi agira ati, "Buurira ekiri aha mutima gwawe." N'ahabw'ekyo nyine obugwagye.

N'ahabw'ekyo nikibaasa kuba ngu omunda hanu, omu kanisa ya hanu n'Ow'eishe-emwe Jack, nihabaasa kuba harimu abaheereza n'abantu bamwe abarikubaasa kuhakanisa Enyegyesa. Emirundi mingi ngira emicie mirungi kutagambira aha kituuti ky'omuntu enyegyesa, onyetsire kwija kubuurira ahabwe. N'ahabw'ekyo, ahanyima y'ekiro eki, ningira ngu niinyija kuba ninshabira abarwaire kandi ningiraho saaviisi y'obutoosha. Kwonka nteekateekire ngu mbamanyise kareho, ngu ekintu kyona eki ndaagambe eki mutarikubaasa kwikirizana nakyo, ahabw'enki, mukirekyere obutamanya bwangye, ninteebereza, kandi tindikumanya okukiraho. Kandi munshabire.

11 N'ahabw'ekyo hati ka tubiikuure omu Kigambo, omu shuura hanu. Niinyenda kujuriza omu myanya mingi ekiro eki, ahabw'okuba nyine Ebyahandiikirwe bingi hamwe n'ebihandiiko bikye ebihandiikirwe hanu aha mpapura eziboheirwe hamwe.

Niinyijuka omurundi gw'okubanza obu ntemba ekituuti omuri Tabirinaakuru ya Life, emyaka makumi abiri enyimaho. Ki-kikaba kitarikuunyaagisa kuhandiika Ebyahandiikirwe byangye n'ebi'okugambaho. Obwo nkaba ndi muto emyaka makumi abiri aha i nyine. Kwonka hati mpingwize makumi abiri na itaano, n'ahabw'ekyo ni . . . omurundi gwa kabiri. N'ahabw'ekyo ngi . . . tinkijuka nk'oku naabaire nyijuka. Nintekwa kuhandiika Ebyahandiikirwe byangye, kandi obumwe n'obumwe ngufahaza ekintu nari ekindi eki ndikwenda kugambaho.

Kandi hati Mukama ahe omugisha twaba nitushoma okuruga omu Kigambo kya Ruhanga, n'omu Kitabo ky'Abarooma, eshuura ya 7. Hati, eki niinyenda kukyegyesa nk'eishomo rya Sande sikuulu.

12 Nimmanya ku hariho abantu abeemereire. Kandi omuri tabirinaakuru, obutoosha, omuri Jeffersonville, nitwenda kubaramutsya mwena, ekiro eki, naimwe, nitumanya ku muri aha mpurizana okwo omu tabirinaakuru. Kandi nikireebeka nk'abari omuri tabirinaakuru, ekiro eki, kuri muri eifo hanu, abantu beegamiire aha bisiika,

kandi baijuriraine. Hati, ningira ngu nikwo muri, naimwe, abantu boona abari okwo omu kyanga ekyo ky'eihanga, abaizire ahabw'Obutumwa.

13 Hati eki nituza kukikozesa nk'eishomo rya Sande sikuulu. Kandi tiryorekyereire ekintu kyona, abantu nanka, nari ekintu kyona; kureka Ekanisa yonka, Omubiri gwa Kristo ogu turikugyezaho kwebembera kutaatsya omu biteekateeko ebihamire n'ebigyendererwa bikuru, kwikiriza ngu Okwija kwa Mukama Yesu kuri haihi. Ekyo nitukiikiriza. Okukiraho, kuri haihi emyaka makumi abiri okukira obu naabanza kwija Shreveport. Oo, habaireho bingi okwiha obwire obwo! Hati twine ekihika ky'Okwija kwa Mukama, omu busingye bwaitu. Tintegyereize okusisiimuka omu busingye bwaitu. Ntegyereize Okwija kwa Mukama, omu busingye bwaitu.

14 Hati omu kitabo ky'Abarooma 7. Niinyesiga ngu mubiikwire Baiburi zaanyu, hoonahoona hati, omu ihanga ryona. Nitwenda kushoma n'obwegyendesereza hati. Obutumwa obu-obu okuruga hanu, nibushushana nk'oburikugamba aha bushwere n'okushenda, kwonka buzima tikwo buri. Ahariinye, n'obunabi bw'Ekanisa y'omu biro by'aha muheru. Ka tushome.

B'eishe-emwe, timurikumanya ku Ebiragiro bitegyeka omuntu, akirih? (Ningambira abarikumanya Ebiragiro.)

Nimumanya ngu omukazi oine iba, ekiragiro kimutegyeka kuguma na iba, akirih; kandi iba ku afa, aba atakitegyekwa kiragiro kya iba.

Kwonka ku ashwerwa ondijojo mushaija, iba akirih, ayetwa omushambani; kwonka iba ku afa, aba atakitegyekwa ekyo kiragiro; n'ahabw'ekyo ku ashwerwa omushaija ondijojo, tayetwa mushambani.

Nikyo kimwe, B'eishe-emwe, mukafa aha Biragiro ahabw'okufeera hamwe na Kristo omu mubiri gwe, ngu mubone kuba ab'ondijojo owaazoirwe omu bafu, ngu twanire Ruhanga ebyana.

Ku twabaire tukiri omu buzaarwa bw'mubiri, . . . okwetenga ebibi kwaitu, okwaimukiibwe Ebiragiro, kukakorera omu ngingo zaitu ngu twanire okufa ebyana.

Kwonka hati tukomoroirwe, titwakitegyekwa Biragiro ahabw'okufa ahari ekyo ekyabaire kitukwatsire, ngu tubone kuheereza omu buhuuku busya obw'Omwoyo, butari bwa ira obw'ebihandiiko.

15 Kandi hati ka tushabe.

Ruhanga omukundwa, twaheza kushoma eki turikwikiriza ngu n'Ekigambo kya Ruhanga ekirikwera. Kandi ekyo nikyo turikwikiriza, ngu tihariho enyuguta n'emwe nari akatonyezi akarihwaho okuhitsya obu byona birihikiirizibwa. Kandi nitwikiriza ngu Mukama waitu akatugambira, omu kitabo ky'Okushuuurwa eshuura 22, ngu, "Omuntu weena ku aricwa Ekigambo Aharikyo nari Akakyongyeraho ekigambo, nikyo kimwe, omugabo gwe, guryaihwa omu Kitabo ky'Amagara."

Kandi nitireeba ngu, omu kushoboorora kubi Ekigambo eki, nk'oku Sitaane yaakishobororeire Haawa kubi, kikareetera Haawa kubangaanisa Ekigambo kimwe, kyanaga oruganda rw'abantu rwona kugwa omu katabanguko. Ekigambo kimwe kyonka!

Mbwenu nitireeba rwagati omu Kitabo, Mukama waitu kandi Omujuni akaija, kandi yaatuha ekirikujuriza eki Aharikyo. "Omuntu tatungwa by'okurya byonka, kureka n'Ekigambo kyona ekiruga omu kanwa ka Ruhanga."

Reero okurabura okutarimu kuzaanazaana omu Kitabo ky'aha muheru, eky'Okushuuurwa kwa Yesu Kristo, "Omuntu weena ku aryongyeraho ekigambo nari ku aricwaho Ekigambo, omugabo gwe guryaihwa omu Kitabo ky'Amagara."

16 Ai Ruhanga, nimmanya, nindeeba oku turi ab'amaani makye, nimmanya ngu nitutamburira aha huuzi z'amagara ezirikurahuka kucweka, z'amagara aga agafa, titurikumanya obunaku obu turaije kwetwa kucwerwa orurbanja omu Iguru. Ai Mukama, ka, tute aha rubaju buri kintu ekiri omu mutima gwaitu, buri kintu ekiri omu biteekateeko byaitu, reero tuhangye amaisho Ekigambo Kyawe, ekiro eki, kandi Naiwe oije Okitushoboororere orikukozesa ebigambo bya Ruhanga ebihuriire. Kikore.

K'Omwoyo Waawe ashuumme ahariitwe kandi ashukye amajuta aha Kigambo omu mitima yaitu, kugira ngu turugye hanu, omwabazyo ogu, turi abantu barungi okukira oku turi hati, kugira ngu tubaase kweyongyera kwetegyereza Yesu Kristo. Ikiriza ngu kibe kityo, Mukama, kugira ngu tubaase kwetegyereza ebi tutwiremu, hamwe n'okutebeekanisa kwa Ruhanga ahabw'abantu Be omu shaaha egi; obunaku obu, obukuru, oburimu omwirima, obukuru munonga, obu tutwiremu hati. Ruhanga, shuka amajuta, atari aha mugambi wenka, kureka n'ahari ogwo ohurikiize. Kandi, twena hamwe, tuma emitima yaitu yaatetema ahabw'Ekigambo Kyawe. "Ahakuba okutiina Ruhanga nibwo butandikiro bw'obwengye." Ikiriza ebintu ebi bibevo, Taata, ahakuba nitubishaba omu Iziina rya Yesu. Amiina.

17 Ebigambo bikye ebi naaba ninza kugamba hanu, n'Ebyahandiikirwe ebi ndikwenda kukuratirira n'obwegyendesereza, Mukama ku araakunde, aha Butumwa bw'o-okusima, aha kutarikureebwa, omutwe gwa: Okuteerana Okutarikureebwa Kw'Omugore Wa Kristo. Okuteerana Okutarikureebwa Kw'Omugore Wa Kristo.

Tiburikuhurirwa nk'Obutumwa bw'okusiima. N'obu kiraabe, Ekyahandiikirwe kyona, nitusiima Ahabwakyo kyona.

Ninsiima munonga Ruhanga, okuba ndiho omu bunaku obu, bw'okumariira kw'ebafaayo by'ensi. Tindikumanya. Kuri naahairwe orusa rw'okucwamu omusingye gw'ensi gutakatairweho, kandi Ruhanga akata omu maisho gangye oku biriba byona, reero akangambira ati, "Ni-niinyenda ngu obuurire. Mbwenu hati ni busingye ki obu orikwenda, kuza omu nsi kubuurira?" Nkaatooraine obusingye obu, ahakuba nintekateeka ngu obu n'obusingye oburukukirayo kuba bukur.

Buzima nkaakunzire kuba naabaire ndi hanu omu bwire obu Yaataayaayire ensi. Kwonka, nabwo, nintekateeka ngu hati hati nibwo bwire oburukukirayo kuba bukuru, ahabw'okuba n'obwire obu Arikwija kutwara abantu abu Yaacungwire, oburi haihi n'okuzooka obu abaacungwirwe boona barirugayo. Ka n'omugisha gw'ekitiinisa ogu twine, kugambira abantu abarikufa, obwire bukuru! Tukiiniire omuhimbo.

18 Kandi nitumanya ngu ebyafaayo nibihendera. Ebyafaayo by'ensi nibija kuba byahwa juba, reero nitwija kutaaha omu kiro kisya, omu Kutegyeka kukuru kwa Kristo kw'Emyaka Rukumi. Ekyo, nk'omwikiriza omwe, niinyikiriza omu . . . omu Kutegyeka kwa Kristo kw'Emyaka Rukumi, okutegyeka na Kristo Emysaka Rukumi, emyaka rukumi omu nsi; okugaruka kwa Mukama Yesu omu mubiri, kutwara abantu abari omu mubiri, abaahairwe ekitiinisa, ahabw'Eshagama Ye erikuschemeza.

19 Paulo hanu naaha eky'okureeberaho, omu Kyahandiikirwe kyaitu, aha biragiro n'embabazi, kandi arikubihaho eky'okureeberaho nk'obushwere n'okushenda. Ekicweka ky'Ekyahandiikirwe eki tibakira kukibuuriraho, ahabw'okuba nikishusha, haihi, nk'ekiine akakwate, n'obushwere n'okushenda. Kwonka nabwo kiine akakwate n'ekicweka kihango ky'obushwere n'okushenda, oku ngu naagyezaho kuta omu buteeka hanu ngu itwe nk'E-Ekanisa, titurikubaasa na kakye kushwerwa ensi hamwe na Kristo, obwire bumwe, haza-haza ngu kibe nk'oku ebiragiro bigira, nk'oku kitarikubaasika omukazi kutuura n'omushaija kandi obwo aine iba ohuriire. Kandi nyine ebiteekateeko byangye aharikyo, kandi niinyikiriza ngu eki Baiburi egamba n'Amazima.

Hati, kwonka niinyikiriza, nabwo, nk'oku ndikwikiriza, ngu nikishuuura emwe aha naama nkuru y'obunabi. Kandi niinyesiga ngu Mukama naija kutuhwera, ekiro eki, twaba nituhitsya eki aha bantu abategyereize omu ihanga ryona.

20 Kikagambwa, obunaku bumwe. Mbaire ninshoma, obu mbaire nimpandiika ekihandiiko ky'eki, titindikubaasa kwijuka ekitabo eki kirimu. Kwonka ni-nimpamya ngu eki kihikire, ngu, kimwe aha bitabo ebi naashomire aha Mw. Moody, Dwight Moody, omuri Chicago. Twine ekanisa mpango ehrikiize omuri Chicago, naho, ekiro eki. Ngu, Omw. Moody, bwanyima y'okushoma ekitabo ky'Abarooma 7, akairukira omu rukuuto rw'omu tauni, kandi omushaija w'okubanza ou yaabugaine, akamugambira ati, "Noomanya mbabazi?"

Reero ogwo mushaija yaamugarukamu ati, "Mbabazi oha?"

Omw. Moody yaagira ati, "Embabazi za Ruhanga."

N'ahabw'ekyo, kikamureetera kwijura amashemererwa maingi ku yaakireebire, oku embabazi zaatutanwire zikatwiha aha biragiro, kandi n'oku, ekicweka eki embabazi zaakozire. Mbwenu, hati, ekintu kyona eki ndikwenda kukora, ni obu . . . obutoosha ntuura nimgambira bantu, ku ndicwekanisa ogwo musitaari, aha Rubaju ruri, niinyetenga kwija kwemerera kandi nyeshongore. Embabazi ezirikutangaaza! Ka n'eiraka rirungi,

Ezaajunire enshoberwa nkaanye!

Embabazi, embabazi z'omuhendo!

Nyeyongyere kumanya embabazi ezirikukiraho!

"Ahakuba tukajunwa ahabw'embabazi; atari ahabw'ebi turikubaasa kukora." Ebi turikubaasa, byona ebi turikukora, titurikubibarirwa. Embabazi nizo ezirikutujuna. "Embabazi nizo zaabajunire, ahabw'okwikiriza."

21 Ka ngire eki naayongyera ahari ogu Mukazi, Mbabazi. Ka mute omuri Baiburi, nabwo, naayetwa Omukyara owaatoorainwe, Mukyara Mbabazi ogu ou ndikugambaho. Niumanya, Baiburi neerangirira, ekagira ngu, "Aha Mukyara owaatoorainwe." Obwo, ku muraayetegyereze, "owaatoorainwe" kikaruga omu kigambo "Omukyara owaatoorainwe." Omukyara omwe, omu bakyara abandi boona, akatooranwa.

Nk'oku, omwishiki oshugaine yaabaire ari ow'okuzaara omubiri gwa Ruhanga, omu nsi. Akaba ari omukazi owaatoorainwe. Ruhanga akatoorana Mariamu.

Kandi, nabwo, Ruhanga aronzire Omukyara owaatoorainwe, niwe Mugore We. N'otoorainwe. Nyine amatsiko ngu turi baamemba b'ekyo, ekiro eki, omu nsi yoona, omu ihanga ryona, nimmanyisa.

22 Eky'okureeberaho hanu, nikyoreka akakwate k'Omugore na Kristo, Omukyara owaatoorainwe: kandi n'oku Yaabaire ari ow'okureetwa Ahariwe; ei Yaabaire naaza kuruga; kandi n'oku Yaabaire naaza kureetwa ahari Kristo. Ekanisa hanu, omu ky'okurebereho eki turiyo nitureeba, nikishoboorora omu ky'okureeberaho ky'omukazi. Mbwenu, omukazi burijo ashushanisa Ekanisa, ahabw'okuba Ekanisa neetwarwa kuba Omugore. Omugore, Yo

n'Omugore wa Mukama Yesu, Omwana wa Ruhanga.

23 Burijjo, ku muraayetegyereze, mwetegyereze embeera n'emitwarize y'abakazi, reero nimwija kureeba ahi ekanisa eri.

Hati, eki, ebigambo bimwe ahari ebi nibibaasa kureebeka nk'ebitari bya burijjo ahari bamwe omuriimwe, kwonka n'ebi'okwongyera kuhamya Obutumwa obu nyine oburikuruga ahari Mukama, obu ndikugyezaho kuhitsya aha bantu. Ee . . . Imwe mureebe buri kintu ky'obutoosha, oku kirikubaho, eby'obuhangwa, haza mukireebe. Buzima nikihamya eby'omwoyo, nakyo.

Hati, ku muraareebe emitwarize y'abakazi omu nsi ebiro ebi, mureebe emitwarize y'ekanisa ebiro ebi. Mureebe kusha. Hataraho kubanganisa, hati, nabwo hariho emitwarize y'Omugore w'omwoyo, Ekanisa. Mwareeba? Egyo Mugireebe, nayo. [Omwanya oguriho busha aha rutambi rw'amaraka -Omur.] Ahabw'okuba, ow'obutoosha orikweyeta atyo, naayegamba kuba Omugore.

24 Hati, nyaabura 'mwe ka ngarukye ngambire ab'ekanisa egi hanu. Hati mutashaasha. Ni-ningambira boona abateeraniire hoonahoona omu ihanga, ahari, eki ndikuteekateeka ngu, n'Omukyara owaatoorainwe. N'ahabw'ekyo ku haraabe hariho abaheereza omunda hanu, abatarikwikiriza, mbwenu, otogira eki waagamba ababw'akaanya kakye. Mwareeba? Mwetegyereze. Muhurikize kusha.

Mwetegyereze emitwarize egi. Mwareeba abakazi nibatwaza nk'abashazi, nibakora kyona eki barikwenda kukora, mureebe, ekanisa neekora ekintu nikyo kimwe. Mwetegyereze.

Kwonka mureebe obu, Omugore w'omwoyo, arikutandika kutunga okusisiimuka, obu Arikutandika kugaruka n'okwetereeza n'Ekgambo kya Ruhanga. Obwo mwetegyereze ogundi murundi, nimureeba, oku Ebyahandiikirwe, obunaku obwo, Haryabaho Obutumwa oburirugayo n'amaani kukwata ogwo Mugore, kukwata ogwo Mukazi, Entoore.

Ahakuba, nk'oku ensi, Sitaane, ogwo mubeihi owaabeihabehire omugore w'okubanza, kushiisha ahari Ruhanga, okurabira omu kutaikiriza Ekgambo Kye.

25 Kandi hati, eriizooba, obwo turiyo nitureeba ekanisa y'obutoosha, omu ngiri yaawe y'ab'obwengye, nibeeyongyera munonga kuza hare y'Ekgambo, omu ngiri etarikushasha; nitushanga abakazi b'ensi, aha nguuto z'omu tauni, baamemba baazo, nibeetwara omu mbeera niyo emwe. Torikubaasa kubagambira. Banagire emicwe mirungi y'obutoosha, abantu nikwo bakozire. Mwareeba? Kandi okwo nikwo ekanisa ekozire. Kandi noobaasa kugireeba neetaaha omu kibiina ky'okwegaita kw'amakanisa etereire, buzima kwo, kandi emaririire kutaaha omuri Rooma juba juba nk'oku erikubaasa kuzayo, mwareeba, 'habw'okuba kikahanuurwa. Kandi ngigyo aho. Egyo niyo mitwarize yaayo.

26 Kwonka mugarukye mureebe Ekanisa y'omwoyo, oku ekibiina ekyo ky'abantu, ekyetsirwe kurugayo, Entoore, okuraba omuri buri kusisiimuka. Omu bwire bwa Martin Luther, kikabaho omu muringo nigwo gumwe omu bwire bw'okuhunduuza. Ekintu nikyo kimwe kikabaho omu bunaku bwa John Wesley. Ekintu nikyo kimwe kikabaho omu kubanza obu Pentekoote yaatandika. Abo bakazi bakabatereeza n'Ekgambo, kandi bwanyima barugaho bahaba. Ngigyo neegarukayo okwo omu kajagararo. Kwonka kandi obunaku obu abantu baraabe beeteekateekire kutereera, hariho Obutumwa oburikwija, kandi nibatereeera Nabwo.

27 Obwire bumwe Luther akaba ari entumwa, y'okwiwhaho orubanja, kandi Ekanisa ekakugyenderamu kimwe, bamwe omuribo. Abaatsigaire baagumizamu. Wesley yaija n'okwezibwa, Ekanisa yaatereerera kimwe nakwo. Pentekoote yaija n'okugarurwa busya kw'ebiconco, Ekanisa yaatereerera kimwe nabwo, Entoore z'obwire obwo; reero bwanyima yaahwerera, yaagarukira kimwe omu bunyadiini kandi yaagumirizamu kimwe nabo, boona hamwe okushuumma n'orwo runyiriri.

28 Hati, kwonka mureebe, abantu ku baatandika kutereera n'Ekgambo, aho hajaho Obutumwa busya okuruga omu Kigambo kya Ruhanga, buhikira kimwe aha bantu. Kandi bakwata obwo Butumwa kandi batereera, buri kaire. Kiri omu . . . kya Ruhanga. Ekyo 55 Twine amaka. Buri ka hanu ekyo ekimanyiriire. Obumwe n'obumwe buri kintu nikugyendera gye, okumara emyaka. Reero, ahonaaho, otaaha omu bunaku obugumire ahi, emirundi mingi omu Mashuuma kunu tukyeeta, "Enjura ku egwa, eyeshuka," reero buri kintu kigyenda kubi. Nooba nooraba omu bwire bwa nyekiro. Reero habaho okutagurukana kw'akasheeshe, n'obwire bwa nyekiro. Buri kintu nikigumizamu kitarikhinduka.

29 Nabi, Paulo, hanu naagamba ngu omukazi tarikubaasa kugaruka kushwerwa okuhitsya obu iba w'okubanza arikuba affire. Tarikubaasa kugaruka kushwerwa obwire bwona obu iba w'okubanza arikuba ahuriire; omukazi, n'obu waakureeta enshonga yoona, na kakye. Naateekwa kuguma atashweirwe obwire bwona obu iba arikuba akiri ohuriire. Kandi ku yaakukora ekibi nk'ekyo, "ayetwa omukazi omushambani." Ningamba ow'obuzaarwa bw'obuntu hati, kukishushanisa n'eky'omwoyo. Omukazi ogu ku yaakukora ekibi nk'eki, obwo naaba yaateebwaho akamanyiso, "omukazi omushambani," ku arikuba aine abashaija babiri abahuriire obwire bumwe. N'ahabw'ekyo, ogwo mukazi naaba yaafeerwa, omu kukora eki, obugabe bwe ahari Ruhanga n'Eiguru, ahabw'okukora atyo. Buzima naaba yaakikora. Ogwo mukazi n'encuubwa okuruga omu bukama bwa Ruhanga, okurugiirira omu Byahandiikirwe ebi naaheza kushoma.

30 Nikwo kiri n'aha kanisa, ku egeyeho kujwanga Ekigambo kya Ruhanga n'enyikiriza y'ediini n'ekigombe ky'ediini. Terikubaasa kushwerwa ekigombe ky'ediini, haza ngu ebe Omugore wa Kristo, omu bwire bumwe. Naateekwa kuba afiire ahari kimwe nari ekindi. Ebiragiro nikwo birikugira, hanu. Hariho ebiragiro bingi omu Kigambo kya Ruhanga. Kandi ekyo n'ekiragiro Kye, Paulo naagamba ekintu nikyo kimwe hanu. Tarikubaasa kushwerwa ekanisa y'enyegyesa y'ensi, haza ngu abe Omugore wa Kristo, ahabw'okuba (omukazi) kimwe nikhakanisa ekindi. Hati, mwijukye.

Oti, "Mbwenu, nitwikiriza eki, kwonka titurikwikiriza Kiri.

31 Ku oraabe oshweirwe Kristo, Kristo niwe Kigambo kya Ruhanga. Omuri Yohaana Orikwera, eshuura y'okubanza, akagira ati, "Bwa mbere na mbere hakaba hariho Kigambo, kandi Kigambo ogwo akaba atuura na Ruhanga, kandi Kigambo akaba ari Ruhanga. Kandi Kigambo ogwo niwe omwe owaabaire omuntu kandi akatuura naitwe." Kristo akaba ari Ekigambo ekihuriire. Burijo akaba atuura ari Kigambo. Na hati akiri Kigambo. Aryatuura ari Kigambo. Akaba ari okwelyoreka kw'ebiri omuri Ruhanga kwonka, ahakuba akaba ari Omwana wa Ruhanga.

Kandi omwana weena akozirwe ebiri omuri ishe, nk'oku waabaire ori omu karondo k'okwijkuruza sho, omu mubiri gwa sho obu yaabaire ari omwojo muto. Okaba ori omuriwe. Kwonka nabwo, akaba atarikubaasa kukwatanisa naiwe, ahabw'okuba akaba atarikukumanya. Kwonka kandi, okurabira omuri nyoko, okareetwa omu nsi reero waaba omu kishushani kya sho, obwo yaabaasa kukwatanisa naiwe.

Kandi naimwe nikwo mwabaire muri, batabani ba Ruhanga na bahara ba Ruhanga, nangwa hatakabaireho n'obu kwakuba okwezi, enyonyoozi, nari molecuulu. Mukaba muri batabani na bahara ba Ruhanga, ahakuba muri okwelyoreka okuriho okw'ebiyabaire biri omuri Ruhanga omu kutandika. Ahakuba, hariho omuringo gumwe gwonka gw'Amagara Agatahwaho, kandi ogwo akaba ariiwe, otakabaireho. Tihariho eki orikumanyaho. N'obu kwakuba okumanya obu waabaire ori omuri sho ow'omu nsi, kwonka oyorekirwe, nabwo, omu kishushani kye. Okozirwe omu kishushani kya Ruhanga, kandi waayorekwa ahabw'ekitiinisa n'okukwatanisa na Ruhanga.

Kandi, n'ahabw'ekyo, buzima kwo nk'oku akarondo kaawe k'okwijkuruza kaabaire nikateekwa kuba omuri sho, okuzaarwa kwawe kw'obuntu kutakabaireho, akarondo kaawe k'omwoyo k'okwijkuriza kakaba nikateekwa kuba omuri Ruhanga, ahabw'okuba ori ekirikworeka ebiri omu biteekateeko Bye, omusingye gw'ensi gutakatairweho. Kihikire. Tihariho okukyetooroora. Ekyo kihikire.

32 Hati, hati nitureeba, obwo, ngu ago Magara gakaba gari omuriwe, Amagara ga Ruhanga gakaba gari omuriwe, okuruga aha musingye gw'ensi.

Hati, hati, torikubaasa kujwanga enyikiriza y'ediini y'ekigombe ky'ediini n'Ekihambo, ahabw'okuba bitaanukaine munonga, kimwe aha kindi.

Ekyo nikyo buzima Sitaane yaagyelerizeho kukora omu kuteekateeka kw'obwengye bwe ahari Haawa. Akagira ngu naikiriza ngu Ruhanga akakigamba, kwonka yaagira ati, "Okufa kwo, buzima timurifa." Mwareeba? Kandi ekyo nibakiikiriza.

Kandi ekyo nikyo enyikiriza y'ediini ekozire, ebiro ebi. Ekigombe ky'ediini kitaaniise abantu okuruga aha Kigambo kya Ruhanga. Yesu taragambire ngu, obu Yaija ati, "Imwe, okurabira omu migyenko yaanyu, Ekigambo kya Ruhanga mukihindura busha aha bantu"? [Abateeraine baagira bat, "Amiina." -Omur.] Kandi okurabira omu nyikiriza z'amadiini gaitu, twihireho okukwatanisa kw'Omwoyo Orikwera kushuka amajuta aha Kigambo kya Ruhanga ekihairwego aha busingye obu. Tutaanwire abantu munonga tutyo, okurabira omu bigombe by'amadiini, okuhitsya obu batarikubaasa kutunga omugisha gw'Okukireeba.

Hati, Ruhanga, We, omuri buri busingye, Ayongyeraho ekicweka ky'Ekitabo Kye. Kyona nikigyendera hamwe.

Nk'oku omubiri gwangye gwakozirwe. Ningambirwa ngu gukatandikira omu rutu rw'omugongo, kwonka gwona gukaba gutari oruti rw'omugongo. Gukaruga omwo gwaba embaju, kandi n'okuruga omu bihaha, n'okuhika omu ngaro, n'emikono, n'omu bigyere, n'ebindi, kandi gwagumizamu gwaba omuntu ou nyowe ndi.

33 Kandi nikwo na Ruhanga yaayeyorekire omu kutandika. Kandi aha muheru Akareebeka nka Yehova, Ruhanga Tataitwe. Reero yaareebeka nka Ruhanga Omwana, omuri Yesu Kristo. Hati Areebekire nka Ruhanga Omwoyo Orikwera. Niwe Ruhanga omwe, obutwire bwona, okwelyoreka kw'emirundi eshatu kwa Ruhanga niwe omwe-omwe.

Hati, omuri eki nitushanga, ngu, buri busingye, Ruhanga akabuteeraho ekipimo ky'Ekihambo Kye okuruga omu kutandika.

Nk'oku "evolution" (okuhinduka kw'ekintu mpora-mpora kikarugwamu ekindi bwanyima y'enshumi) yaizire. Nk'oku ekintu ky'okubanza eki Ruhanga yaahangire, obundi, kikaba . . . Ka tugire ngu akahanga amagara g'ebimera, okubanza. Bwanyima Yaahanga amagara g'enyamaishwa, ekyakuratsireho. Bwanyima Yaahanga amagara g'omuntu, ekyakuratsireho. Nikishushana nka "evolution," okwelyongyera kuza ahaiguru.

Nikwo kibaire na Ruhanga n'Ekanisa Ye. Okwihwaho orubanja ahansi ya Luther. Okwez- . . . Okwo n'okwihayo Omugore We, hati. Naahanga Omugore We. Okwihwaho orubanja ahansi ya Luther; okwezibwa ahansi ya Wesley; n'okgumizamu n'ebindi, nimureeba. We, "evolution" y'Omwoyo erikweyongyera munonga kuheebwa, 'habw'okuba Omubiri nigwombekwa, nigwirira haihi n'Omutwe, niwe Kristo, Omubiri gwa Kristo.

34 Hati, We, nk'omukazi, ku araabe Ashweirwe Kristo Kigambo, Tarikubaasa kushwerwa n'ekigombe ky'ediini obwire nibwo bumwe, ahakuba Kimukomire. Tari . . . tarikubaasa kutuura n'abashaija babiri obwire nibwo bumwe. Tibakarikwirizana, omwe na mugyenzi we. Omwe n'otumirwe Ruhanga, ondijo n'oteirweho abantu, n'ahabw'ekyo nibahakanisana. Akagira ati, "Ka buri kigambo ky'omuntu kibe ekishuba; Ekyangye kibe Amazima." Ruhanga nikwo yaagambire.

Nibihakanisana munonga bityo, nk'oku ebiragiro byabaire bitarikwikirizana n'embabazi, nk'oku Paulo arikugamba hanu. Omwe naateekwa kubanza yaafa, kutunga ondijo. "Kandi omukazi ku arikugyezaho kubajwanzya, ayetwa omukazi omushambani." Oo! Kiteekateekyeho. New York, Arizona, omu ihanga ryona, mukiteekateekyeho. Ruhanga akagira ati, "Omukazi ku arigyezaho kushwerwa abashaija babiri obwire bumwe, aryayetwa omushambani." Ni mukazi ki omushambani orikubaasa kutaaha omu Iguru? Ruhanga naabaasa kushwera omushambani? Ngaaha buzima. Akatugambira ngu tutarikikora. "Ogwo mukazi aryayetwa omushambani."

35 Mbwenu, abaana b'ogwo mukazi, yaaba ari omushambani, abaana be n'ebizaarwa. Ebizaarwa ahari ki? T'aha kanisa, kureka aha Kigambo. Ogwo mukazi n'omushambani. Ka n'ekishushani ky'ekitabo ky'Okushuuruurwa 3 hanu, omu biro by'aha mperu, obusingye bw'ekanisa ya Laodikea! Ka n'ekibiina ky'ebizaarwa! Ka n'orujwanye rw'ekigombe ky'ediini! Kooyakooya, nibeetwara nk'oku baasiima haza beeyeta Abakristaayo, kwonka beehakana Ekigambo kya Ruhanga, "Baine enshusha y'okutiina Ruhanga, kwonka beehakana amaani ge," nk'oku nabi yaagambire ngu baryaba.

36 Obushwere n'omugyenko ogurukukirayo kuba ogwa ira omu nsi. Obushwere bukabanza kukorwa, kandi bukateebwaho, omu kibanja kya Edeni.

Hariho engyesho ezi omukazi yaakwatsiibwe ezi atashemereire kushiisha. Omukazi ekyo akakikwatsibwa. Tihariho kihangirwe omu nsi ekirikushushana n'omukazi. Tihariho mbwakazi, tihariho ekihangirwe ky'ekikazi ky'omuringo gwona, ekyakwatsiibwe engyesho nk'ezi omukazi aine.

Omukazi nangwa akaba atari omu-omu kuhangwa okwabandize, ahabw'okuba Ruhanga akaba naamanya ngu omukazi akaba naaza kugwa. Ebindi bikazi byona bikaba bitarikubaasa kushambana. Omukazi niwe wenka orikubaasa kushambana. Kuri omukazi yaahangirwe nk'ebyahangirwe omu kubanza, ekyo tikuakubaire nikikorengana n'obwengye bwa Ruhanga bukurwa. Mwareeba? Omukazi akakorwa ari ekihirwe omu mushaija.

Kwonka ahabw'okuba omukazi yaateibwe aha rubaju orwo, nabwo akaheebwa obujunaanizibwa oburikwera okuruga ahari Ruhanga, ahabw'okucungurwa. Omukazi aine obuhangwa obu atashemereire kushiisha.

Omukazi ku yaakubushiisha, naaba yaakuzishiisha ebiro by'amagara ge goona. N'obu yaakusaasirwa okwingana ki, tarikubaasa kwiwhaho orubanja. Ekyo niinyija kukihikaho omu kaanya kakye. Nyine Ekyahandiikirwe ahari ekyo, omu dakiika nkye. Omukazi naabaasa kusaasirwa okusisikara kwe, kwonka tarikubaasa kwiwhaho orubanja omu magara aga. Naatuura nakyo. Mureebe hati. Omukazi akaheebwa eki. Naabaasa kusaasirwa, kwonka tarikubaasa kwiwhaho orubanja.

37 Omukazi akaheebwa omubiri gwe, guri eky'okureeberera ekirikwera kuruga ahari Ruhanga. Tihariho mbwakazi, tihariho nyonyi, tihariho nyamaishwa endijo yoona, tihariho kindi kihangirwe ekiri kityo. Ngaaha. Omukazi niwe wenka. Ahabwakyo, omukazi . . . Enshonga etumire gwaba ogurikwera, omukazi n'ow'okureeta amagara omu nsi. Omubiri gw'omukazi n'entabire y'amagara, n'ahabw'ekyo egoyi niyo nshonga omukazi yaahairwe eky'okureeberera ekirikwera eki.

Hati hanu niho murikubaasa kuhakanisiza, baingi, imwe abatendekirwe omu by'ediini. Ekyo nikyo kyasiisire oruganda rw'abantu rwona, n'okwo kushambana omu kutandika. Entabire y'ogwo mukazi ekashiishwa. Akazaara abo barongo, Kaini na Abeeli. Ekoorwa kimwe, abaana babiri. Musherure omu Byahandiikirwe. Ahaa.

38 Hati mwetegyereze. Nitushanga ngu omubiri gw'omukazi n'omusiri gw'entabire, mbwenu n'ahabw'ekyo n'ekintu ekirikwera ky'okureeberera, tigushemereire kushiishwa. Hati, ningamba hati, eki ninkireeta omu muringo gw'okuha eky'okureeberaho, kubooreka ahi Ekanisa eyemereire. Tindikugamba ahariimwe abakazi. Eki ori, ekyo kiri ahagati yaawe na Ruhanga, nari imwe abashaija. Kureka ningamba aha Kanisa na Kristo.

Hati, omukazi ahairwe eki, okuzaara amagara agu Ruhanga wenka arikubaasa kuha. Iba naabaasa kuba niwe oine entanga, kwonka Ruhanga naateekwa kureeta amagara. Ekyo kihikire. Nigateekwa kwija. Amagara goona nigateekwa kuruga ahari Ruhanga. Amagara g'omuringo gwona nigateekwa kuruga ahari Ruhanga. Gaasiisikara, kandi ekyo nikyo kirikutuma gaaba ag'ekibi, kwonka amagara nigateekwa kuruga ahari Ruhanga. Niwe bukomooko bw'amagara. Hati omukazi aine agari . . . gamwe . . .

39 Niinyenda kugamba ebintu bishatu ebi omukazi atashemereire kurugaho. Hati,

ningamba, mugumye Ekanisa omu biteekateeko naaba ningamba eki aha mukazi w'obutoosha, nk'oku Paulo arikugamba hanu, omu shuura ya 7 y'ekitabo ky'Abarooma.

Omukazi aine eky'okureeberera ekirikwera ky'engabirano eki Mukama we yaamuhaire, engabirano nanka. Tihariho ekindi kintu ekigiine kureka omukazi. Kihikire. Mukama ekyo akagiha omukazi. Omukazi tashemereire kushiisha egoy ngabirano.

Omukazi ku yaakukora ekintu kibi, ekyo naateekwa kukyeteisiza iba atakamushweire, kandi akigorore. Ekintu nikyo kimwe nk'ekanisa eyaashweirwe aha biragiro, nayo neeteekwa kwija omu maisho ga Kristo, kushwerwa obwa kabiri kutakabaireho. Omukazi ekyo naateekwa kukyeteisa. Ku araabe atakikozire, kandi akatuura na iba okumara emyaka ikumi reero akakyeteisa, iba aine obugabe bw'okumushenda kandi akashwera ondiijo mukazi. Ekyo n'Ekyahandiikirwe. Obushambani n'okutuura amagara agatashemeire.

“Yosefu, otatiina, kutaasya Mariamu omukazi waawe, ahakuba enda ei aine n'ey'Omwoyo Orikwera.” Akaba naateekateeka kwita obugyenyi bwe bwesherekye, mwareeba, bwanyima y'okugamba Mariamu obugyenyi. Waaba noogamba omukazi obugyenyi, omu maisho ga Ruhanga, ogwo mukazi naaba ari omukazi waawe.

40 Mwetegyereze hati. Omukazi aine eky'okureeberera ekirikwera ky'engabirano nungi eki yaahairwe, eki Mukama yaamuhaire ngu arinde. Ruhanga akamuha ego ngabirano nungi. Nk'oku kyabaire kiri omu kibanja kya Edeni, omukazi naabaasa kugira ngu, “eego,” nari “ngaaha.” Aine engabirano nungi y'okuba omukazi ei yaahairwe ngu arinde, ei atashemereire kushiisha. Okuba omukazi oku ndikugambaho hanu n'emitarize y'omukazi, enyetwara y'omukazi aha bashaija. Kutaikiriza buri mushaija . . .

41 Baareeba ebiri ahari televijoni kandi bakareeba abazaani ba katemba nibanywegyera, kandi nibagwa omu kifuba, kandi n'okwekwata ejaga, kandi baguma haihi, n'abakazi aba. Omukazi orikukora ekyo, n'ow'emicwe mibi. Oihireho ekyo, naabaasa kuba aine emicwe mirungi. Kwonka, nimureeba, omu mutima gwe . . . Kandi, obwo bunyubwizi, obunyubwizi bw'ebi'omubonano, buri omu minwa. Omushaija yaanywegyera omukazi, buzima naaba, omu buryo bumwe, yaashambana. Obunyubwizi bw'ebi'omubonano buri omu minwa y'omukazi n'omu minwa y'omushaija. Omushaija naabaasa kunywegyera omukazi aha ngaro, ekyo tikikaabaasa kujwanga obunyubwizi bwabo bw'ebi'omubonano. Kwonka obunyubwizi bw'ebi'omubonano buri omu minwa. Kandi okureeba obusheba obu bwona o-omuri Hollywood ebiro ebi, okwekwata ejaga n'okukwatanisa n'abakazi omu kakungu ka rukundo, n'ebindi, kandi obwo abaishiki bato ebyo bariyo nibabireeba. Tiky'okutangaaza emicwe yaitu ejunzire neenuka, kandi esiisikaire, mwareeba, ahabw'okuba eteirwe omu maisho g'abaana. Ekyo kihikire. Niiteekwa kuba kityo omu biro by'aha mperu.

42 Hati ogumye ekanisa omu biteekateeko. Neenywegyera kandi neeyekwata ejaga, kandi neeyejwanzya omuri buri kintu ekindi kyona kureka Ekigambo, eikiriza Sitaane, n'obwegyese n'okusheruririza kwa sayansi, n'ebindi.

Kandi obwo, ebya sayansi, obwegyese, buri kintu, nibihakanisa Ruhanga kyarimwe. Entwaza yoona y'okuhutuuka ei twine hati n'eya antikristo kyarimwe. Entwaza y'obwegyese n'eya antikristo. Okuhutuuka ni antikristo. Nikuhakanisa Ruhanga. Noogira oti, “Kuhakanisa okuhutuuka?” Ruhanga naija kugira okuhutuuka, kimwe omu biro ebi, oku okufa kutarigiram Kakwate koona. Okuhutuuka oku kw'omutindo gw'eriigyenda kukareetwa Sitaane. Ekyo ninza kukibooreka, Mukama ku araakunde, ekiro eki, okuruga omuri Baiburi. Ebintu ebi byona n'ebya Sitaane. Okuhutuuka kwaitu okusya tikurigiram ekintu na kimwe ky'ebi.

Omukazi aine oburikwera obu obumukozire.

43 Tiky'okutangaaza ngu abashaija nibeetwara aha bakazi nk'oku barikwetwaza, n'ahabw'okuba abakazi nibeetwaza aha bashaija nk'oku barikwetwaza. Omukazi naayeyoreka aheeru hanu ajwaire empare ngufu, kandi emukwatiire aha mubiri, n'ebijwaro by'abashaija n'ebintu, aheeru omu nguuto z'omu tauni, naayetogonyora. N'obu yaakugamba ki, naabaasa kuba aine emicwe mirungi ahari iba nk'oku arikubaasa, kwonka, omu maisho ga Ruhanga, “N'omukazi omushambani.” “Orikureeba omukazi akamwetenga biri aherize kumushambanaho omu mutima gwe.” Kandi omukazi ayeyanikire kuba ekyo.

Kandi ekyo buzima nikyo ekanisa ekozire n'ensi.

44 Mwetegyereze. Ekyo kimuhairwe: engabirano erikwera, okuba omukazi okurikwera, kandi reero n'okuba omukazi omuzaire okurikwera, kuheereza iba ekitiinwa.

Reeba ebiro ebi. Omu ndembo zimwe, endembo nyingi, nangwa bagiraho n'amagyenyi g'amaani omu ki barikweta ekibiina, baamemba b'ekanisa, nabo. Enkofiira zabo bazita ahansi, kandi boona basinda haza banagamu ebishumuruzo byabo. Buri mukazi agyenda aiha ekishumuuruzo omu nkofiira, ky'omushaija ou araashambane nawe Orwamukaaga na Sande. Amagyenyi ga buri muringo nk'ago! Eki, nyine bingi by'okugamba hanu, Mukama ku araakunde, tinyine bw'okubitaahamu. Oburofa nk'obwo!

Kandi ekanisa nayo nikwo esiisikaire, kihikire, neeshambana na buri kintu, kandi teshemereire kuba neebitaahamu. Eshemereire kuguma n'Ekigambo.

45 Ebyombeko ni birungi. Amarwariro ni marungi. Ebindi ebi byona ni birungi. Entebeekanisa y'obwegyese, ni

nungi. Nituteekwa kutuura hanu, nituteekwa kushoma, kuhandiika. Ekyo ni kimwe aha bi tushemereire kugira.

Eky'okureeberaho, tukaba tutashemereire kujwara ebijwaro, omu kutandika. Niinyija kukibuuriraho, aha muheru gw'egi saabiiti, Mukama ku araakunde. Kwonka nituteekwa kujwara ebijwaro ahaw'b'okuba Ruhanga akatuba ebijwaro. Kwonka, omu kutandika, tukaba tutarikubyetenga. Tukaba tushwekirwe.⁹⁷ Hati omukazi ashwekirwe aha kibi kye. Tarikumanya nangwa ngu naashiisha, mwareeba, nk'oku yaabaire ari obwire buri. Ahaw'b'o . . . Hati omukazi ashwekirwe Sitaane; obwire buri omukazi akaba ashwekirwe Ruhanga. Entaaniso yaakyo.

46 Hati nitushanga ngu omukazi akaheebwa eky'okureeberera ekirikwera eki arikuteekwa kutashiisha: okuba omukazi, emitwarize, kugira engyesho ze, kukuza abaana be, kuba ow'ekitiinisa ahari iba.

Ebiro ebi, nibakifaho kakyeho munonga okukira ekindi kintu kyona omu nsi. Kuri nooshutama omu ofisi yangye obwire bumwe hazza okareeba abashaija nibareetamu abakazi baabo, ku baba nibagyezaho kutereera na Ruhanga kandi bakaatura abashaija boona abu baashambaine nabo, na buri kintu ekindi kyona, okwiha obu baashwerwa. Oo, noogira oti, "Abo . . ." Ngaaha. Abo n'Abapentekoote. Ahaa. Abatsigaire tibarikubaasa kwija. N'ahaw'b'ekyo n'e . . .

Ningamba omuringo ogu kirikubaasa kubamu, waatandika kwejwanzya n'ensi, ekanisa, n'emishono yoona kandi n'ebantu ebi twine. Titukiri nk'oku pentekoote y'okubanza yaabaire eri nk'oku nyekiro etarikushushana na nyomushana. Tukatwarwatwarwa twaza ahanti, omu mwirima gw'akajagararo ahantu nanka, kandi twabura.

47 Ka n'eky'okureeberera ekirikwera! Ka n'obujunaanizibwa aha mukazi! Hati mureebe ahaw'b'enki omukazi ari ekirikushushanisa ky'Ekanisa, nayo eine obujunaanizibwa nibwo bumwe. Nk'oku omukazi aine obujunaanizibwa oburikwera aha ky'okuba omukazi, aha ngabirano ye, ahari iba, n'Ekanisa nikwo eine obujunaanizibwa oburikwera ahaky'okushaba n'aha Kigambo, n'ahari Kristo, nikyo kimwe nk'oku omukazi abwine.

Kandi nk'oku omukazi atwarwatwarwa akagyenda n'ondijo mushaija; ekanisa ku etwarwatwarwa ekakuratira entebeekanisa ezi z'amatendekyero, n'entebeekanisa z'okwombeka n'amashomero, n'ebindi. Tinyine eki ndikuфа nabyo. Ni birungi. Nibihikiiriza ekigyendererwa kyabyo. Kwonka tibi . . .

Yesu taragizire ngu, "Mugyende, mwombekye amashomero." Akagira ati, "Mubuuirire Ekigambo."

48 Aho niho Batarikukifeeraho. Tikukora amatendekyero, amarwariro, n'ebindi. Ebyo ni birungi, kwonka obwo ti bujunaanizibwa bw'Ekanisa. Obujunaanizibwa bwabo n'okubuurira Engiri, kwonka tukozire ekindi kyona kureka ekyo. Kandi tutwarwatwairwe twataahamu, nk'oku Sitaane yaakozire, kandi twakijwanzya n'Engiri, ekindi kintu, n'ekindu kintu, okuhitsya obu kiine orujwangye rw'ebitarimu. Okusiisikara, nangwa n'ensi, ensi yaitu yoona! Mureebe orubaju oru ensi erikwegamiramu.

49 Enshumi nkye ehweire, nkashoma Readers Digest, ahu abaishiki bato nibataaha omu bunaku obu barikureka kuza omu kwezi, kandi abashaija, empindahinduka y'amagara, rwagati y'emyaka makumi abiri na makumi abiri na itaano y'obukuru. Nibaraba omu myaka yaabo ya rwagati. Okujunda, (ahaw'b'enki?) ahaw'b'okusheruririza kwa sayansa omu by'okurya n'ebantu ebirikucwanyagurwa, okuruga omu bintu by'obuhangwa ebitajwangire ebi tushemereire kuta omu mibiri yaitu. Tituri kintu kureka ekirundo ky'obujunde ekirufa.

Hati, ekyo nikyo ekanisa eri, nayo. Eri omu mbeera niyo emwe.

Yo n'ekirikushushanisa. Eine engabirano nizo zimwe z'omuhendo y'Omwoyo, Ezi yaahairwe, kurinda gye Omwoyo n'Ekigambo, kandi kutarishambana n'ekintu kyona ky'ensi nari ekintu kyona. Kuguma eshugaine omu Kigambo, nk'oku omukazi ashemereire kuguma ari ow'emicwe emirungi ahari iba. N'ekintu ekirikwera eki yaahairwe kurinda, kuha ekitiinisa Ekigambo kya Mukama Waayo okukira buri nyegyesa egunzirwe abantu, obwengye, ekigombe ky'ediini ekiriho. Ekanisa ekaheebwa ekintu ekyo kukirinda.

Ku baraagire ngu, "Mbwenu, ekanisa yangye . . ." Tindikufayo eki ekanisa yaawe erikwikiriza. Ku kiraabe nikihakanisa Ekigambo kya Ruhanga, okyetantare.

Baiburi ekagira ngu, "Yesu Kristo tahinduka, oku abaire ari nyomwabazyo, n'eri izooba nikwo ari, kandi nikwo ariguma ebiro byona." Mako 16 ekagira eti, "Obumanyiso oburiguma nibukuratira abarikwikiriza n'obu." Ekanisa ku yaakubuurira eky'omutaano ahari Eki, mutakiikiriza. Mufe ahari ekyo kintu. Muzaarwe obwa kabiri, mutaahe omu Kigambo kya Ruhanga. "Mugyende omu nsi zoona mbuuirire Engiri ebihangirwe byona." Okwo niyo Kyabaire kishemereire kuhika. "Obumanyiso oburiguma nibukuratira abarikwikiriza n'obu, omu nsi yoona, kandi na buri kihangirwe kyona ekiryaikiriza." Nimureeba oku twakirugireho? Buzima. Kwonka Ekanisa eine obujunaanizibwa Aharikyo.

50 Kwonka hati mureebe eki, Hollywood, ehire ebintu by'emicwe mirungi aha bakazi baitu.

Nyemereire hanu nindeeba omukaikuru omukundwa, Ow'eishe-emwekaza Schrader, baingi aha bakazi hanu, hamwe n'enyima, n'Ow'eishe-emwekaza Moore hanu, abakazi abakuzire okukiraho abarikwijuca emyaka mikye echingwire. Baanyina, nangwa nabo, kuri baagiire omu nguuto z'omu rurembo, oku bamwe omu bakazi aba barikutambura ebiro ebi, baamemba b'ekanisa, bakaabaire baakomeire ogwo mukazi omu kihome ngu agwire

eiraro. "Ayebirwe kujwara sikaati ye." Mbwenu, ku kuraabe kwabaire kuri okugwa eiraro buri, na hati n'okugwa eiraro.

Mbwenu, mureebe, ensi yoona neehamya ngu n'okugwa eiraro. Mureebe obwitsi n'ebintu ebirikugyenda omu maisho omu nsi hati. Mwareeba? Okugwa eiraro!

Byona nibyongyera kuhikiiriza ekitabo ky'Okushuururwa. Nitubaasa kukihikaho, saabiiti egi. Ahi, ebintu ebyo ebirikutiinisa, tibiri by'obuhangwa. Ebyo n'ebintu by'omwoyo, ebirikutuma abantu baatakira enkiri n'enshozi, na buri kintu, kubagwera.

51 Okugwera kimwe eiraro, oku ensi egi eritaahamu, ahonaaho, hati eri haihi kukuhikamu. Ahabw'enki, nimureeba ekirari ky'ebigyere byakwo. Nkikyo aho. Ni-nikutamburira aheeru omu ruguuto rw'omu tauni, kuhikiire kimwe omu ntebe ndaingwa z'omu kanisa, okugwera kimwe eiraro, kukora ebintu ebi omuntu ataakubaire naateekateeka ngu akaakora kandi obwo ahutuukire.

Mureebe eki Hollywood ekoreire omukazi. Mureebe oku kiri. Enyagire emicwe mirungi erikwera y'abakazi. Tutyo tutyo, nitubaasa kugumizamu. Mwareeba?

Ebi byona omukazi akabifeerwa. Akakikora ata? Ahabw'okuba hakaba hariho ekikozeso ekiine obwengye ekirikwetwa ekanisa, nk'oku kyabaire kiriyo omu kibanja kya Edeni. Omuntu omunyabwengye, Sitaane, akataaha omu kanisa nk'oku yaakozire omu kibanja kya Edeni, kandi yaabeihabeisha omukazi yaatumya yaakikora. Omukazi abeihabeihirwe. Omukazi naateekateeka ngu; tagyendereire kushobya.

Haawa akaba atagyendereire kukora enshobe. Kikaba kitagyendereirwe. Kwonka omukazi . . . Baiburi ekagira ngu, omu kitabo kya Timoseo kya Kabiri 3, "Omukazi akabeihwabeihwa." Kandi okubeihwabeihwa ti obu orikukikora okigyendereire. N'obu orikubeihwabeihwa okakikora.

52 Kandi ekyo buzima nikyo ekibaireho ebi. Abakazi babeihwabeihirwe, na televijioni, n'obutabo bw'amahurile, n'abantu aba, aba, ebintu ebi ebiboneire ebi barikworeka muranga, aheeru omu nguuto z'omu rurembo. Abaishiki b'omutindo gw'eriigyenda, nibareeba omu butabo bw'amahurile kandi bareeba ebishushani. Nibareeba omu nguuto z'omu tauni. Nibareeba ebijwaro omu maduuka. Oku Sitaane, ekyo kikozeso kikuru ky'okuzimu kishuumire kyaija omu bantu kandi kyababeihabeisha kyabataasya omu bintu ebi! Kandi omukazi naateekateeka ngu arigye. Kandi n'ofiire kwonka tarikukimanya. Ari hare na Ruhanga. Nimureeba oku omukazi yaaburize ebi byona, kandi oku kyabaire nikibuzabuza?

53 Eriizooba, niinyenda ngu mwetegyereze. Yesu akakigambaho. Nabwo, ku muraabe nimwenda kukishoma, Yesu akagira ngu ekintu eki kikaba nikiza kubaho. Ekyo mubaire nimukimanya? Omu shaaha Ze z'aha muheru, obwire bukye Atakabambirwe. Ka tukishome, Luka Orlikwera, e-eshuura ya 23, kandi ahaw'aakaanya kakye, nk'eishomo rya Sande sikuulu. Kutandikira aha mushororongo gwa 27, nintekateeka ngu ntairinho akamanyiso hanu. Yesu naaza Gologosa. Muhurikize naaba ninkishoma. Ni kirungi. Luka Orlikwera 23:27, niinyikiriza, niho tukiine. Ekihandiiko kyangye kikiine kityo. Yee. Nkiki hanu.

Kandi omutwe muhango gw'abantu gwamukuratira; . . . n'abakazi nibamucurira, nibeemaamaata.

Yesu yaabahindukira, yaagira ati: Imwe abaishiki ba Yerusaalemu, mutandirira, kureka mweririre n'abaana baanyu.

Ahabw'okuba ekiro-ebiro biryahika . . . obu ebi barigiriram bat: Baine omugisha abakazi engumba, n'enda ezitakazaarahoga, n'amabere agatakontsyaga.

Muteekateekye, ebi ebi, n'ekihemu omukazi kuzaara. Mwareeba?

Obwo baryatandika kweshengyereza enshozi nibagira bat: Mutugwere, ebi- . . . n'ebibungo bat, Mutushwekyerere.

Mbwenu ku baraabe nibagira bat omuti mubisi-mubisi, ogwomire gwo baryagugira bata?

54 Naagamba aha biro obu abakazi bariba batakyenda abaana bundi. Nibenda embwa nari enjangu, nari ekintu ekiri nk'ekyo, kwonka omukazi takyenda abaana bundi. Ahabw'enki? "Naaba Omukaikuru Hubbard ku araazaare." Mwareeba? Tarikwenda. Egyo n'e-n'emigambre ya Hollywood. Tarikwenda mukazi we kuba Omukaikuru Hubbard. N'ahabw'ekyo omukazi naija, omushaija naija kugyenda bamusheemeze nari basheemeze omukazi we, omwe omuribo, kugira ngu kibazibire kuzaara. Tibakyenda abaana bundi.

Yesu akakigambaho. Baitu akagamba ki? "Obunaku obwo baryatandika kweshengyereza enkiri n'enshozi kubagwera."

Omukazi naija kwemereza okuzaara, kugira ngu aze omu magyenyi. Tarikwenda kuteganisibwa kwontsyu omwerekere. "Nikiija kushiisha ekyemerero kye. Yaabaka enda, nikiija, nikiija kushiisha ekyemerero kye." Naaba atakigaruka kushusha nk'oku yaabaire ari okubanza." Kandi iba, omusheema ekirikumara kwikiriza mukazi we kutwaza atyo. Ogwo mukazi tarikwija kumuzaarira omwana.

Yesu akakigambaho. Kandi Akagira ati, ati, "Ku baabaire nibakora eki, obunaku obwo baryatandika kweshengyereza enkiri kubagwera." N'Okwija kwa Mukama.

Nibashashura esente nyingi kugura enjangu, embwa, y'okurembeera. Ekyo nikwo kiri. Omukazi naateekwa kugura eki yaarembeera, ahabw'okuba n'obuhangwa obu Ruhanga yaamuhaire.

55 Nkakyetegyereza. Mpiiga enyamaishwa mpango. Edubu ekuzire omu bunaku bw'omwaka, obu amababi g'emiti garagara, ku eba yaaherize kwema aha dubu y'ekishaija, obwo neeba eine ebyana ebizairwe. N'ebiana birungi biine obuhango bwa rwagati, obundi biine eraatiri igana n'okukiraho. Neetaataanisa ebyo byana kandi bigwejegyera kumara obunaku bw'obutiti, ahabw'okuba neeyenda kuzaara ebindi byana. Bazaarwa omu kwezi Kwakabiri. Edubu teine ekintu kyona eki erikukimanyaho.

Bazaarirwa omu bishaho bikye. Oku Ruhanga atuma byaigura ebishaho bikye ebi, byo byonka, bikye . . . nk'akashaho k'akaveera kakye. Bimanya omuhanda gwabyo. Nyina neeba egwejegyere obutasisiimuka. Neeba etakaryaga okwiha omu kwezi Kwaikumi, kandi oku n'okwezi Kwakabiri. Biija aho kandi bigyonka okuhitsya omu Kwakataano rwagati.

Reero ku ereeba ebyana byayo, n'ebiana birungi ebiine obuhango bwa rwagati, biine ekipimo kya raatiri obundi ikumi na itaano, ikumi nari ikumi na itaano buri kimwe. Bigyonka. Oku etunga amate, ekyo ni Ruhanga orikukimanya. Eguma ehuriire, yo yonka, kandi egira amate g'ebiana byayo.

Kandi ku eba eteemire, kandi etaine byana, neija kusherura eby'omwaka, ebyana eby'omwaka oguhweire, haza ebirembeere omu bunaku bw'ekyanda bwona, ahabw'okuba n'omuze gw'obuzaariranwa ogu Ruhanga yaaglihaire. Neeteekwa kugira eki yaarembeera.

56 Kandi omukazi ku araabe atarikwenda kuzaarira iba omwana, naija kutwara embwa nari enjangu, nari ekintu. Naateekwa kugira ekintu eki yaarembeera. N'obuhangwa. Kwonka okuzaarira iba omwana, n'okumukuza ngu aheereze Ruhanga, ekyo buzima kiri hare n'ebigyendererwa bye. Ashemereire. Oo, omukazi aka . . . Oo, akaashwara, ku yaakukikora, omu bakazi b'omutindo gwa 1965 abu atwire nabo abarikukunda ebibi.

Ekishushani kyonyini ky'ekanisa y'omutindo gw'eriigyenda! Ekanisa y'omutindo gw'eriigyenda nayo terikwenda bimwe ahari ebi hanu, okwamuza, okugamba n'eiraka rihango, okugamba omu ndimi, Ebyakozirwe 2:38 okwetooroorwa abaana bato. Yee.Yee. Mwareeba? Yee. Terikwenda akaari, n'okurira, n'okwamuza, "Amiina! Haleluya!" Ahabw'enki, omwana nk'ogwo akaamubinga omu kigombe ky'ediini kye ahonaaho. Ku baakugira nk'ogwo omuri emwe aha makanisa, ahabw'enki, bakaamubinga ahonaaho.

"Ahabw'enki nimwikiriza ekintu nk'ekyo kugumizamu?"

57 N'ahabw'ekyo, nimureeba, ebakire enda y'ekindi kintu, ahabw'okuba neezaara baamemba obwire bwona. Kwonka terikwenda abo abarikwamuza, abarikugamba n'amaraka mahango, abarikuregyeta, Ebyakozirwe 2:38, abantu abu erikuteekateeka ngu n'enshoberwa. Buzima ekyo kikaagishwaza. Kikaamushiisha n'ekanisa y'ekibiina kye ky'ebya sayansa, eky'abeegire, ab'emitwarize, eki yaabaire arimu hanu. Bakaamunaga aheeru, omu rukiiko oruraakurateho. Tarikubaasa kukyakiira. N'ahabw'ekyo tarikwenda ngu Ekigambo kimutwekye, ahabw'okuba ekyo nikyo kintu kyona eki Ekigambo kirikubaasa kuzaara.

Ekirikuzaarwa Omwoyo wa Ruhanga, kiine Omwoyo wa Ruhanga omurikyo. Tiharimu abanyabwengye kwegaita aha kanisa n'okukuratira enyikiriza y'ediini, kushara amashokye, kusiiga erangi aha buso; tihariho ekintu nk'ekyo Omuriyo yoona. Ekyo timukaakibona omu Kigambo kya Ruhanga. Nimushangamu omutindo ogwa ira, omwana oyeziibwe, ojewire Omwoyo Orikwera, ozairwe Omwoyo wa Ruhanga, naayamuza, naagamba n'eiraka rihango, naateera akaari, naahimbisa Ruhanga.

58 Ebyo byona biri hare nawe. Ebyo tarikubyenda. Oo, ngaaha, sebo! Ngaaha, buzima. Mbwenu naakora ki? N'ahabw'ekyo naareeta bibiri, obuso obusiigirwe erangi, ekibiina kya Yezebeeli, kujwara ebijwaro bigufu, "enjangu," ekizaarwa, nikwo barikuzeeta, ningira ngu nikyo. Mwareeba? Ningira ngu nibakyeta enjangu. Mwareeba? "Mureebe enjangu neegyendagyenda hari," nikwo bagira, nari ekintu ekiri nka batyo, nimumanya.

Akazaarwa, nari akashwerwa, agaitsirwe ahari iba w'okubanza, Adamu w'okubanza, okurabira omu mukazi Haawa omushambani, muka Adamu w'okubanza. Noogira oti, "Omushambani?" Buzima akaba ari omushambani. Kwonka, oo, naagira ngu Adamu ogu, Adamu ogu ow'okubanza, akafa. "Oo, buzima, akafa ira munonga. Ngarukire kuzaarwa, omurundi ogundi," yaagira ati, "kandi buzima nshweirwe ahari Adamu wa Kabiri, Kristo, Ekigambo."

59 Muringo ki? Mureebe ebi arikukunda. Mureebe nkunzi ye, nimwenda kureeba ou ainiire rukundo. Ekigambo nikigamba Eki, kwonka we akagira ngu, "Ekanisa yangye neegamba eki." Mbwenu ou ainiire rukundo n'oha? Iba n'oha? Ebyana bye nibihamya eki ari. Kihikiire kimwe, nikyoreka eki ari. Mwetegyereze. Akazaarwa, okubanza, ahari Adamu, 'habw'okuba okwo n'okuzaarwa kwe kw'obutoosha. Mwareeba? Kandi ekyo takakirekaga. Ogwo ni nkunzi y'ensi. Naagira ngu akazaarwa obwa kabiri, ahari Kristo. Kwonka nkunzi ye, mwetegyereze, ni Adamu, nabwo, ahabw'okuba naakunda ensi.

Kandi ekintu-ekintu, mwetegyereze ekika ky'abaana abu arikuzaara. Ekyo nikyoreka ishe ou ari, yaaba

ari Adamu w'okubanza nari Adamu wa Kabiri. Ekanisa ku erikuzaara omwana wa Adamu wa Kabiri, ogwo mwana naatwaza nk'oku Adamu wa Kabiri atwaza, nk'oku baatwaize aha Kiro kya Pentekoote. Abo nibo baana kashushu ba Adamu wa Kabiri. Mwareeba? Kihikire. Obuhangwa bwabo ni nk'obwe na nyina. Eego, sebo. Bahara baayo, aha maisho hasiigirwe erangi, amashokye gashazirwe, nibajwara ebijwaro by'abashaija, empare ndaingwa. Baiburi ekagira ngu omukazi "tashemereire kukikora." Omukazi naashara eishokye rye. "N'ekyenshoni aha mukazi."

Noogira oti, "Hunama, ahari ekyo."

Okwo nikwo Ekigambo kirikugira. Niinyoreka eby'obuhangwa byonka. Ekyo nikyo erikukora.

60 Abaana be, abaana be abu azaire, beegamira obwegyese, kwega, eishomero rya Baiburi nanka, erirkwetwa batyo, eitendekyero rikuru nanka erishemereire kuba erya ira munonga, niribaaturira, omu muringo nk'ogw'ekyoma ekirikwaturira amahuri. Abarikusherura ebigombe by'amadiini, kihikire, abanyadiini nka Kaini, ebinyandaaro aha Kigambo nk'oku Kaini yaabaire ari, buzima, abarikusherura ebigombe by'amadiini. Nimureeba eki kiri?

Ruhanga takakoraga ekigombe ky'ediini. Burijo atuura naakihakanisa. Ekigambo Kye nikikihakanisa.

Kwonka nibakiramatiroho, n'ahabw'ekyo nimureeba ebi barikuzaara. Ekyo nikyoreka ou ishe na nyina bari. Buzima. Buzima. Ebizaarwa buzima nk'oku Kaini yaabaire ari. Ogwo n'omwana w'omuringo nk'ou yaazaare ahari Haawa. Bakaruga aha Kigambo, mbwenu mureebe eki azaire. Ekyo buzima nikyo ekanisa ezaire, ekintu nikyo kimwe.

Nimbaasa kukibooreka, okuraba omu Kigambo, ku obwegyese n'okuhutuuka byarugire omwo, okurabira omuri Kaini. Ekyo kihikiire kimwe. Ahakuba nibagira ngu . . . Kwonka ni-nibagira ngu n'abaana ba Ruhanga, kwonka n'abazairwe ebigombe by'amadiini, abanyabigombe by'amadiini abeegyesiibwe-abeegire, na buri kintu kyona. Ekyo kihikiire kimwe. Abanyabwengye, abeegire! Mugyensi! Nikwo n'enjoka yaabaire eri, ishebo. Kihikire. Ababuurizi abanyabwengye kandi abanyasayansi nk'oku Kaini yaabaire ari. Mwareeba? Buzima ekintu nikyo kimwe.

Noogira oti, "Ow'eishe-emwe Branham, ago n'amazima?"

61 Biikuura omu kitabo ky'Okutandika 4:16 haza orebee. Garuka hanu omu kitabo ky'Okutandika 4:16, ahabw'edakiika, noija kureeba oku kyabaire.

Bwanyima Kaini yaaruga . . . omu maisho ga MUKAMA, yaatuura omu nsi ya Noodi aha rubaju rw'oburugwa-izooba bwa Edeni.

Bwanyima Kaini yaamanya omukazi we, yaagira enda, yaazara Enoka; yaayombeka orurembo, yaarweterera . . . ogwo mutabani Enosi.

62 Okugumizamu kushuuma kuhika ahari Yubali, okugumizamu kushuuma, ahakuba bakatandika, haarugamu abarikukora ebikozeso, by'okweshongoza, n'ebindi. Okuhutuuka kukareetwa Kaini, kihikire, kwombeka endembo, ebikozeso. Abantu abanyasayansa bakaija kurabira omuri Kaini, oruzaaro rw'enjoka. Hati mureebe omushororongo gwa 25.

Adamu yaagaruka yaamanya omukazi we,

Hati, akamanya omukazi we rimwe kwonka yaazaara abaana babiri. Sherura omu Byahandiikirwe. Akazaara Kaini na Abeeli. Ekikorwa kimwe, kwonka abaana babiri. Noogira oti . . .

Bakangambira, enshumi nkye ehangwire, ngu tikikaabaasa, kubaho. Twine ekyabaireho omuri Hollywood. Hollywood? Twine omushango omuri Tucson hati hati, guri eruguru omu mbuga z'amateeka. Omukazi akazaara omwana w'omukyotera n'omwana w'omujungu, obwire nibwo bumwe. Nibagira ngu omukazi takaabaasa kukikora. Omukazi naabaasa kugira amahuri abiri agakuzire, nabwo. Guri omu mbuga z'amateeka hati. Nimmanya ngu embwa nizibaasa kukikora. Enyamaishwa nizibaasa kukikora. Kandi omukazi akakihikaho. Omushaija w'omujungu akagira ati, "Niinyija kureeberera omwana wangye, kwonka atari ogwo."

Reero omukazi yaayatura. Akabyama na iba ako kasheeshe, kandi yaabyama n'ogwo mushaija w'omukyotera ehangwe eryo. "Eihuri ku riraabe ririmu," dokita nikwo arikugira, "omu bwire bw'eshaaha makumi abiri na ina, nikibaho haaba harimu eihuri erindi erikuzire." Kandi okwo omukazi akakikora.

63 Kandi ekyo buzima nikyo kyabaireho hanu. Kaini owa . . . Sitaane, ako kasheeshe, omu njoka; bwanyima Adamu, ehangwe eryo. Kandi omukazi . . . Reero yaazaara abaana babiri.

Hati, Adamu yaagaruka yaamanya omukazi we, (omurundi gwa kabiri) yaazaara omwana w'omwojo . . .

Mwijukye, tihariho omwanya na gumwe omuri Baiburi ahu kihandiikirwe ngu Kaini n'omwana wa Adamu. Nikigira ngu, "Akaba ari ow'omubi," atari Adamu, "Sitaane."

. . . yaamanya omukazi we, (omurundi gwa kabiri) kandi yaamanya . . . kandi yaazaara omwana w'omwojo,

yaamweta Seezi; ahakuba Haawa akagira ati: Ruhanga yanshumbuusha . . . (Egyo ekaba etari Mbibo yonyini.) . . . yanshumbuusha ondijo mwana omu mwanya gwa Adamu, ou Kaini yaitsire. N'ahabw'ekyo . . .

Na Seezi yaazaara omwojo, yaamweta Enosi; kandi omu bunaku obwo abantu baatandika kutakira eiziina rya MUKAMA.

Ti kuruga omu bukomooko bwa Kaini, obusingye obwo, kureka omu bukomooko bwa Seezi.

N'ahabw'ekyo, "Kaini niwe omubi." Aho haija enjoka.

64 Hati mwetegyereze. Baiburi hanu neegamba butunu, ngu, "Omushaija we w'okubanza naateekwa kubanza yaafa," kutari kumubinga kusha. Naateekwa kubanza yaafa.

Mperize kubuurira aha Bushwere n'Okushenda, kandi mwena nimukimanya. Hati tindikugambira, okutwarira hamwe, abateeraniire hanu, kureka eihanga ryona. Ni kirungi. Hati nimureeba ekyabaireyo, omu Bushwere n'Okushenda. Obwo . . . ? . . . Obumanyiso Mushanju bukabambuurwa, bwaihayo Amazima gonyini gaakyo.

65 N'ahabw'ekyo, kushwerwa ahari Adamu wa Kabiri, Kristo, Ekigambo, nooteekwa kutaana okurabira omu kufa, kuruga ahari baro w'okubanza w'ekigombe ky'ediini 'habw'okuba tihariho na kimwe omuribyo ekirikubaasa kutwara Ekigambo kya Ruhanga kyona. Iwe nyoreka ahi ekyo kiri. "Oo," noogira oti, "ekyangye." N'oriya naagamba ekye, nawe. Bate hamwe, haza noiija kushanga ngu mwembi mugwire, ahonaaho mwaheza kwekoramu ekigombe ky'ediini. Shoma Okushuuuruwa 17. N'ahabw'ekyo, nooreeba, nooteekwa kubanza waafa aha kintu ekyo.

Hati, tindikugambira abateeraniire hanu. Ningambira eihanga ryona otwariire hamwe. Nooteekwa kubanza waafa ahari baro w'okubanza. Ku oraabe oteereinwe na Kristo kandi okishweirwe ekigombe ky'ediini, ori omukazi omushambani. Ori Laodikea.

66 Ekanisa omu ihanga ryona, tukuratiire Yesu Kristo, Ekigambo. Kuba omu Mugore, nooteekwa kuba oshweirwe Ekigambo kya Ruhanga, niwe Kristo. "Bwa mbere na mbere hakaba hariho Kigambo; Kigambo ogwo akaba atuura na Ruhanga, kandi Kigambo akaba ari Ruhanga. Kandi Kigambo ogwo yaaba omuntu yaatuura naitwe."

Obwire bwona obu orikuba ohamiire aha migyenko y'omuntu y'ekigombe ky'ediini, omu Kigambo kya Ruhanga, nooba nooyetwa, "omukazi omushambani." Obwire bwona obu orikuba ori omuntu orikusherura enyegyesa y'ekigombe ky'ediini, ori memba w'ekigombe ky'ediini ekirikuhakanisa Ekigambo, ori "omukazi omushambani," oku Baiburi yaagizire.

Yesu akagira ati, "Torikubaasa kuheereza baaruhanga babiri obwire nibwo bumwe. Nooheereza Ruhanga nari mamona." Mamona ni "ensi." "Omuntu orikukunda ensi, nari ebintu by'ensi, rukundo ya Ruhanga neeba etamurimu." Embibo ya Ruhanga terikubaasa kuguma omuriwe obwire nibwo bumwe (rukundo ya Ruhanga) rukundo y'ensi erimu. Embibo ya Ruhanga ku erikuba neekorera omuriwe, ekyo n'Ekigambo kya Ruhanga. Rukundo y'ensi terikubaasa kubamu obwire nibwo bumwe. Hati eishokyе rigufu rirahi, zaasikaati ngufu, n'aha buso ahasiigirwe erangi? Hati ebyo birahi?

67 Torikubaasa kugira emicwe mirungi ahari Kristo, Ekigambo kya Ruhanga, kandi obwire nibwo bumwe okaheereza ekigombe ky'ediini ekigunzirwe abantu. Nikihakanisa Ekigambo. Paulo nikwo yaagambire hanu. "Nkah?" Abarooma 7.

Nabwo torikubaasa kuzaara abaana ba Ruhanga, b'Ekigambo Kye, aha kibiina ky'ekizaarwa ky'ekigombe ky'ediini eki. Torikubaasa kukikora. Omu kyoma kyawe ekirikwatuza amahuri, torikubaasa kuzaara omwana Kigambo wa Ruhanga. Ningambira ekanisa. Kwonka nabwo nimukigamba ngu muri abanyadiini munonga. Kaini nawe nikwo yaabaire ari, mutabani wa Haawa maraaya, omunyadiini munonga, akombeka amatambiro kandi yaahayo ebitambo, kandi yaahayo kimwe kya ikumi kye kandi yaakora buri kintu eki ondijo munyadiini weena yaakubaasize kukora. Kwonka akaremwa kurinda ekyo Kigambo. Akaremwa kutunga okushuuuruurirwa.

68 Kandi okushuuuruurirwa nikyo kintu kyonka, okushuuuruurirwa Ekigambo. Ni . . . Okushuuuruurirwa niki? Yesu akagira ngu, "Aha rukiri oru Ndyayombekaho Ekanisa Yangye n'amareombo g'okuzimu tigarikubaasa Kugisingura." Okwikiriza n'okushuuuruurirwa; ababw'okuba Okwikiriza kukushuuuriirwe.

"Abeeli, ababw'Okwikiriza, akahayo ekitambo ababw'okushuuuruurirwa (Okwikiriza), akahayo ekitambo ekirikusiimwa ahari Ruhanga okukira ekyo Kaini."

Kaini akateekateeka ngu bakarya ebijuma bya apo. Na hati bakiine ekyo kiteekateeko, kwonka tikwo kyabaire. Kukaba okushambana, oruzaaro rw'enjoka. Kwonka kuriya ku Obumanyiso Mushanju bwabambwirwe, kikakirangirira kandi kyakihama. Ekitabo kyangye aharikyo kyaherize kushohora. Teekateeka, twine rukumi hanu hati. Mwareeba? Mwetegyereze. Ekyo kiri nk'oku Ebyahandiikirwe bigira, okuruga omu kitabo ky'Okutandika okuhika omu kitabo ky'Okushuuuruurwa.

69 Omu bwire bw'aha muheru, emit yombi neehika aha kugira embibo kandi neeyeyoreka yo yonka eki eri.

Hanu niho turi, ekiro eki, Laodikea n'Omugore, kishoboorokire gye kandi nikireebeka kurungi nk'oku kirikubaasa kuba omu Byahandiikirwe, omu maisho gaanyu. "Timurikubaasa kuheereza Ruhanga na mamona." Torikubaasa kuba Omukristaaayo orikwikiriza Baiburi w'emicwe mirungi kandi okakwatanisa n'entwaza y'ekigombe ky'ediini. Torikubaasa kukikora obwire nibwo bumwe. Kimwe nikiteekwa kubanza kyafa, bwanyima ekindi kibone kuba ekihuriire.

Nikyo kimwe torikubaasa kuzaara omwana w'Ekigambo kya Ruhanga. N'ekanisa terikubaasa kuzaara. Tibarikwenda omwe-omwe omuribo, abaana abarikurira bakateera akaari kandi bakagamba omu ndimi, n'ebyo bintu byona. Bo, ebyo torikubaasa kubikora omu kanisa y'ekigombe ky'ediini. Tibarikubaasa kukugumisiriza. Tibarikubakuza batyo. Nibabahika reero babakwata omu ngaro reero bagira bati, "Waikiriza, Omwine. Kasita oha ohandiikirwe eiziina ryawe omu kitabo, nikyo ekyo kyonka eki orikwetaagisibwa kukora." Mwareeba? N'an'aabaana ebizaarwa aha Kigambo, kwonka nabwo nibakigira ngu n'abanyadiini.

70 Etwekirwe n'obwengye bwa Sitaane n'okwetegyereza kwe, ekanisa nikwo ehindukire! Nibooheresa abantu baabo okwo omu mashomero, kwega kugamba ngu "amiina" kurungi. Nibabeegyesa kugamba ebi byona, n'okuba abanyabwengye munonga. Niki? N'okubaka enda ya Sitaane. Sitaane akatweka Haawa naki? Kutaikiriza Ekigambo, ahabw'abanyabwengye, obwengye, kandi kyashiisha ebihangirwe byona. Ekyo buzima nikyo ekozire omu Kigambo ebiro ebi, ekanisa. Eyereeteire kubaka enda y'amashomero ga Baiburi n'amatendekyero makuru, n'ebintu nk'ebyo, okushoma, okuhandiika, okubara, kandi thaine eki barikumanya ahari Ruhanga nk'oku (Hottentot) omutuuragye w'Amashuumma ga Afrika atamanya oku Misri eshusha nyekiro. Nibamanya enyikiriza zaabo zonna, ebitabo byabo by'eshaara, n'ebindi byona, kwonka tibarikumanya ekintu kyona ahari Ruhanga.

Nibamanya obu Ekigambo kyorekwa, obu Ruhanga yaagamba enyima okwo kandi buri busingye akabuteeraho ekipimo ky'Ekigambo Kye ku bwabaire nibwija. Ngugu Noa yaija, kandi yaabuurira obwo busingye.

Hati, kuri Musa yaizire, akagira ati, "Ka twombekye emeeri"? Akaabaire arugiire kimwe aha mutindo. Kwonka akaba ari nabi. Akaba aine okushuuuruurirwa kwa Ruhanga.

Ruhanga akakihamya ku gari Amazima. Akaihayo abaana, yaihayo Israeli, kandi yaayoreka Enyomyo y'Omuriro omu maisho gaabo, kandi yaahamya nabi ogwo; kandi buzima yaagamba eki Yaabaire naaza kukora, kandi Yaakikora.

Bakagira bati, "Ruhanga arekye kugamba. Ka Musa agambe, tutakaafa."

Yaagira ati, "Tindigaruka kugamba nabo ntyo bundi, kureka Ndyabaimukiza baanabi, kandi nibo barigamba."

71 Aho hakeemereraho Isaaya ayemereire aho, yaagira ati, "Omwishiki oshugaine aryagira enda." Omushaija ori nkawe omu biro obu . . . Omwishiki oshugaine naija kugira enda ata? "Omwana w'omwojo atuzaariirwe: omwana atuzaariirwe, Omwana w'omwojo atuhairwe. Eiziina rye aryayetwa: Omuhanuuzi, Mukama w'obusingye, Ruhanga ow'obushoborozi, Tataitwe Otahwaho. Aha kitebe ky'obukama Kya ishe, Daudi, Aryategyeka. Obutegyeki Bwe tiburigira bugarukiro." Nikijja kubaho kita? Akaba atarikumanya. Akafa kugamba eki Ruhanga yaagambire. Kirengire okuteekateeka kwona, obwengye. Kirengire okusheruririza kwona kwa sayansa. N'Ekigambo kya Ruhanga.

72 Hati nitwegyesa abeegi baitu ba seminariyo omu bintu bya Baiburi by'ediini ebitari bimwe na bimwe n'ebintu nk'ebyo, eby'ediini ebigunzirwe abantu, twine ekibiina ky'ekanisa buzima Laodikea, nk'oku Ruhanga yaagambire ngu kiryaba. Oo, mugyenzi! Ekyo ku ndikukireeba, kandi nikituma naatetema. Kutwekwa enda y'okwetegyereza kw'obwengye! Nooteekwa kubanza waaheza gye omushomo gwa siniya ya haaya otakabaasize kwikirizibwa kutaahamu. Nooteekwa kubanza waatunga . . . nooteekwa kubanza waayemerera omu maisho g'omushaho w'ebiteekateeko otakabaasize kwemekwa.

Noobaasa kuteekateeka Petero, Yakobo, na Yohaana barikuza omu maisho g'omushaho w'ebiteekateeko? Nimwijuwa ku bari igana na makumi abiri eruguru okwo, baabaire batarikubaasa nangwa n'okuhandiika amaziina gaabo? Kwemerera omu maisho g'omushaho w'endwara z'ebiteekateeko, kureeba yaaba . . . yaaba ebyabo byona . . . yaaba ekihurikizo ky'aha bwonko bwabo kiri gye, n'ebindi? Bakaba baine ekihurikizo, kwonka kikaba kitari okwetegyereza kw'obwengye nari okusheruririza kwa sayansa. Kukaba kuri okuraba omu maani ga Ruhanga. Ku Gaabaire gabajaho, bakaba batamanya ky'okukora kureka okukora nk'oku Omwoyo Orirkwera yaabaire agamba ngu bakore. Bakaba batata mutima aha munyabwengye weena, aha ki ekanisa yaagamba, n'eki abanyamurwa baagamba, eki eki kyagamba, eki kiri kyagamba. Omwoyo akaba abeebembera; abantu empwa-bwoba.

73 Yohaana y'Okubanza 2:15, Akagira ati, "Mwakunda ensi, nari ebintu by'ensi, rukundo ya Ruhanga teri n'omuriimwe." Mwareeba? N'ahabw'ekyo nimubaasa muta kuba mubakire enda y'Ekigambo kya Ruhanga ekirikucwera ensi orubanja, ekirikucwera Hollywood orubanja, ekirikucwera orubanja emishono yaayo yoona, ekirikucwera orubanja amagyenyi aga goona n'okwetwara kubi kwona, n'ebi barikugira ngu baine omu iziina ry'ediini? Nikibicwera orubanja. Ekigambo nikibaasa kita kutweka omuntu enda: omukazi oshazire eishokye, oyesiigire erangi aha buso, ojwaire ebijwaro bigufu naabaasa ata?

Omubuurizi naabaasa ata, kuza aheeru hanu omuri seminariyo, kandi akareeba omu kitabo ky'Ebyakozirwe 2:38 kandi akareeba ku hatariho omuntu n'omwe omuri Baiburi owaabatiziibwe omu byeterero ebyo, reero kandi

akagumizamu naagira ngu Ekigambo kya Ruhanga kikamutweka enda? Naaba naakubeiha! Akatunda obuhunguzi bwe. Ashambaine omu buryo bw'okuhakanisa Ekintu kyonyini eki yaagambire. Yaaherize kubingwa, kushendwa.

Ruhanga naaza kugira Ekanisa y'emicwe emirungi, buzima kwo, Omugore.

Baiburi ekagira ngu, "Ekigambo tikiri omuriiwe." N'ahabw'ekyo ni baana ba muringo ki abu orikuzaara? Obakire enda y'ebigombe by'amadiini. Tiharabaireho okufa kw'okukutaanisa na nkunzi yaawe y'okubanza.

74 "Ba Joneses nibaija kuteekateeka ki ku ndaatandikye kurira n'okugamba omu ndimi? Nibaija kuteekateeka ki ku ndagarukye kubatizibwa?" Ka n'obushema! Okashwerwa Joneses? Okashwerwa Ekanisa? Okashwerwa Kristo, Ekigambo?

Hati, egyo niyo nshonga erikutuma yaagumizamu neezaara abaana be. Eine abaana ba muringo ki? Hanu hariho gamwe aha maziina agu barikweta ebi: enjangu, ebijunjure, ebikooko, zaakapa, zaawakame. Enjangu, ebijunjure, abo ni baamemba b'ekanisa. Buzima. Boona n'abaana be, abaana ba Kaini, nibo baana b'enyamaishwa y'enyawengye, abarikugamba gye nk'oku barikubaasa.

75 Hati reeba kurungi kumara akaanya kakye, n'okwetegyereza kwawe kw'omwoyo, oreebe omutima gwawe. Fa kureeba hoonahoona. Ningambira eihanga ryona hati. Mureebe ahawb'edakiika nkye kusha, imwe abari okwo omuri Tabirinaakuru ya Branham, imwe abari omuri zaatabirinaakuru aha mwaro gwa Burengyerwa-Izooba, na Arizona, na hoonahoona ahi muri. Yereebe ahawb'edakiika nkye. Noogira oti, "Obwo Butumwa obu orikubuirira, Ow'eishe-emwe Branham, bugwire." Yereebe kumara akaanya kakye. K'Omwoyo Orikwera acaake omutima gwawe naakoresa Ekigambo, nimwija kwikirizana n'Obutumwa obu. Ikiriza Kristo, ekyo Kigambo ekyashukirweho amajuta, acaake omuntu waawe w'omunda. Ikiriza ataahe omunda yaawe, oreebe Ekyo ku kiraabe nikwo kiri nari ngaaha. Kandi ekyo ni kimwe nari bibiri byonka ebi naagambaho, kandi obwo hariho amagana gaabyo.

76 Baiburi n'eikiriza omukazi kushara eishokye? [Abateeraine baagira bat, "Ngaaha." -Omur.] Baiburi n'eikiriza, neikirizana n'okubatizibwa kw'obushatu, omu iziina rya "Isheboona, Omwana, Omwoyo Orikwera"? ["Ngaaha."] Tihariho ekintu nk'ekyo. Baiburi n'eikiriza omukazi kujwara ebijwaro by'abashaija? ["Ngaaha."] Mpaho, twara ebyo bishatu byonka aho, kandi obwo hariho ebindi amagana n'amagana. Bisherure omu Mushana gw'Ekigambo kya Ruhanga.

Noogira oti, "Ndi memba w'ekanisa." Na Kaini nikwo yaabaire ari. Na Haawa nikwo yaabaire ari. Baiburi neeragura, omu biro by'aha mperu, ngu Laodikea eryaba neeshushana etyo.

77 Ikiriza Omwoyo Orikwera acaake omutima gwawe, kandi noija kwikirizana na Danieli 5:12. Omugabekazi ku yaizire omu maisho ga Belishaza, kandi akagira ngu akamanya ku hariho nabi, Danieli, akaba ari omwe aharibo, kandi akaba ari orikumaraho okubangaanisa. Iwe ikiriza Omwoyo Orikwera. Niwe Nabi w'ebiro ebi. Mwikirize ataahe omu mutima gwawe hati hati kandi ashwijume n'Ekigambo kya Ruhanga, reero okubangaanisa aha Butumwa obu nikwija kuhwaho. Amaraho okubangaanisa kwona. Noija kushanga ngu, buzima n'Ekigambo ky'ebiro ebi.

Torikubaasa kubuurira obutumwa bwa Luther ebi. Nibubutaahamu, kwonka ebyo n'ebigyere. Ahaa. Ahaa. Torikubaasa kubuurira Wesley. Torikubaasa kubuurira Pentekoote. Ebyo tukabirenga kare. Baakeekoramu ebibiina by'amadiini baafa. Bo ni omushengye.

Omushengye gukamera n'akababi, aha mbeera y'okubanza y'ekanisa. Hati, ngu tibarikushushana n'enjuma eyaabandize eyaagiire omu itaka, engano.

Ekyakabiri ekyakuratsireho n'omweyangye. Ogwo nagwo tigurikushushana n'enjuma. Gweyongyeire kushushana nayo. Nigweyongyeira kuba omu kyeshusha ky'enjuma yonyini. Kandi amababi buzima tigarikushushana n'enjuma eyaagiire omu itaka. N'ekirikwegura amagara agaabaire gari omu njuma. Kwonka kikakora ki? Kikeekoramu ekigombe ky'ediini, nk'oku eby'obuhangwa ebindi birikutaahamu gye nakyo. Kikafa.

78 Reero hakabaho ki? Amagara gakagumirizamu kimwe gaataaha omu shisha. Eine obuntu bwingi bukye-bukye obwebumburikire nibukireereetaho, nibushushana nk'enjuma nkye-nkye aharikyo. Nibushushana nk'enjuma yonyini, kwonka tiyo.

Reero buragara omu kishushu. Bwanyima bureeta ki? Ekishushu.

Hati, kwata enjuma y'engano, engano yaaba neetandika kwera. Kandi Yesu akagira ati, "Enjuma y'engano." Reero okwate engano egyo haza ogiiheho ekishushu. Ogihe aha mushengye. Ogireebe. Ogire oti, "Twine enjuma y'engano." Yegyendesereze. Neeshushanira kimwe n'enjuma, kwonka tiharimu njuma n'emwe. N'ekishushu.

Aho niho Abapentekoote bari, nk'oku Matayo 24:24 yaagambire, "Babone kuhabisa n'Entoore omu biro by'aha muheru, kyaba nikibaasika." Kwonka ihaho amababi rimwe rimwe, nooshanga otaine enjuma yoona. Enjuma eri enyima okwo enyima omu kishushu kyayo. Mwareeba?

79 Reero Amagara garugye omu kigombe ky'ediini ekyo, gataahe omu njuma. Reero n'enki ekirikubaho? Enjuma ku etandika kukura, n'okwetyongyeira kuba mpango kugira ngu Ebaase kugira eki yaashweka, ekyo kigombe

ky'ediini kyekurura Kigirugaho. Ahabw'enki tutaine ekigombe ky'ediini ekirugire omuri Eki? Tikiribaho. Ngaaha. N'enjuma. Terikubaasa kurenga aha. Turi omu bwire bw'aha muheru. Mbwenu N'ey'okukora ki hati? Kuguma omu maisho g'Omwna, kugira ngu ehiise, nikyo ekyo kyonyini, Ekigambo kihiiise omu mutima gwawe, kuzaara n'okutuura eki turikugambaho. Eego, sebo.

Obwo torigaruka kugira okubangaanisa, waikiriza Omwoyo Orikwera Akakikushuuurira, nk'oku omugabekazi yaagambire Danieli.

80 Noobaasa kugira ngu, "Ebi byona biine kakwate ki n'okusiima? Noogamba ahari ki, Ow'eishe-emwe Branham? Nzizi hanu, habuzireho edakiika ikumi na itaano kuba shaaha ishatu. Tihaine eki waagamba aha kusiima." Ka n'Obutumwa bw'omutaano, ahariinye! Eego, buzima.

Baatatenkuriitwe abaabandize kushuhuuka bakaba baijwire okusiima ahabw'amagara gaabo masya agu baatwire, ahabw'okutaana n'ebigombe by'amadiini aga ira g'Abangyereza n'enyikiriza. Bakaba nibabaasa kushwerwa Ekigambo kisya, ekishukirweho amajuta ky'obusingye bwabo; ekyo kihikire, ekisyia, Ekigambo ekishukirweho amajuta ky'obusingye bwabo, ky'ebiro byabo.

N'ahabw'ekyo nitubaasa kuba abaijwire okusiima, nk'abashuhuuki, nka Abrahamu, kwetaanisa aha bintu by'ensi, banywani baitu boona. Abrahamu akaba ari omushuhuuki. Ruhanga atutaaniise n'amadiini goona agafiire. Ningambira eihanga ryona hati, enyikiriza ezifiire zonna. Kandi ahari ki? Akatutaanisa, kandi yaatukingurira ensi ensya, Obutumwa busya bw'ebiro ebi.

Pentekoote ekooma kandi yaafa, nka Luther, Wesley, n'abandi. Etsigaire eri nk'ekibiina ky'amakanisa agarundainwe hamwe. Hakirimu abantu barungi, kwonka, bashemereire kurugamu.

81 Akakora ki? Akabambuura Obumanyiso Mushanju bw'Obutumwa bw'aha muheru. Ekyo mwakyetegyereza? Obumanyiso Mushanju, obu, enaama zonna ez'omu busingye mushanju bw'ekanisa zaabaire zitairweho akamanyiso n'Obumanyiso Mushanju. Abahunduuzi tibaratungire bwire bw'okukikora omu biro byabo. Tibaratwireho bwire bureangwa oburikugasha. Kwonka okushuuuruirwa oku okwahairwe omugisha kw'Obumanyiso Mushanju, kutushuuuriirwe omu biro ebi eby'aha muheru, okuruga omu bunabi obwagambiirwe omuri Arizona.

Oku naabuurize Ruhanga, eizooba riri nti, "Ondeeteire ki kunu omu nsi egi y'omusheenyi?"

Nimumanya ku Musa yaahandiikire Endagaano Ensy . . . nimmanyisa Endagaano eya Ira? Buzima akahandiika. Ebitabo bina nibiha ebiragiro, buri kintu; Okutandika, Okuruga, Abaleevi, n'Eky'Ebiragiro. Akahandiika Endagaano eya Ira. Kukora ekyo, akaba naateekwa kutsigaho banywani be boona n'abakundwa be boona, reero akagyenda omu nsi y'omusheenyi.

82 Paulo Akahandiika Endagaano Ensy. Ekyo kihikire. Akahandiika Abarooma, n'Abarooma n'Ebindi ebitsigaire, Abaheburaayo na Timoseo, n'ebindi. Kandi okukora ekyo, akaba naateekwa kwetaanisa reero akashuuma omuri Buharabu, omu nsi y'omusheenyi, okumara emyaka eshatu, kutunga okushuuuruirwa kwa Ruhanga.

Noogira oti, "Oo, kandi shi Matayo, Mako, Luka, na Yohaana?" Bakaba bari abahandiiki abaahandiikire ebi Yesu yaakozire.

Paulo akataanisa, yaabuganisa Ekigambo. Ekyo kihikire. Mpaho, mbwenu, mureebe, ku kiraabe kyayetaagiise ekyo, kandi kikeetaagisa ngu baze omu nsi y'omusheenyi, hare n'abakundwa baabo.

Mwijukye, Ni Bwire Ki, Sebo? Ni bangahi abarihuiire? Mugire muti, "Amiina." [Abateeraine baagira bat "Amiina." -Omur.] Rikaba rihikiire kimwe? ["Amiina."] Mbwenu twine okushuuuruirwa omu biro ebi by'aha muheru, ahabw'Obutumwa bwa Mukama Ruhanga kuteeranira hamwe Omugore We. Tihariho obundi busingye obwaraganisiibwe eki. Kikaragaanisibwa obusingye obu: Malaki 4, Luka 17:30, Yohaana Orikwera 14:12, Yoeli 2:38. Okuragaanisa oku buzima nikushushana nk'oku Yohaana Omubatizi yaayeyorekire omu Byahandiikirwe.

83 Yesu Akeeyoreka. Bakagamba ki? "Titurikwenda omuntu nk'ogu!" "Yohaana n'omuntu w'eihamba." Ekanisa ekaba etarikubaasa kukyakiira. Egyo niyo ntawaza. Ekanisa nabwo terikwija kukyakiira hati.

84 Kwonka, aha Ntoore, Ruhanga naayeta Entoore. Nizikimanya: naayeta Omugore w'emicwe mirungi, Ekigambo, Ekanisa y'omu biro by'aha muheru, Omukyara entoore wa Mukama waitu Yesu Kristo, Kigambo. Ku . . . Yesu ni Kigambo. Ni bangahi abarikukiiriza? [Abateeraine baagira bat, "Amiina." -Omur.] Ni kirungi. Mbwenu, Omugore atuura ari orugingo rwa Kishwera, n'ahabw'ekyo Omugore tariba ekigombe ky'ediini. Nikija kuba Ekigambo, ekyorekirwe, kuba Omugore wa Kristo. Akaragaanisa kukikora. Akagamba oku Yaakikozire. Takoresa . . . tareka kukorera omu ntawaza Ye. Burijo atuura Naakorera omu ntawaza Ye. Akakikora, buri kaire, omu ntawaza Ye. Naakikora omurundi ogundi, naayeta Omugore We w'emicwe mirungi omu biro by'aha muheru, Rebeka omurungi ategyereize Isaaka We. Ka n'obwire burungi!

Hanu nikyoreka, ebitabo bibiri ebirikwija kukubeera enaama ku oraashome ekitabo ky'Obusingye Mushanju bw'Ekanisa. Ebyo bitabo bibiri: ekitabo ky'amagara, omwe naagira, ngu noobaasa kutamu eiziina ryawe,

otarirugamu; ondijjo naagira ngu noihamu eiziina rye omu Kitabo ky'Amagara. Eki nikikyorekyera kimwe, hanu honyini. Naaza kwemerera edakiika nkye hanu, obundi, aha bihandiikirwe bikye hanu, reero tukwate ebi tutakahendeire.

85 Amagara n'ekintu ekirikwera, ahari Ruhanga, kandi gahandiikirwe omu kitabo. Ruhanga niwe bukomooko bw'amagara. Ekyo nimukiikiriza? [Abateeraine baagira bati, "Amiina." -Omur.]

Amagara gaitu g'obutoosha hanu, agu twine, gasiisikaire. Buzima gashemereire kuba amagara agahikire, eky'okubandizaho, kwonka gashiishirwe okuzaarwa kw'obutoosha. Amagara g'okubanza, nari okwegaita kwawe kw'okubanza, okagaitwa aha kuzaarwa, omu by'obuhangwa, ekikorwa ky'obuhangwa. Omuntu w'obuhangwa kukwatanisa, omushaija n'omukazi hamwe, kukwatanisa hamwe omu kikorwa ky'okumanyana omu by'omubonano, ekyareetsire hanu amagara gaawe g'okubanza, kandi ago gaine akakwate n'ekibi n'okufa. Noobaasa ota kuremwa kureeba oruzaaro rw'enjoka?

86 Mwareeba omukazi, ekyaihirwe omu kindi; tihariho kindi kikazi ekiri nkawe; ekyakozirwe omu muringo ogwo, arikumanya ngu akaba naaza kubehwabeihwa. Ruhanga akamanya. Ku araabe ataramanyire omuheru okwiha aha kutandika, obwo akaba Atari Ruhanga. Ku Araabe ari otaine bugarukiro, Ku Araabe ari . . . Kandi tarikubaasa kuba otaine bugarukiro atarikumanya byona, atari hoonahoona obwire bwona, arikumanya byona, Otahwaho. N'ahabw'ekyo Akaba naamanya ebintu byona, kandi akaba naateekwa kukora mukazi ogwo.

Omushaija akaba ataine mukazi. Omukazi n'omushaija bakaba bari ekintu kimwe. Omushaija akaba aine omwoyo gw'ekishaija n'ekikazi.

Akaba naateekwa kutaanisa, kukwata ekiihirwe omu kindi, ahanyima y'okuhangwa kw'ebintu byona. Tihariho kikazi eki Ruhanga yaahangire, omu kuhanga okwabandize, ekirikubaasa kukora ekintu nk'ekyo. Omukazi akahangwa atyo, kukikora. Ruhanga akamanya ngu omukazi akaba naaza kukikora. Ku Araabe atarakimanyire, Akaba atari Ruhanga.

Kwonka, nimureeba, ebyabaire biri omuri Ruhanga bikaba nibiteekwa kworekwa. A-Akaba ari ow'okuba Omujuni. N'ahabw'ekyo kukora ebintu byona bihikiriire, oku Yaabaire abiine, obwo hakaba hataraije kubaho ekintu kyona ekyabura. Oo, murekye kuba abaana. Mube abashaija n'abakazi. Turi aha muheru gw'orugyendo.

87 Mwetegyereze.

Hati, bukaba buri obuhangwa, obwine akakwate n'okufa. Omushaija waawe w'okubanza, owaabaire akutegyeka, bukaba buri obuhangwa bwawe okurabira omu kuzaarwa kwawe kw'obutoosha. Omu buhangwa bw'omubiri, okunda ensi abaw'okuba ori ensi, kandi ekicweka ky'ensi. Ekyo kihikire? [Abateeraine baagira bati, "Amiina." -Omur.] Okwetenga kwawe kukaba kuri, omu by'obuhangwa, kukunda ensi ei ori ekicweka kyayo. Ori ekicweka ky'obuhangwa. Ekyo nimukiikiriza? ["Amiina."] Kandi ekyo n'ekintu kyawe ky'obuhangwa.

Egyo niyo nshonga orikuteekwa kuzaarwa obwa kabiri. Nooteekwa kutaana; nooteekwa kufa ahari baro w'okubanza. Torikubaasa kutuura nawe. Torikubaasa kugamba ngu, "Mbwenu, niinyija kumushenda, kandi murekye hanu okumara obwire." Ngaaha, sebo. Tihariho kuhandiika ebaruha y'okushenda! Naafa! Obuhangwa bw'ensi nibuteekwa kufa. Buri kacweka ke koona nikateekwa kufa. Nooteekwa kugaruka kwegaita, omurundi ogundi, n'obundi Buhangwa.

88 Eiziina ryawe ry'obuhangwa bwawe bw'okubanza, rikazaarwa, ryateebwa omu kitabo ky'amagara. Ebikorwa byawe byona bikahandiikwamu, nabyo. Buri kintu eki waakozire omu buhangwa obwo kikateebwa omu kitabo, ekirikwetwa ekitabo ky'amagara.

Nimureeba, omuri Danieli, ku yaizire aha "Mukuru owa Iranaira, Ou eishoky Rye ryabaire niryerera kimwe nk'ebiyoya by'entama. Kakumi emirundi obukumi bajia Nawe, Kumuheereza; O-Omugore. Kandi reero ebitabo byashuuruurwa." "Kandi ekindi Kitabo kyashuuruurwa, nikyo Kitabo ky'Amagara." Mwareeba? Baaherize kuhikayo, Ekanisa, Omugore. "Ekindi Kitabo kyashuuruurwa, nikyo Kitabo ky'Amagara."

89 Hati, iwe, kwonka ku waaherize kutaana n'okwo kwegaita, okurabira omu kufa kw'omwoyo. Okwetenga kwawe kw'obuhangwa n'okushara eishoky ryawe. Okwetenga kwawe kw'obuhangwa n'okujwara zaasikaati ngufu munonga, kwesiiga erangi ahamaisho. Okwetenga kwawe kw'obuhangwa n'okuba omunyabwengye, omuntu ohutuukire, orikumanya munonga okukira ondijjo. Ekyo nikyo Haawa yaabaire naayenda. Ekyo nikyo kintu kyonyini eki yaabaire naayenda.

"Mpaho, oti ki! Iwe kantu kakye 'we akeekubiremu kabiri, omubuurizi w'obuhango bwa fuuti ibiri ahari ina kwemerera aho reero okangambira? Nyine diguri ya Ph.D., LL." Ekyo nikyongyera kukuta hare na Ruhanga, buri kaire waayoyeraho ekintu kimwe ahari ebyo. Mwareeba? Mwareeba? Ekyo kihikire. N'amazima. Mwareeba?

90 Ekyo nikyo Haawa yaatware. Akatwekwa enda y'omuringo gw'okutwaramu enda batyo. Okwo nikwo ekanisa eri ebiro ebi, okurabira omu mashomero ga Baiburi n'abanyabwengye. Kandi, mureebe, buri omwe naateera empaka na mugyenzi we, oruzambiira rwingi buzima nk'oku Baiburi yaagambire eti, "Babulooni."

Omugore naamanya ahi Ayemereire. Ni mukye munonga. Tiharikwija kubaho baingi abarijunwa; kureka

bakye munonga, munonga, munonga. Noogira oti, "Mpaho, aho, ekagira eti, 'enkumi n'enkumi.'" Eego. Kwonka bakaruga omu myaka enkumi ibiri, nabo, omuri buri busingye obu Yaarugiremu. Buri . . .

Obusingye bwa Luther n'ekyo kibiina; bwanyima baafa, kandi baagyenda, baayekoramu ekibiina ky'ediini; reero Wesley; bwanyima haija abapentekoote, n'abandi. N'obwo butaagi bukye bw'Ababaputisiti, Puresibateeri, Abametsodisiti, Abanazarayo, Pilgrim Holiness, n'abandi, mwareeba, abo boona bakataagika okuruga aho nk'eibabi.

91 Kwonka, mwijukye, ku yaashuumire; reero enjuma yaatandika kuhiisa. Nooshanga, egyo njuma etakabaasize kuhiisa, buri kintu omuri ogwo mushengye nikiteekwa kufa. Haleluya! Timurikureeba ahi twemereire? Amagara gari omu njuma omurundi ogundi. Niki? Buzima nk'enjuma eyaagiire omu itaka, Yesu niwe omwe omu nshusha y'Omugore, amaani nigo gamwe, Ekanisa niyo emwe, ekintu nikyo kimwe, Ekigambo nikyo kimwe. Ekigambo nikyo kimwe ekyarabire omuri ebi reero kyajia hanu, kandi kyahika aha mutwe hanu. Kandi ago Magara goona agaarabire hanu, gakaihayo abantu baago. Hati gariyo nigahindurwamu omutwe, ahabw'Okutwarwa. Niinyija kugamba ahari ekyo nyenkyakare ekiro, nari ekiro ekiraakurateho, kimwe, Mukama ku araakunde.

Mpaho, okataana n'okwegaita kwawe kw'okubanza, okurabira omu kufa kw'omwoyo. Hati ozairwe obwa kabiri, nari ogarukire kushwerwa omurundi ogundi, omu kwegaita kusya kw'omwoyo; kutari okw'obuhangwa bwawe bw'omubiri n'ebintu by'ensi, kureka okw'Amagara Agatahwaho. Egyo mbibo eyaabaire eri omuriwi omu kutandika, ekakubona.

92 Hati, ekitabo kyawe ekya ira kigyenzire, n'okwegaita kwawe okwa ira. Hati, eiziina ryawe omu kya ira, omu . . . rikaihwamu ryateebwa ahandi. Hati, noogira oti, "Nooyenda kungambira ngu ekitabo kyangye ekya ira . . ." Ruhanga akakita omu Nyanja y'Okwebwa Kwe. Oyemereire omu maisho ga Ruhanga ori ohikiriire.

Hati, eiziina ryawe hati riri omu Kitabo kisia; atari omu kitabo ky'amagara, kureka omu Kitabo ky'Amagara ky'Omwana gw'Entaama, abu Omwana gw'Entaama yaacungwire. Ti kitabo ekya ira eky'okugaitwa kwawe kw'obuhangwa bw'omubiri, kureka okwawe okusya, Omugore. Haleluya! Amagara gaawe masya gari omu Kitabo ky'Amagara ky'Omwana gw'Entaama, ebaruha erikuhamya obushwere bwawe, haleluya, ahu embibo yaawe Etahwaho y'amazima, okuruga omu kutandika, ehamira. Hati tikugira ngu osaasiirwe kwonka, kureka oihirweho orurbanja. Ekitiinisa! "Kwihwaho orurbanja," Abarooma 5:1 nikwo yaagambire. Yee. Abarooma 5:1 ekagira ngu, "N'ahabw'ekyo nk'oku twaihirweho orurbanja ahabw'okwikiriza."

93 Sherura ekigambo ekyo. Ekigambo ekyo tikirikumanyisa kusaasirwa. Ekigambo ekyo nikimanyisa okwiwhaho orurbanja. Tikirikumanyisa ngu osaasiirwe.

Eky'okureeberaho, ohuriire ngu nsinzire kandi-kandi naakora ebintu bibi, na buri kintu. Reero oije, ongambire. Omanyé ngu tindabikozire, bwanyima oije, ogire oti, "Ow'eishe-emwe Branham, naakusaasira." Kunsaasira? Tindabikozire, okubanza kwa byona. Mwareeba?

Hati, ku ndaabe naabikozire, nsingirwe orurbanja. Kwonka noobaasa kunsaasira, kandi ntaine ki nshobize. Kwonka nabwo tinyihiirweho orurbanja, ahabw'okuba buzima nkabikora.

Kwonka ekigambo, okwiwhaho orurbanja, ni nk'otakakikorahoga. Amiina. Nangwa tikiteebwaho mutima, na kakye. Nikikorwa kita? Omu Kitabo kya Ruhanga ky'Enyanja y'Okwebwa, ekitabo kyawe ekya ira n'obushwere bikashendwa kandi byafa. Nangwa na Ruhanga takibijuka. Amiina. Oihirweho orurbanja. "N'ahabw'ekyo nk'oku twaihirweho orurbanja." Kikatabaarizibwa. Okaba otabaariziibwe. Tokakikoraga, okubanza kwa byona. Okuteeranwa okwa ira kuri omu Nyanja y'Okwebwa ya Ruhanga. Okaba otakashwer wahoga aharikyo, okubanza kwa byona. We, Kishwera, akeekorera enshoni zaawe, We wenka, ahabwawe, omu mwanya gwawe. Akaza omu mwanya gwawe, ahabw'okuba okamanywa ira otakabaireho kugira ngu obe Owe, kugira ngu obe omu Mugore We, omusingye gw'ensi gutakatairweho. Baiburi nikwo yaagambire. Ori Embibo eyaatoorainwe ira etakabaireho.

94 Eki okaija kukikora ota? Obushwere bwawe bw'okubanza bukakubeihabeihwa waakitaahamu, aha muzaire waawe omushambani, Haawa. Teri nshobi yaawe. Okurabira omu kuzaarwa kwawe kw'obutoosha, okakomooka hari Haawa, owaashambaine. Egyo niyo nshonga eyaatumire waazaarwa ori omushambani. Ori omusisi, okubanza kwa byona. Ekyo kihikire. Okabeihwabeihwa waakitaahamu. Okaba otaine . . . Ngaaha, iwe, teri nshobi yaawe.

Tokakikorahoga. Ahabw'okuba, egyo mbibo nkye eyaabaire eri omuriwi, ekaba eri ey'okuba iwe, omusingye gw'ensi gutakatairweho. Ruhanga akata eiziina ryawe omu Kitabo ky'Amagara ky'Omwana gw'Entaama.

95 Nk'ekitebyo kyangye kikye ky'empungu, mwena mukakihurira. Enkokokazi . . . Omuhingi okuzire akareeta e-enkokokazi, rimwe. N'ahabw'ekyo akaba ataine nkokokazi ezirikugasha aheeru . . . amahuri g'okuta ahansi y'enkokokazi. N'ahabw'ekyo yaabona eihuri ry'empungu, reerobaarita ahansi y'egyo nkokokazi. Empungu ku yaazairwe, ekaba eine emireebekyere erikukirayo kushetsya ei obwo bwana bw'enkoko bwabaire burareebire, ako kaana k'empungu akakuzire nikagyendagyenda aho. Kandi egyo nkokokazi ekaba neegamba eti, "Kulu, kulu, kulu, kulu."

Empungu nkye yaagira eti, "Tindikumanya eki eryo iraka ririkugamba, kwonka ninkuratira egi nkokokazi, oku

biri kwona.”

Reero bwaza omu mbuga eyetooroire ekiju ky'amatungo kandi bwatandika kuraharaha omu birundo by'orwezo. Kandi obwo enkokokazi yo, erikugamba ngu, “Kulu, kulu, kulu. Ebi ni birungi. Ebi ni birungi. Yegaite aha yaitu. Kandi egi niyo . . .”

Egyo mpungu ekuzire nto, ekaba etarikubaasa kurya ebyo bintu. Mwareeba? Eka-ekagumizamu n'enkoko ahabw'okuba ekaba etarikumanya. Ekaba etarikumanya eky'okukora. Kandi bwanyima egoy nkokokazi ekaba eshohora aheeru, reero etunga eki nari kiri. Empungu nto egyo ekaba . . . ekaba egymwa kubigumisiriza, kwonka e-ekaba etamanya okukikora. Kwonka ekaba eba yaareebire obwana bw'enkoko nibukikora, kwonka hariho ekintu ky'omutaano. Ekyo ekaba etarikukikunda.

96 Bwanyima, eizooba rimwe, nyina ekaba neemanya ngu ekateera amahuri abiri. N'ahabw'ekyo yaatandika kusherura erindi, neeguruka omu mwanya aho, neesherura, nk'Omwoyo Orikwera mukuru. Eizooba rimwe ekaguruka omu mwanya ahaiguru y'embuga y'ekiju ky'amatungo, ekyo kigombe ky'ediini. Yaaranzya ahansi, kandi yaareeba akaana kayo. Yaagamba n'eiraka rihango. Rikaba riri Eiraka ry'ekintu eki obwaku bwaryo bwarugire omunda yaako. [Omwanya oguriho busha aha rutambi rw'amaraka -Omur.] Oo, Ekyo nikihurirwa nk'ekihikire! Oo! K'embibo y'amazima eyaamanyirwe ira eyaazairwe, ei Ruhanga yaamanyire ira etakabaireho, ehurire Ekigambo kya Ruhanga, Ekyo n'ekyeshongoro ahariwe. Naamanya ngu N'Amazima.

Aruhire n'ebintu ebyo by'ekigombe ky'ediini, oku biri kwona biti, “Twegaiteho. Ija, gyenda naitwe. Twine obugenyi bw'okukwatanisa. Twine eki. Twine . . .” Tikirahuriirwe nk'ekihikire, aha mpungu nto.

Yaagira eti, “Mwana wangye, tori memba w'ekibiina ekyo, oku biri kwona. Ori owangye. Ori owangye.”²³⁸ Yaagira eti, “Maama, ekyo nikihurirwa nk'ekihikire. Niinyija kuruga hanu nta?”

“Guruka kwonka. Niinyija kukukwata.” Ahaa. Nikyo ekyo kyonka eki oshemereire kukora.

97 Ekigambo kya Ruhanga ekishukirweho amajuta ku kirikuhamibwa omu maisho g'omuntu weena owaazairwe kuba omwana wa Ruhanga, ou omunda ye harimu embibo eyaamanyirwe ira kubaho omu bwire obu, naija kureeba Obutumwa bwa Ruhanga buzima nk'oku hariho Ruhanga omu Iguru. Martin Luther Akabureeba omu bwire bwe. Wesley Yaabureeba omu bwire bwe. Abapentekoote Baabureeba omu bwire bwabo. Kwonka shi iwe hati? Mwareeba? Bakataaha omu kigombe ky'ediini. Nkiki Ekigambo nikikijumiiriza; nikikugambira eki tushemereire kugira ebiro ebi, kandi buzima Malaki 4 n'okuragaanisa okundi oku kw'obwire obu. Nooreeba ki? Niki eki ohangire amaisho? Amiina. Hanu niho turi. Empungu zonyini, kashushu zihurira. “Entaama Zangye zimanya Eiraka Ryangye. Ou zitarikumanya tizimukuratira.”

Ahabw'enki? Ekateebwamu okurabira omu kumanywa ira kw'omuntu atakabaireho. Okamanywa ira otakabaireho kuba omwana wa Ruhanga. Okaba ori omuri Ruhanga omusingye gw'ensi gutakatairweho. Oshuurwirwe ebiro ebi kugira ngu Aheebwe ekitiinisa n'okuimbisibwa. Noobaasa ota kukikora otahaire ekitiinisa Ekigambo Kye, kandi okahamira ahari buri Kigambo kya Ruhanga? Eego, sebo. Eki, ori ekicweka ky'ekyo Kigambo, ahabw'okumanywa ira otakabaireho. Ahabw'okuba, reeba, Ruhanga n'Ekigambo. Nimukiiriza? [Abateeraine baagira bat, “Amiina.” -Omur.] Mpaho, mbwenu, ku . . . Burijo akaba Atuura ari Ekigambo. “Bwa mbere na mbere hakaba hariho Kigambo.” Kandi Kigambo ku araabe yaabaire ari Ruhanga, obwo okaba ori omuri Ruhanga. Ekigambo, ekicweka eki oshemereire kuhikiiriza, kikaba kiri omuri Ruhanga omusingye gw'ensi gutakatairweho. Akakureeba. Yaakikutooranira ira otakabaireho.

98 Nimbagambira, nk'oku egyo mpungu yaayetegyereize eiraka eryo, nikwo n'O-n'Omukristaayo kashushu, ozairwe obwa kabiri ayetegyereza Eiraka rya Ruhanga erirkugamba okurabira omu Kigambo, ku Bakireeba kishukirweho amajuta kandi kyorekirwe. Mureebe. Ekareeba ahaiguru Okwo. Terareebire enkokokazi egi eri omuri kulu-kulu hanu, “Twegaiteho reero oije hanu. Kandi oije hanu, kandi ogyende ahari eki na kiri.” Ekareeba e-ekihangirwe nk'eki yaabaire neeyetenga kushushana nakyo, nikizeereera omu mwanya, nikigambira ahaiguru, kiine obugabe, ahaiguru omu kaabunga, ahaiguru y'ebikoona n'ebintu by'ensi. Haleluya! Ekaba neeyenda kuba ekyo ahabw'okuba kikaba kigirimu kuba ekyo.

99 Kandi omuntu ozairwe Ruhanga, omwana wa Ruhanga, naateekwa kuba aine obuhangwa bwa Ruhanga. Naateekwa kuba nka Ruhanga. Naaha Ruhanga ekitiinisa. N'ekicweka ky'Ekigambo kya Ruhanga. Kandi omu biro ebi by'aha muheru, obu Omugore ogu ariyo naatandika kugira enshusha, buzima amaani nigo gamwe agu Ruhanga yaabaire arimu omu kutandika, garabire omu bibiina by'amadiini ebi, n'ebindi, reero gaarugayo ahabw'Omugore. Tarikubaasa kuba ekindi kureka ekyo.

100 Bakaabaire Bakireebire, Abayudaaya abo omu biro byabo, obu Baakireebire kyorekirwe omu maisho gaabo, nk'oku nabi yaagizire ngu nikwo Ari. Akagira ati, “Musherure munonga omu Byahandiikirwe; ahakuba muteekateeka ngu Omuribyo nimwo mwine Amagara Agatahwaho. Haza kandi Ebyo nibyo Bimpamya. Ku Ndaabe ntakora mirimo ya Tata, murekye Kuunyikiriza. Kwonka n'obu muraabe mutarikubaasa Kuunyikiriza, mwikirize emirimo ei Nkozire.”

Baagira bat, “Baatatenkuriitwe bakarya emaanu omu ihamba okumara emyaka makumi ana. Nitumanya ahi turi.”

Yaagira ati, "Boona bakafa," ekyo ni, okutaana Okutahwaho. Buri omwe akafa. Hakatsigaraho bashatu bonka, babiri bakaruga omuri miriyoni, miriyoni ibiri. Ogwo n'omwe omuri miriyoni emwe.

101 Ahabw'enki, ekikatu kyateerwa, entanga kuruga omu kishaija n'ekikazi, hakira kuba harimu eihuri rimwe eriine amagara. Hariho eihuri rimwe, embibo emwe eine amagara, ei murareebire omu kwemesa ente. Mureebe. Hanu hariho a-amahuri miriyoni; hanu hariho embibo z'amagara miriyoni; kandi ku ziri-zirikutsindikwa, kuteerana hamwe omuri nyinenda, okurabira omu rushekye reero n'okutaaha omuri nyinenda, zibugana. Rimwe omurigo n'eihuri. Amahuri miriyoni; embibo z'amagara miriyoni. Omwo harimu eihuri rimwe eriine amagara. Harimu embibo emwe yonka eine amagara. Goona gaine amagara. Noobaasa kureeba ezo nyana nto nizigyendagyenda omwo, akantu kakye nk'akatoonyezi aku orikubaasa kuta aha kati k'ekibiriiti.

Kandi na Demos n'abandi bahurikiize ekiro eki, kandi naijuka obu twagatwara. Akantwara eifo okwo, yanyoreka oku ekyo kyabaire nikikora. Obucupa bw'okugyeresa, reero yaatamu tukye oturikugasha kuta aha mutwe gw'akati k'ekibiriiti. Zikaba ziri enkumi n'enkumi z'enyana n'enimi omunda omwo, kwonka n'emwe yonka erikubaasa kugira amagara. Emwe yonka omurizo! Kandi nkiki hanu ekirundo kyazo kihango, hanu. Kandi noija kureeba, emwe neija kwekeruza okuruga omuri ezi hanu, erabemu, embibo y'amagara eije hanu; kandi eihuri nirija kuruga omuri aga agandi hanu, kandi nigeegaita hamwe. Reero agatsigara agandi nigafa. Kandi obwo, n'agahuriire, kwonka nigafa.

102 Ahabw'okuba, hariho Ekintu, hariho Omwe owaahangire eri riine amagara, kandi yaayahura n'eri, naryo. N'okutooranwa ira hatakabaireho n'omwe, ow'eishe-emwe mugyenzi wangye. Buzima. Ruhanga aine kusharamu yaaba araabe omwojo nari omwishiki, ow'omutwe ogurikutura, ow'omutwe ogurikwiragura, nari kyona eki kiri. Ruhanga niwe orikusharamu. Ahariinye, n'enaama okukira omwishiki oshugaine kuzaara. Kwonka, mureebe, agatsigaire goona nigafa.

Bakaba bari abantu miriyoni ibiri abaarugireyo, bakeeshongora, baateera akaari, baakora buri kintu. Baagamba omu . . . tibaragambire omu ndimi. Kwonka bakateera akaari, kandi-kandi baaha Ruhanga ekitiinisa, kandi baazina nibanyegyera nibashuumma aha nyanja mpango, kandi baakora buri kintu eki abandi omuribo baakozire, kwonka babiri bonka nibo abaataahire omu nsi eyaaraganisiibwe. Kalebu akataahamu, Kalebu na Joshua, babiri bonka. Ogwo n'omwe kuruga omuri miriyoni. N'omwe kuruga omuri miriyoni omu kuzaarwa kw'obutoosha. Buri omwe omuribo akaba aine omugisha nigwo gumwe.

Oo, imwe b'Apentekoote 'mwe, ka nyesigye ngu timurikwija kusisiimuka obwire bwahweireyo.

Omwe okuruga omuri miriyoni emwe. Mureebe. Nikiteekatekwaho ngu hashemereire kuba hariho miriyoni magana ataano z'abarikwetwa Abakristaayo omu nsi eriizooba. Yesu ku yaakkwija, haakabaho magana ataano bonka abaakugyenda Nawe, obwo, okubara okwo ku kwakuba kuhikire. Ahabw'enki, buri izooba hariho abarikurenga ahari abo abarikubura, omu nsi yoona. Tihaine eki barikumanyaho.

103 "Niinyetegyereza,' nikwo abahandiiki baagambire, 'noomanya ngu . . .' Ahabw'enki abahandiiki bagira ngu-ngu 'Eliya ashemereire kubanza kwija?" Nikwo baabuurize Yesu.

Akagira ati, "Eliya akaheza kwija kwonka timurakimanyire." Mwareeba? Akakora buzima eki Ebyahandiikirwe byagambire ngu Biryamubaho. Mwareeba? "Nikwo Omwana w'omuntu ashemereire kubonabona. Ahansi . . ." Tibaramumanyire. Kandi obwo, boona bakaba bari omu kanisa. Boona bakaba nibagira ngu baine amagara.

Waashutamisa Omukristaayo ozairwe obwa kabiri, ow'amazima, omuheereza wa Ruhanga w'amazima, akahurira ekyo Kigambo kya Ruhanga, naija kurugira kimwe omuri buri kigombe ky'ediini, aije aha itaka eryo ery'orwezo ryonyini, omu Kigambo, endimiro y'okubyaramu. Naija kukikora. Tindikumanya oku araakikore. Ruhanga akaragiira ngu kikorwe.

104 Obushwere bwawe bw'okubanza, bukakubeihabeiha omu kutandika. Hati noomanya amazima. Nk'oku ngambire, egoye mpungu nto ku yaahuriire Eiraka rya Kishwera, ekaza ahi Kiri, Ekigambo kya Ruhanga ekyorekirwe eky'omu biro by'aha mperu, ekishukirweho amajuta.

Noa akaba ari Ekigambo ekyorekirwe ky'omu biro bye. Ekyo nimukiikiriza? [Abateeraine baagira bat, "Amiina." -Omur.] Mpaho, obutumwa bwe tiburikubaasa kukora hati.

Musa akaba ari Ekigambo ekyorekirwe ky'omu biro bye. Ekyo nimukiikiriza? [Abateeraine baagira bat, "Amiina." -Omur.] Tiburikubaasa kukora hati. Yesu akaba ari . . .

Yohaana akaba ari Ekigambo ekyorekirwe. Nimukiikiriza? [Abateeraine baagira bat, "Amiina." -Omur.] Kikaba kitarikubaasa kukora omu biro bya Yesu. Buzima kikaba kitarikubaasa kukora. Ngaaha, sebo. "Ebiragiro na baanabi bikaba biriho okuhitsya omu biro bya Yohaana; okuruga obwo, Obukama bw'omu Iguru."

105 Entumwa, abo abaahandiikire Baiburi. Ngugu Luther yaarugayo, omu kuhunduuza, ebigambo bye, ngu, ekanisa ye, tekaakora hati. Eya Wesley tekaakora. Ey'Abapentekoote terikubaasa kukora. Kikakora omu biro byabo.

Kwonka n'ekiro ekindi. Oku n'okubambuurwa kw'Obumanyiso Mushanju. Nimmanya ngu eki nikihurirwa

nk'eky'omutaano ahariimwe, kwonka Ruhanga akyorekire kihikiire kimwe. Ti-tihariho kibuuzo na kimwe Omurikyo. Kihikiire kimwe! Ekyo tindikukijanjaaza aha b'ekanisa ya hanu. Ningambira abantu abari ebiso okwo omu ihanga ryona. Mwareeba? Mukore eki murikwenda.

106 Hati mureebe Ekigambo ekishukirweho amajuta eky'omu biro bye, eki ori ekicweka kyakyo, okurabira omu kutooranwa ira otakabaireho. Ahonaaho iwe, nka, okamanya. Ekyo ku waakihuriire, ahonaaho okamanya ngu ori empungu. Kandi nabwo okeetegyereza ngu okaba otari nkoko y'ekigombe ky'ediini, okubanza kwa byona. Okamanya ngu harimu ekintu ekishobire okwo. Harimu ekintu ekishobire, ekyo kihikire, ahakuba okamanya ngu okategwa kukizamu, omu kutandika.

107 We, Kishwera, akatwara ekihemu kyawe, "Kandi yaakita omu Nyanja y'Okwebwa, okurabira omu kwogyesa Amaizi g'Ekigambo n'Eshagama y'Amagara." Ekyo nikyo Baiburi yaagambire. Baro w'okubanza ou waabaire oshweirweho, ensi; Kishwera oshukirweho amajuta, owaakutooraine ira otakabaireho, akwogize okurabira omu kwozya n'Amaizi. Akwogize okurabira omu "kanisa"? [Abateeraine baagira bat, "Ngaaha." -Omur.] Ekyo tikirikuhurirwa nk'ekihikire. Nikwo? ["Ngaaha."] Ekyo nimubaasa kukishanga omu kitabo ekirikutondoora ebyafaayo by'omwaka, kwonka atari omuri Baburi ya Ruhanga. "Ahabw'okwogyesa Amaizi n'Ekigambo." Omu Kigambo! Mwareeba? Ahabw' . . .

Oyemereire oihirweho kimwe orubanja, nk'otakakikorahoga omu kutandika. Obu nibwo Butumwa bwangye aha Kanisa hati. Mwaba nimu . . . twaba niturekyera aho kugambira aha reediy, omu dakiika emwe. Oyemereire, waaba oyemereire omu Kigambo kya Ruhanga kandi oine Ekigambo kya Ruhanga, buri amiina yoona, buri kacweka kakye, buri katoonyezi. Oyemereire nkahi? Ningyezaho kukugambira, yekurure orugye omuri ebyo bishushu. Reero otaahe hanu omu ngano, ahu orikubaasa kuhiisa omu maisho g'Omwana. Nimpurira ekyoma ekirikugyesha nikija. Oyemereire kyarimwe, oihirweho orubanja, nk'otakakikorahoga okubanza kwa byona. Haleluya!

Gamba aha kusiima! Niinyehurira kurungi munonga. Ninsiima munonga ahabw'ekyo okukira ekintu ekindi kyona eki ndikumanya.

Ori Omugore oschemeire w'Omwana wa Ruhanga ohuriire, w'emicwe mirungi, otaine kibi. Buri mushaija n'omukazi ozairwe Omwoyo wa Ruhanga, kandi akoogibwa omu Shagama ya Yesu Kristo, kandi orikwikiriza buri Kigambo kya Ruhanga, ayemereire nk'otakakora kibi omu kubanza. Ohikiriire. Eshagama ya Yesu Kristo! Noobaasa ota . . . Omuntu ku . . .

108 Ku naakubaire nshemereire kufa omu kasheeshe, omuntu akaza omu mwanya gwangye, tinkaitwa ahabw'ekyo kibi. Hariho omuntu owaagiire omu mwanya gwangye.

Kandi Yesu, niwe Kigambo, akaza omu mwanya gwangye. Akahindukamu nyowe, ngu nyowe omusisi, mbone kuba We, Ekigambo. Amiina. Ka ngume ndi omwesigwa Aharikyo, atari aha kanisa. Ekigambo! Amiina.

Oo, okuteerana okwo kwa Kristo n'Ekanisa Ye kw'omu mwoyo hati, obu omubiri gurikuhinduka Ekigambo, kandi n'Ekigambo kirikuhinduka omubiri, kyorekirwe, kihamiibwe. Eki Baiburi yaagambire ngu kiryabaho omu biro ebi, kiriyo nikibaho, buri izooba. Ahabw'enki, nikyeyongyera munonga aheeru okwo, omu nsi z'omusheenyi ezo, n'ebintu nibibaho, okuhitsya obu ntarikubaasa kumanya ahi byahika. Turi haihi n'Okwija kwa Yesu, kuteerana n'Ekanisa Ye, ahu Ekigambo kirikuba Ekigambo. Okweta kw'Omwovo Orikwera, naacaaka emitima!

109 Oyemereire, kyarimwe. Eky'okubanza kya byona totashiishahoga. Ruhanga nangwa n'okukimanya tarikukimanya. Kiri omu Nyanja y'Okwebwa. Tokakikorahoga. Okaregwya ahabwakyo, n'omuregi. Kwonka buzima, okuruga omu kutandika, okatooranwa ira otakabaireho kuba muhara na mutabani wa Ruhanga. Oyemereire aho, oyogiibwe. Kandi ekitabo kyawé ky'okukushenda ekya ira kiihirweho, kandi kifiire, tikikiriho na kakye, n'obu haakuba omu biteekateeko bya Ruhanga.

Ori Omugore w'emicwe mirungi wa Kristo, oyogiibwe omu Shagama ya Kristo. Omwana wa Ruhanga w'omuhendo, w'emicwe mirungi, otaine kibi ayemereire hamwe n'Omugore-Kigambo oschemeire, otafungwirwe ou Yaayogize n'Amaizi g'Eshagama Ye Ahabwe; owaabaire omuntu kandi akeeyoreka, kugira ngu atware imwe abaatoorianiirwe omu kifuba kya Ishe ira mutakabaireho, okutandika kutakabaireho, nk'oku Yaabaire ari. Akaba ari ekyo ekiri omuri Ruhanga, ekirkwetwa "rukundo."

110 Oku ori kwona, ori omuheereza wa Ruhanga, kyona eki Ruhanga arikwenda ngu okore, ahi omwanya gwawe guri. "Ruhanga akata omu Kanisa, bamwe kuba entumwa, baanabi, abeegyesa, abariisa . . ." Akataho ekyo ahabw'okumanya ebintu Kwe ira bitakabaireho. Kandi okaba ori ekyo, okubanza kwa byona.

Obushwere bwawe bw'okubanza bukashazibwamu. Bukashazibwamu. Tokakikorahoga, eky'okubanza kya byona. Ahabw'okuba, hariho ekintu kimwe kyonka ekirkubaasa kukikora, ogwo akaabaire Ruhanga kushuum, We wenka, kandi akaza omu mwanya gwawe omu nshusha y'Omwana wa Ruhanga, Yesu Kristo, kandi akakwozya n'Amaizi, ahabw'okukwogyesa Amaizi g'Ekigambo. Ekigambo; ti kigombe ky'ediini! Ekigambo nikyo kyakwogize. Kwonka ku oraabe otemereire omu Maizi g'Ekigambo, noi ja kwogibwa ota? Okiine amabara nka Haawa oku yaabaire againe.

Oo, Mwana gw'Entaama omukundwa orikuwa, Eshagama Yaawe y'omuhendo Terihwamu amaani Gaayo,

Okuhitsya obu Ekanisa ya Ruhanga yoona eyaacungwirwe

Erijunwa kutagaruka kukora ekibi bundi.

111 Ekibi niki? Ekibi ni “obutaikiriza.” Obutaikiriza (ki?) Ekigambo; okutaikiriza Ruhanga, niwe Kigambo.

Oshemeire, tofungwire; oo, haleluya; ori haihi kutwarwa omu kaabunga; amiina; oyemereire oyeteekateekire. Teekateeka. Ebijwaaro byawe, byogiibwe n'Amaizi g'Ekigambo ekirikujwa eshagama! Ekigambo kikahinduka Eshagama. Ekigambo kikakujwera eshagama, mbwenu oyogiibwe omu Kigambo ekirikujwa eshagama. Ekigambo, nikijwa eshagama! Amagara ga Ruhanga omu Kigambo, kandi Ekigambo kikajwa eshagama ahawwae, kugira ngu obone kwogibwaho oburofa bwa baamaraya aba, kandi ngu oshemezibwe kandi oyezibwe ahawb'okwogibwa Amaizi g'Ekigambo, kandi kituma waagumya ebiteekateeko byawe n'omutima gwawe ahari Ruhanga n'Ekigambo Kye.

112 Hati, noomanya ota ngu n'Amazima? Ruhanga ku ashuma kandi Akakyoreka kandi akakihamya.

Noogira oti, “Mbweni, nkaba Ntarikukiiriza omu buryo obwo.” Bakaba batarikukiiriza oku Yesu yaabaire naakiikiriza, kwonka Ruhanga Akakihamya. Bakaba batarikukiiriza oku Noa yaabaire naakiikiriza. Bakaba batarikukiiriza oku Musa yaabaire naakiikiriza. Bakaba beetekateekire kwikiriza ekigambo kya Balamu omu mwanya Gwakyo. “Twena nitushushana, n'ahabw'ekyo ka tukwatanise hamwe.”

“Mwetaanise,” Baiburi ekagira eti, “n'obutaikiriza.”

113 Haleluya! Hati yetegyereze. Tori ekyo kyonka, kureka noogyenda omu kaabunga Kugaitwa empeta. Kandi ojwaire omweko gw'okuba owaatoorainwe ira otakabaireho, embabazi ezi iwe ahawwae otashemereire, omweko gw'okugaitwa gw'embabazi ezi iwe ahawwae otashemereire. Ruhanga akakikora, We wenka. Akakumanya omusingye gw'ensi gutakateirweho, n'ahabw'ekyo akakujweka ogwo mweko Kuriya, eiziina ryawe yaarihendiika omu Kitabo. Ka n'okusima! Haleluya! Ruhanga waitu ahimbisibwe!

114 Hati, omu kuhendera, nimbaasa kugamba eki. Twena nitumanya ngu ekanisa y'omutindo gweriigyenda, Abapentekoote, omu mbeera ei erimu hati, ebigombe by'amadiini byona hamwe! Niinyija boona kubanaga omu muganda gumwe, ahawb'okuba nikwo bari. Mwijukye, Naija kuboha enkyenzi hamwe, okubanza, bwanyima azootsy. Twara . . . Naatwara emishengye y'engano reero yoona agyotsye, okubanza; bwanyima Naatwara, naija naakwata engano Ze reero azitware Omuka. Boona nibeeteeranira hamwe omu muganda, omuganda gw'Abametsodisiti, Ababaputisiti, Abapentekoote, boona nibaza omu Rukiiko rw'Amakanisa ageeteeraine. Nikyo ekyo kyonka. Boona n'ab'okwokibwa. Mwareeba?

115 Twena nitumanya ngu ekanisa y'omutindo gw'eriigyenda, omu mbeera ei erimu n'oku eyemereire, teri omu mbeera y'okubaasa kuheza omurimo mukuru ogu Ruhanga yaahaire Ekanisa ahawb'ebiro ebi. N'Abapentekoote bangahi abarikubaasa kugira ngu “amiina” ahari ekyo? [Abateeraine baagira ngu “Amiina.” -Omur.] Kihikire. Mwareeba? Kiri omu . . .

Turi ab'obumwe, ab'obubiri, ab'obushatu, eki, kiri, kiriya, empaka, kurwana. Omwe n'eki, ondijo ni kiri, kandi n'ekindi. Kandi buri omwe omuribo, aine obwoba kwakiira Ekigambo, n'okuhika aha kugyezibwa. Mwareeba? Nibamanya. Waakibagambira; nibagira bat, “Tinyine eki naakukikorera. Ekyo tinkaakiikiriza. Tindikufayo eki arikukora. Ni . . .” Mwareeba? Mwareeba? Nikyoreka eki sho na nyoko bari. “Noobaasa kwija kuba omureeberezi w'eihanga ekiro kimwe. Noobaasa kuba ori eki, kiri, nari ekindi.” Kikaabaire kirungi obe omwana wa Ruhanga.

116 Hati, nitumanya ngu ekanisa terikubaasa, ekanisa y'Abapentekoote, tihariho omuringo gwona, tihariho omuringo gwona, ogu erikubaasa kuhikiiriza Obutumwa bw'aha muheru, omu mbeera yaayo ei erimu hati. Neebaasa? [Abateeraine baagira bat, “Ngaaha.” -Omur.] Ahabw'enki, tibarikubaasa n'okwikirizana aha kigambo nari bibiri eby'omu Baiburi. Nibaija kukikora bata? Tibarikubaasa kukikora. N'ahabw'ekyo, nimureeba, ekigombe ky'ediini tikirimu. Ekyo kihikire.

Nibaija kuba abantu abatoorainwe abakitooranirwe. Mwareeba?

Hati mumanye, kandi naitwe twena nitumanya, ngu buri kigombe ky'ediini kyona, Abapentekoote n'abandi boona, bakafa, ekyo ni, aha Bakristaayo abazairwe obwa kabiri ab'Obutumwa. Ahaa. Baro w'okubanza akafa. Noomanya ngu akafa. Ruhanga akakireka kyafa. Kihweire. Ebyakyo byona ebya sayansa, obwengye, eby'obwegyese, emitwarize yaakyo y'ebya sayansa omu ki bagira ngu n'amashomero ga Baiburi n'ebindi bikacwekyerera. Kikozire ki? Bakataana, ab'obumwe hanu, n'ab'obushatu hanu, n'ab'obubiri hanu, kandi na hanu, na ifo hanu, kandi omuzambaaro nk'ogu, haza beeyeta Abapentekoote.

117 Ahabw'enki, nkaza o'w'omushaija muto, ekiro kiri; ahurikiize hati, amagingo aga. Kandi omukazi muto, akaba ari memba w'ekanisa emwe. Ogwo mukazi yaagira eti . . . naagira nti . . . Bakaba baataine. Naagira nti, “Ni nshonga ki?”

Ati, "Okwikiriza kwaitu tikurikushushana."

Naagira nti, "Oo, ngarukiramu. Muri Abakatoriki?"

Ogwo mukazi yaagira ati, "Ngaaha." Yangambira ekanisa y'ekigombe ky'ediini eki yaabaire arimu, eky'Abapentekoote.

Naamubuuza nti, "Eyaawe neeha?" Ogwo mushaija akaba ari owa Pentekoote, nawe, kwonka ow'ekigombe ky'ediini ekindi. Oo!

Nimumanya, ekanisa y'Abakatoriki eya Rooma ekatandika, eri ey'Abapentekoote? Ni bangahi abarikumanya ngu ago n'amazima? [Abateeraine baagira ngu, "Amiina." -Omur.] Kikagitwarira emyaka enkumi ibiri kuhika ahu yaahika hati, terikwenda ekindi kyona eky'Ebyahandiikirwe bundi. Na kakye. Ahabw'enki, Abapentekoote, emyaka makumi abiri okuruga hati, nibaija kuba babi munonga okukira oku bari hati, kyagumizamu oku kiri hati. Ahabw'enki, buzima. Mwareeba? Niki? Niki? Mureebe eki nyina na ishe bari. Nibaikiriza abakazi baabo kushara eishokye ryabo. Nibabaasa kukora haihi ekintu kyona eki barikwenda. "Kasita baba bari baamemba b'ekanisa, nikyo ekyo kyonka ekirkwetaagisibwa."

118 Oo, tify'okutangaaza, tify'okutangaaza ekiniga kya Ruhanga nikyeyongyera kutuuma! Ruhanga Akitaire omu maisho gaawe honyini. Ohumize amaisho gaawe reero waaremwa Kukireeba. Yee. Okingire okusaasirwa kwawe, waareeba Ekigambo kya Ruhanga ky'amazima n'Obumanyiso Mushanju obu bworekirwe kandi buhamiibwe ku gari amazima. N'obujurizi omu mwanya ahaiguru, omu mahanga na hoonahoona, n'obumanyiso bukuru n'eby'okutangaaza ebi Yaaragaaniise ngu Aryakora, reero ohumya amaisho, ogira oti, "Ti-tindikumanya. Tityine ky'okukikorera. Ni . . ." Mwareeba? Oo, mugyenzi! Bakafa, kandi tibarikukimanya. Ebibi n'eby'okushiisha! Okafa. Oo, mugyenzi!

119 Twena nitumanya ngu ekanisa eri omu mbeera ego terikubaasa kuheza omurimo gw'omu biro ebi eby'aha mperu. Ekaabaasa eta kworeka Malaki 4 ahagati yaayo? Ekaabaasa eta? Tibarikwikiriza n'ekintu nk'ekyo. Ekaabaasa eta kwikiriza, kworeka Luka 17:30? Ekaabaasa eta kworeka Ebyahandiikirwe ebi byona ebyaragaanisiibwe omu biro by'aha mperu? Tekaabaasize kukikora, ahabw'okuba Neekyehakana. "Nk'oku kyabaire kiri omu biro bya Looti, nikwo kiriba omu Kwija kw'Omwanwa w'Omuntu."

Mureebe embeera, Looti, ei Sodoma yaabaire erimu, omu biro ebyo. Mureebe, embeera y'ekanisa y'omu biro ebyo. Mureebe ekyabaire ahari Abrahamu, Entoore.

Mureebe ekyabaire ahari Looti n'abo abaabaire bari eifo omuri Sodoma. Mureebe Billy Graham na Oral Roberts, abo abari eifo okwo omu bigombe by'amadiini. Mureebe Ekanisa ya Abrahamu Entoore, eyaihirweyo.

120 Mureebe ni kamanyiso ka muringo ki, ngu Yesu We wenka, Ruhanga ohindukire omuntu ayemereire aho omu mubiri gw'abantu. Noogira oti, "Ogwo akaba ari Maraika." Baiburi ekagira ngu Akaba ari Ruhanga.

Mukama Ruhanga, Elohimu, ayemereire aho omu mubiri gw'abantu, arikworeka ngu omu muringo nigwo gumwe naija kushuka amajuta aha Kanisa Ye omu biro by'aha muheru. Naija kuba ari Ruhanga orikukorera omu muntu omurundi ogundi. "Nk'oku kyabaire kiri omu biro bya Sodoma, nikwo kiriba n'aha Kwija kw'Omwanwa w'omuntu." Ekintu nikyo kimwe. Nibakireeba aho honyini omu Byahandiikirwe. "Mukishome. Musherure omu Byahandiikirwe, ahakuba Omuribyo nimwo muteekateeka ngu mwine Amagara Agatahwaho." Kandi ebyo nibyo bihamya Eki. Mwareeba? Mwareeba?

121 N'ahabw'ekyo nitumanya ngu bifire. Ruhanga akakireka kyafeera omu ntebeekanisa y'okwekunda kwakyo, kw'ebya sayansa, n'eby'obwegyes.

Abapentekoote boona bakaba bagamba aha-aha kwohereza abaana baabo okwo omu ishomero rya Baiburi, obwire bw'enyima obu Ow'eishe-emwe omugurusi Loyate, bo bakaba batwire hanu, kandi bakaba bakubinga omu kanisa. "Kwonka, oo, hati n'ekintu ekirkukirayo obukuru. Mutabani wangye ari omu ishomero rya Baiburi." Naayetimbira ekituuro. N'ahabw'ekyo, hati, nimuteekateeka ngu nibabaasa Kukiikiriza, hati?

Nimuteekateeka ngu ninshagika obutashoma? Tindikushagika obutashoma. Nimbagambira ku hariho entaaniso rwagati y'obusingye obu bw'abeegire obu tutwiremu, ahu sayansa n'ebi byona ebi bagira ngu ni "okuteebereza" na buri kintu byaherize kutweka ekanisa. Torikubaasa kuteebereza Ruhanga.

Mbwenu, abo-abo banyamurwa bakaba baateeberize Ruhanga kurungi munonga. Bakaba nibamanya oku Mesia yaabaire naaza kwija, knownka Akaija omu muringo ogutari nk'oku baabaire baateeberize. Gukaba gutari ogw'ebya sayansa. "Omushaija ogu naabaasa ata, kandi obwo ari Omwanwa ekizaarwa? Akeegyera omu ishomero riiha? Obwegyes Bwe bukaruga nkahi? Akeegyera nkahi?"

"Ahabw'enki, Noogyezaho kutwegyes? Okazaarirwa omu bushambani." Mwareeba? Oo, ai bambe!

122 Nimureeба ekintu nikyo kimwe nikigaruka kubaho? [Abateeraine baagira bat, "Amiina." -Omur.] Nimukireeba nikigaruka kubaho? Boona bari omu diini ya sayansi, ediini ya sayansa okrugirira aha ki eishomero rya Baiburi ryabo ryagambire, okwo nikwo Barikukyenda. "Okwo nikwo Kirikuteekwa kuba, nari

Tikyo."

Ruhanga abahindura abashema, buri kaire. Burijo kibaho omuringo ogundi. Nikwo kyabaire omu bwire bwa Noa; kyabakwo omu bwire bwa Musa; kyabakwo omu bwire bwa Kristo; kyabakwo omu bwire bwa Yohaana; kyabakwo omu bwire bw'abeegi; kyabakwo omu bwire bwa Wesley; kyabakwo omu bwire bwa Luther; kyabakwo omu bwire bw'Abapentekoote; kandi kigarukire kyabaho. Tikihindura emikorere yaakyo. Burijo kibaho muringo nigwo gumwe. Abahunduuzi bonka okurabira omu musingye mushanju, mukaaga, okuhitsya aha bwa mushanju. Kandi Okushuuuruwa 10 ekagamba, omu shaaha egi nikiza kuhinduka. Kandi kikabakwo.

123 Hati nituhendera, omu kugamba eki. Kuhendera okutumwa okukuru, nibabaasa bata kukuhikiiriza? Nitumanya ngu bakafa. Ruhanga akakireka kyafeera omu busingye obu bw'eba sayansa, kyona, ku-kugira ngu Abaase (kukora ki?) kubambuurira Omugore otari ow'ekigombe ky'ediini enaama y'Obumanyiso Mushanju. Ekigombe ky'ediini nikibaasa kita kwikiriza obwo Bumanyiso Mushanju, kandi obwo Nikitaanira kimwe, oruzaaro rw'enjoka n'ebindi bintu ebyo? Enaama mushanju ezijjwire, zoona nizitaana n'ebi baayegyesiibwe, ahabw'okuba bakatwara enyikiriza eza ira omu ishomero ryabo rya Baiburi.

Kandi Obumanyiso Mushanju bwa Ruhanga, ku bwabambirwe kuriya aha rushozi, Ruhanga naija kureka nfeere hanu hati aha kituuti eki Ekyo ku kiraabe kitari Mazima. Kandi nkabagambira, omwaka n'amneezi mukaaga kitakabaireho, eki Yangambiire ngu, "Gyenda Arizona," kandi n'ekyabaire nikiza kubayo omu ihamba. Kandi hariho abashaija abashutami hanu, ekiro eki, abaabaire beemereireyo kandi bariyo obu Baamaraiika mushanju bashuma. Nangwa n'a- . . . Akatabo, akatabo ka Life, kakakihandiikaho. Kikareebwa n'ebyma ebirikureeba ebiri omu kaabunga, buri kintu. Hati tibarikumanya n'eki kiri.

Kandi buri kintu kyaherize kugambwa, oo, nangwa n'aha kucwekyerera kwa California, okuriyo nikwirira haihi hati, n'ebindi bintu byona ebi. Kandi n'oku naabagambiire omubaro gw'ebiro ebirihwaho, oku kyabaire nikiza kuba obu ogu mutsitsa gw'amaani gwabaho omuri Alaska, kandi ekyo kikaba nikiza kuba okutandika kw'akamanyiso k'obunaku, n'ekyabaire nikiza kubaho. Kandi ekigambo aha kindi, eki Kyagambire, tikikaremwaga kuhikiirira n'obu gwakuba omurundi gumwe. Timukakireebahoga nikiremwa. Kandi tikirikubaasa kuremwa, ahabw'okuba n'Ebigambo bya Ruhanga. "Kandi ensi n'eiguru biryahwaho, kwonka Tikirikubaasa kuremwa." Ekyo kihikire.

124 Ruhanga akaba naateekwa kubambuura obwo Bumanyiso Mushanju, atari omu kigombe ky'ediini. Burijo ntuura ninkikanisa. Kureka, aheeru y'ekigombe ky'ediini, Abaase kwihayo Omugore, atari omugore w'ekigombe ky'ediini. Akaba atarikubaasa kukikora. Ninkikanisa Ekigambo Kye kyonyini. Akabambuura ezo naama mushanju ezirimu. Ekyo nikyoreka, nikiihayo ebintu ebyo ebitura bisherekirwe okwiha obu omusingye gw'ensi gwateebwaho, bibone kushuuuruurirwa abaana ba Ruhanga, omu biro by'aha muheru. Ebyo bakabireeta omu maisho g'abantu, ngu Babireebe aho, imwe hati, ahari ogu Mugore otaine kakwate n'ekigombe ky'ediini. Oo, mugyenzi!

Mbibyo ebitabo byawe bibiri. Kimwe aharibyo n'Ekitabo ky'Amagara eky'Omwna gw'Entaama. Eiziina ryawe omuri Ekyo Rikahandiikwamu ira otakabaireho. Tirikaarugamu, ahabw'okuba torikubaasa kurihamu nangwa na busha, mwareeba, ahabw'okuba rikamanywa ira otakabaireho Ryahandiikwamu. Kwonka ekitabo kya burijo ky'amagara, niribaasa kwihwamu obwire bwona. Mwareeba? Waayanga kweteisa, ryarugiremu, oku biri kwona, 'habw'okuba noiya kucwerwa Orubanja. Omugore tariza mu Rubanja na kakye; naagyenda omu Kutwarwa. Ku . . .

125 Ningamba eki, omu kuhendera. Obwire buriyo nibuhwayo, ni haihi shaaha ishatu n'ekicweka. Kandi nituza kushohora aheeru ku ziraahikye shaaha ishatu n'ekicweka, Mukama ku araakunde. Hati, muhurikize mutaireho omutima. Rimwe . . .

Ningamba eki hati, eki nikihika omu ihanga ryona. Omuri New York, hati ni shaaha itaano n'edakiika makumi abiri na itaano. Eruguru okwo omuri Philadelphia n'okwehinguririza okwo, abarikwera abakundwa abo bashutami okwo bahurikiize, hati hati, omu makanisa haihi n'aho hoona. Eruguru munonga okwo, eifo munonga okwehinguririza Mexico, eruguru munonga okwehinguririza Canada n'okwehinguririza ogwo mwanya, hoonahoona. Mahiro magana abiri, ahantu hoona omu kicweka rweiguuga kya Amerika y'Amatemba hanu, haihi,abantu bategire amatu, bahurikiize hati hati. Enkumi kubazamu enkumi, bahurikiize.

Obwo nibwo Butumwa bwangye ahariimwe, Kanisa 'mwe, ngu imwe abateerainwe, okuteeranwa kw'omwoyo kurabira omu Kigambo, ngu mukafa ahari baabaroimwe aba aba ira. Okazaarwa busya. Otagyezaho kumuziikuurayo. Akafa. Ku oraabe ori Omukristaayo ozairwe obwa kabiri, egyo mbibo nkye eyaakutooraniirwe ira otakabaireho, n'Ekgambo ekirikwija aha Kigambo, aha Kigambo, aha Kigambo, reero okahika aha bukuru obw'orugyero rwa Kristo oruhikire, ekyo kihikire, kugira ngu Abone kwija atware Omugore We. Hati tweteekatekyeire ekintu kimwe, ekyo n'Okwija kwa Mukama.

126 Ndiryo eizina ryawe omu Kitabo ky'Amagara. Ekitabo ky'Amagara n'Ekgambo kya Ruhanga 'habw'okuba Ekgambo ni Ruhanga, kandi Ruhanga niwe kintu kyonka ekiine Amagara. N'ahabw'ekyo eiziina ryawe rikajwekyerwa omu Baiburi Baiburi etakabaire Ekgambo. Kandi ku oraabe ori hanu kukora ekyo, Tikiraayorekye ekyo Kigambo? [Abateeraine baagira ngu, "Amiina." -Omur.] Ekanisa Teraayeyorekye? Malaki 4, n'ebintu ebi byona, buzima, Teeraayeyorekyere kimwe kandi ekooreka ngu Ekyo nikyo Eri? ["Amiina."]

Yesu ku yaizire, Akagira ati, "Ku ndaabe ntakora mirimo eyaaragaanisiibwe ngu Ndyakora, murekye Kuunyikiriza." Ni kibiina ki omuribyo eki Yaayegaitisireho? Akagira ati, "Boona ni . . . Muri aba shoimwe, Sitaane, kandi emirimo ye niyo mukora." Mwareeba? Mwareeba?

Turi omu biro by'aha muheru, Kanisa 'mwe. Obwo nibwo Butumwa bwangye ahariimwe bw'okusiima.

127 Hati, ntakahendeire. Rimwe nkaba ndi eruguru omu Irindiro Ry'enyamaishwa z'omu ishwa erya Glacier. Tukahurira, eizooba ryona, ngu bakaba baine o-bakaba baine okuragara, ekibengo kihango ky'omuriro ekyabaire nikiza kuragara nyekiro. N'ahabw'ekyo abantu bakaba nibakora emirimo mingi, eizooba ryona, nibatebeekanisa ekintu ekyo, ahabw'okuba bakaba nibaza kuragaza ogwo muriro, ekiro ekyo. Bakakora omuriro guri nk'amaizi kuragara, nk'ekibengo kihango ky'amaizi g'orubaare. Kwonka . . . Kikaba nikishushana nk'omuhanganzima, haihi, kyashohora, omuri ogwo muriro ogurikuruga omu kibengo kihango eki ky'orubaare. Hoonahoona omu irindiro ry'enyamaishwa z'omu ishwa, nyowe n'omukyara, n'abaana, tukagyendagyenda aho nyomushana yoona. Nitwenda kugumaho kureeba ogwo mworeko gw'omuriro. N'ahabw'ekyo ki-ki-kikaba kituragaanisiibwe ngu nituza kukireeba, kandi tukaba nituza kukireeba omurundi ogundi. Bakagira ngu bakikora omu bunaku bw'ekyanda n'ebindi. Nkagira nti, "Mbwenu, nitubaasa kwija kukireeba?"

Bati, "Tukiragaaniise ekiro eki. Tukiraganiise." Bati, "Bariyo eruguru nibakitebeekanisa hati."

128 Byona ku byaherize kutebeekanisibwa ahabw'ekirkwenda kubaho! Ekyo nikyo ekiriyo nikikorwa hati hati. Byona byaherize kutebeekanisibwa ahabw'ekirkwenda kubaho, Ekanisa eriyo neekururwayo ahaw'Eiziina Rye, Naiha Omugore We omu nsi, ebigombe by'amadiini ebi n'ensi yoona, n'oburofa n'ebintu by'ensi.

Buri omwe; omukoro gukatebeekanisiibwa. Buri omwe akaba ayemereire aheeru. Baagira bati, "Hati, mugume nimureeba, aha mutwe gw'orushozi kuri."

Okwo nikwo kituura Nikiija. Okwo nikwo kiraije obwire obu. Okwo nikwo Kituura nikijja. Tikirikurabira omu kigombe ky'ediini! Ruhanga takakoresaga kigombe ky'ediini, takakikoresaga!

Omuhunduuzi aija, aheebwa Ekigambo kya Mukama. Reero ku afa, bakikoram u ekigombe ky'ediini. Ekyo nikyo Abapentekoote na boona baakozire. Obu enhonga nsya, na buri kintu, nikwo batyo. Nikwo ekyo kintu kirugamu. Ekigambo kisya ekyongyeirweho, reero okuruga omwo bombekaho ekanisa, bakora ekigombe ky'ediini, beetaanisa. Kikaba nikiteekwa kuba kityo.

Hati, torikubaasa kuhindura-torikubaasa kuhindura eby'obuhangwa. Eby'obuhangwa bikuratira enkora niyo emwe, obwire bwona: omushengye, eibabi, eshisha, n'ebindi, ekishushu, bwanyima engano.

129 Hati mureebe. Byona bikaba byaherize kutebeekanisibwa. Buri kintu kikaba kyaherize kuteebwamu omuriro kyatebeekanisiibwe. Kandi buri muntu akaba ayemereire aheeru. Nkaba nyimukize omutwe gwangye ahaiguru; mbumbatiire omukazi wangye. Tukaba tuhangire amaisho. Kandi n'abaana beemereire aho, twena nitireeba eruguru, nka batyo. Mugyenzi! Kikaba kiri ekintu, 'habw'okuba tukaba tukitegyereize. Tukaba tukiragaanisiibwe.

Amiina! Ekigambo kikaragaanisa Eki, "Obunaku buryahika, ekiro kikuru kya Mukama kandi ekirikutiinisa kitakaizire, reeba, Ndyabooherereza nabi Eliya. Niwe arihindura emitima y'abaana bakagarukana n'abazaire." . . . ? . . . "Bwanyima obunaku buryahika omu biro by'aha muheru, Ndyashuka Omwoyo Wangye okuruga omu Igru." "Enjura y'eibiba n'eya katumba eryagwa omurundi gumwe omu biro by'aha muheru." Okuragaanisa oku kwona, okurabira omu Byahandiikirwe, kukaheebwa. Nitireeba ahaiguru. Mureebe Omugore w'amazima omu ihanga ryona eshaaha egi, naareeba ahaiguru. Kanisa 'mwe, Naija kimwe omu biro ebi. Buzima kwo nk'oku Yaizire omurundi gw'okubanza, Naija omurundi ogundi. Mutebeekanise buri kintu. Mwetaanise n'ekishushu. Mwelianikye omu maisho g'Omwna. Mugume nimureeba ahaiguru. Mugume mwine ekihika.

130 Ahonaaho, tukahurira ekintu nikiruga eruguru aha mutwe gw'akabungo, eiraka ryashuumma okurabira omu muzindaaro, ryagira riti, "Ebintu byona bitebeekanisiibwe."

Reero omushajia ogu, owaabaire ayemereire aha rubaju rwangye, yaagira ati, "K'omuriro guragare." Ngugwo gwaija, nigweshuka ahansi y'orwo rushozi, ekibengo kihango ky'omuriro n'omuriro nigungaga enkobe, ekintu ky'okureebwa.

Ow'eishe-emwe, ka tutebeekanise ebintu byona, ahakuba kimwe omu biro ebi Omuriro niguza kuragara. Nituza kutemba. Hati ka tweteekatekyere obwire bw'Omuriro kuragara. Turi omu biro by'aha muheru, twena ekyo nitukimanya, kandi tweteekatekyeire Okwija kwa Mukama. Ekintu ky'okukora niiwe kwetaanisa n'ekibi kyona. Yetaanise n'ekintu kyona ekiine akakwate n'ensi. "Otakunda ensi nari ebintu by'ensi."

"Hatagira omuntu weena, owaakubeihabeiha, n'enyegeyesa ye." Gumira kimwe omu kuragaanisa kwa Ruhanga, Ekigambo kya Ruhanga. Kandi ekyo Kigambo, ku Kiraabe kiri Ekigambo kya Ruhanga ky'ebiro ebi, Ruhanga Naakihamya ku nikyo. Ku Araabe atakihamize, obwo ti Kigambo ky'ebiro ebi.

Ekigambo ekyaragaire aha Kiro kya Pentekoote tikirikwija kukora ebi. Ngaaha, sebo. Ekyo kikaba kiri ekyo Pentekoote. Eki n'eky'Omugore, Omugore kutaaha Omuka. Twine ekintu ky'omutaano. Abapentekoote bakaba nibakijwekyera, omurundi ogundi. Turi omu busingye bw'Omugore. Nk'oku E-Ekigambo kya Noa kyabaire

kitarikubaasa kukora omu bwire bwa Musa; nk'oku Ebiragiro bya Musa byabaire bitarikubaasa kukora omu bwire bwa Paulo hanu. Akagyezaho kubagambira ati, "Mukafa ahari ebyo, mbwenu ebyo timurikubaasa kubigira."

131 Kanisa 'mwe, imwe abu ndikugambira, ekiro eki, omu ihanga ryona, ku-ku muraabe mwetaaniise n'ebigombe by'amadiini n'oburofa bwona n'ebintu by'ensi, n'ebintu ebyo byona ebibagumya omu nyikiriza z'amadiini n'emitwarize n'ebintu nk'ebyo ebi abantu baagunzire, mukeetaanisa. Mureebe ahaiguru. Mweteekateekye. Omuriro niguza kuragara, kimwe omu biro ebi. Ruhanga naija kwikiriza ngu Aije, kandi ka nikiija kuba ekintu kikuru eky'okureebwa. Noija kuba oyeteekateekire ku Araiye? Noija kuba oyeteekateekire kugyenda Nawe omu iguru ku Araiye? Okutwarwa bwesherekye kw'Omugore orengire eby'obuhangwa, "Omugore naija kuhindu-... okuruga omu mubiri ogufa ajware ogutafa; ahindurwe, omu kaanya kakye, nk'ak'okuhumbya eriisho. Itwe abahuriire abarishangwa bakirihoko tituribandiza abo abaagwejegyeire."

132 Eizooba riri, aha Kiro ky'Okujaguza okumara Orutaro rw'Okubanza rw'Ensi yoona, nkaba nyemereire eifo okwo omuri Tucson. Akoojo kangye kato kakaba nikenda kureeba orunyiriri rw'abaserukare. Nkaba ninshoma, n'ahabw'ekyo nkaba ntaine obwire bw'okukikora. Abarwaire bakaba nibanteerera amasimu maingi n'ebindi. N'ahabw'ekyo yaagira ati, "Taata, tibarikwija kuntwara." Yaagira ati, "Ntware."

Naagira nti, "Kare." Ow'eishe-emwe Simpson, ninteeekateeka ngu ari hanu; n'omutabani we akaba naayenda kuzayo. N'ahabw'ekyo nkabajakura naabata omu motoka reero naavuga naabatwara.

Nkeemererayo aha nshonda reero naareeba. Kandi ahanyima y'akaanya kakye, naahurira, enyima okwo hangahari, naahurira eiraka erinigirwe nirija nirigira riti, "wompu, wompu," engoma, nizijumeera. Nkeemerera aho. Naateekateeka nti, "Abaana bato aba, buzima bashoma ebitabo ebi byona ebirikugamba aha mahe. Buzima kiri nibaza kukikunda." Nkareeba, eyaabaire eyebembeire ekaba eri tanka y'amahe eya ira ey'omu Rutaro rw'Ensi yoona rw'Okubanza. Mbabo baija, obushaija bukye nka batyo. Haakurataho endijo, ahanyima yaayo; eyaakuratsireho ekaba eri tanka y'amahe nsya mpango ey'omu Rutaro rw'Ensi yoona rwa Kabiri, tanka mpango y'ekika kya Sherman eine n'omunwa gw'embundu. Bwanyima haakurataho endijo, n'endijo, ahanyima y'akaanya kakye haija Gold Star Mothers.

Kandi reero, ahanyima y'akaanya kakye, haija baakahonaho ikumi na babiri abatsigaireho omu ihanga ryona rya Arizona, ab'omu Rutaro rw'Ensi yoona rw'Okubanza; baakahonaho ikumi na babiri. Ahanyima y'ekyo, haija ekimotoka kihango kya pareedi, omuserukare otarikwijkwa, akasharaba kakye akarikwera. Aho hakaba hariho omurimbi, n'omuserukare w'aha maizi, n'omuserukare, beemereire nibarinda, hariho akaanya kakye karikutaanisa ekimotoka kihango kya pareedi. Aha rubaju orundi hakaba hariho omukaikuru omuzaire kirinju, ashutami ajwekirwe omudaari gw'enyonyoozi y'ezabu, omukazi mukye murungi naarira, iba akaba afire; omwojo mukye ajwaire obucwanyagurika, omutwe gwe agworekire orubaju rumwe. Ishe akaitwa. Reero enyima y'ebyo haayeyongyeraho abandi, abandi, abandi, bwanyima haija eihe risya. Nkeemerera aho. Ka kyabaire nikitangaaza kureeba, kwonka ka kyabaire kiri eky'enaku!

133 Nkateekateeka nti, "Ai Ruhanga, kimwe omu biro ebi niinyija kureeba ekindi kintu."

Ekiro ky'okuzooka nikiija, eki, "Ab'okubanza baryaba aba bwanyima; abo aba bwanyima baryaba ab'okubanza." Baanabi aba ira baryaija nibeemurika, okubanza, kandi bareebe egoye mishororongo neegyenda, nibatambura nibatemba omu kaabunga. "Itwe abahuriire abarishangwa bakirihoko tituribandiza abo abaagwejegyeire. Ahakuba enzamba ya Ruhanga eryagamba, kandi abaafeereire omuri Kristo nibo baribanza kuzooka." Nitwija kuteeranira hamwe nabo baaba nibataahamu, haleluya, okushuumira kimwe omu busingye bwa Luther, Wesley, Metsodisiti, Puresibateeri, okushuumira kimwe kuhika aha busingye obw'aha muheru, abaayakiire Ekigambo omu bwire bwabo.

Ruhanga abahe omugisha. Mutebeekanise ebintu byona, Omuriro nigwija kuragara.

134 Ka twinikye emitwe yaitu ahabw'akaanya kakye. Niinyebuuza, omu bateeraniire hanu ekiro eki abarikureebwa, obu mbakwatiire hanu ahawb'e... okuhitsya shaaha ishatu n'ekicweka. Hariho omwe hanu, hariho edaaazini, ni bangahi hanu, kandi abarikugira ngu, "Ow'eishe-emwe Branham, nyowe ninkinkwatsa enshoni, oku mbaire nintuura. Nkata omutima munonga aha kigombe ky'ediini n'abantu. Nimmanya ngu tindigye n'Ekigambo kya Ruhanga. Naaza kukushaba onshabire, Ow'eishe-emwe Branham"? Imutsya omukono gwawe. Ruhanga abahe omugisha. Ruhanga abahe omugisha. Mureebe, ahaiguru kuri aha ibaraza rya kaanyaabiri, n'okwehinguririza. Ruhanga abahe omugisha. "Nimmanya..." Hati murekye kwitwa enshoni. Hati, mutagira enshoni.

135 Kandi aheeru okwo, omu ihanga ryona, okuruga New York okuhika California, okuruga Canada okuhika Mexico, imwe bantu 'mwe abateeraniire omu makanisa ago ahu ebibiina bikye ebirikwesigwa ebiikiriize Obutumwa obu n'emitima yaabo yoona. Bo bakarugamu, bakaruga omu kubonabona kwingi, bakaruga omu bigombe by'amadiini ebyo. Bo n'embibo z'Amagara. Noohurira ekyetengo, ekiro eki, nk'eriya mpungu nkye, noohurira Ekintu ekiine omutaano mukye aha ki otuura noohurira, kwonka, nabwo, omu mutima gwawe noomanya ngu n'Amazima? Iwe, omunda okwo, hariho omuriisa oyemereire okwo ahanti hantu. Oimukize omukono gwawe. Naaza kukushabira.

Ebuntu ebi tibirakoreirwe omu nshonda, munywani. Ijuka, "Eirembo rifunzire n'akahanda kaaryo kagumire, n'abakazoora baba bakye." Otagyenda n'ogwo mutwe muhango gw'abantu ogurikugyenda seeri, munywani, obwo Busingye bw'Ekanisa ya Laodikea. Nibabaasa kugurukyera, kuzina ahabw'okweshongora, kooyakooya. Tikiragambire ngu neefuka nk'orubaare hati. Kikagira ngu, "Ekaba eri kooyakooya," egyo n'ey'Abapentekooete, "kandi terikumanya ngu n'ey'okusaasira, enshoberwa, empumi." Empumi ahari ki? Ekigambo, aha kweyoreka kw'Ekigambo, ahabw'okuba Tikiraizire nikirabira omu bikiina byabo by'amadiini. Tibarikubaasa Kukyakiira.

136 Kandi imwe baheereza 'mwe eifo okwo omuri Tucson, ekiro eki, ekyo tindikulibajunaana. Ruhanga niwe orikubajunaana. Nkamarayo emyaka eshatu. Nkabagambira ngu tindikwija kutandika ekanisa. Tindagitandikire. Ow'eishe-emwe Pearry Green niwe yaagitandikire. Nkamarayo emyaka eshatu, kandi tihariho n'omurundi na gumwe obu mwanyetsire kwija omu kituuti kyanyu. Nkattura omuri Tucson haihi emyaka eshatu. Ruhanga naija kuunyiha omu ihamba ry'omusheenyi kimwe omu biro ebi. Obutumwa obu nibuteekwa kugumizamu. Nkagyezaho n'agangye goona okubahikamu. Ni-nimmanya enshonga eyaatumire mwakikora. Muhuriire? Enshonga yonka eyaatumire mwakikora, ekigombe ky'ediini kyanyu kikaba nikiza kubabinga. Kandi nimumanya, baingi omuriimwe ngambire naimwe, ahari Hooteeri ya Furr, kandi nimumanya ngu ekyo n'amazima. Mwashwara.

Mukirugyemu. Rugayo okwo, ow'eishe-emwe. Omuriive ku haraabe harimu Amagara goona, noi ja kuba nk'empungu nto ei naaheza kugambaho, noi ja kuhurira Ekigambo kya Ruhanga. Ijuka, Obutumwa obu noi ja kubuhurira omurundi gw'aha muheru, kimwe omu biro ebi. Turi haihi munonga. Tokaija, ekiro eki?

137 Ruhanga omukundwa, tushutami tutaireho omutima hati, n'ekiyo ky'okusiima buzima, Mukama. Ninsiima, Mukama, kuba ntware omu ebiro ebi. Ebi n'ebiro ebirikukirayo obukuru. Paulo akeetenga kureeba ebiro ebi. Abashaija rugambwa aba ira bakeetenga kubireeba. Baanabi bakeetenga kubireeba. Bakategyereza ebiro ebi. Abrahamu akategyereza, ahakuba akasherura orurembo oru Ruhanga Yaagyezire kandi Akarwombeka; niruzeereera ahaiguru yaitu, ekiro eki. Yohaana akareeba Omwoyo wa Ruhanga naashuma okuruga omu Iguru, yaahamya ebi yaareebire, yaamanya ngu ogwo akaba ari Omwana wa Ruhanga. Mbwenu, teekateeka hati, Naatoorana Omugore We.

Ruhanga omukundwa, hoonahoona okwo omu ihanga, gamba n'emtima yaabo. Niiwe wenka orikubaasa kuhindura emitima yaabo. Egyo ku eraabe etari Mbibo eyaatairwemu okwo aha kutandika, Tibarikireeba, Mukama. Bari . . . "Empumi neija kwebembera endijo mpumi. Niziija kugwa omu kiina," buzima kwo nk'ekintu kyona, ahabw'okuba Ekigambo Kyawe nikigira ngu nikwo baraabe.

138 Hati, Taata, nitireeba omu ihanga ryona, okwetoroora ensi, omuri Afrika, abantu baingi, abantu baingi omuri Afrika y'Amashuma, Mozambique, hoonahoona omu ihanga, obubiina bw'abeeteeraine hamwe nibutwara entambi z'amaraka ezi. Mbwenu n'ahabw'ekyo orutambi rw'amaraka oru nira kuhika omu mahanga makumi abairi n'okukiraho, amahanga agatarikushushana. Batandikire Kukireeba n'okwecwaho, amagana n'amagana gaabo. Torikwija kutwara baingi, Mukama. Reero memba w'aha muheru ku araayakiirwe omu Mubiri, Kristo naija kwija.

Mukama Ruhanga, ninhaba Omugore, ekiro eki, abo abu ndikwehiramu ngu barugireyo kandi bategyereize. Ka babaase kwetaanisa n'ebuntu by'omu nsi byona. Nibateekwa kweyanika Omu maisho g'Omushana ogurikutagata gw'Omwana wa Ruhanga, nibanaabira omu Kigambo Kye, omuri Rukundo Ye. Kikore, Ruhanga omukundwa.

139 Ka, abantu aba hanu, abarikureebwa, abaimutsya emikono yaabo, ekiro eki, baingi munonga abari omuri tabirinaakuru egi mpango. Ninhaba, Ruhanga, ngu Amagara masya gabataahemu. Ninkishaba, ahakuba omu ihanga ryona nangwa n'okwehinguririza ensi, ahu orutambi rw'amaraka oru rurihurirwa, ngu nabo babaase kwakiira Obutumwa obu bw'okusiima kandi bamanye, okurabira omu bi naakoonaho n'ebuntu ebyagambwa, ebi barikuteekwa kukora. Ninkishaba, Taata. Kikore. Bahe omugisha. N'Abaawe.

Nimmanya entwaza nikwo eri hati, Taata, ngu tugambire abantu baije ahari rutaari. Ninhaba, Ruhanga omukundwa, ngu omuri buri kanisa, hoonahoona okwehinguririza, n'omu nsi yoona, ngu baije ahari rutaari: abairaguju, abajungu, abaakinekye, abaaburawuni, hoona ahi bari; abatungi, abooro, abatafireyo, abasheegi, eki bari kyona.

Abanyabigombe by'amadiini, abo abeeyeta eki batari kandi abarikwekunda, Ai Ruhanga, "Bajwaire busha, ab'okusaasirwa, enshoberwa, empumi, kandi tibarikukimanya." Okagira ngu kiryaba kityo, kandi nikwo kiri.

N'ahabw'ekyo ninhaba, Taata, ngu Noija kweta buri Mbibo, ekiro eki. Kandi hoonahoona okwetoroora ensi ei Eki kirikubaasa kuhika, ka Kibaase kukwata egyo mpungu nto erikumanya Eiraka rya Mukama waayo. Kikore, Mukama. Naabakukwatsa, omu Iziina rya Yesu. Amiina.

140 Hati n'emtwe yaanyu einikire, hanu omu bateeraine abarikureebwa. Ninhaba bamwe hanu, abatakajunirwe, n'obu kwakuba kuha Ruhanga emitima yaanyu, timurikuteekateeka ngu mushemereire kusiima ahabw'eki Yesu yaabakoreire? Kuteekateeka, ngu ori omusiisi, ngu ori omunyamahanga ahari Ruhanga, kwonka nabwo Ekintu omu mutima gwawe, nikikongoota. [Branham yaakongoota aha kituuti -Omur.] Noomanya ota ku otari emwe omuri ezo mpungu nto! Ori enshoberwa, kandi noi ja kuguma ori enshoberwa, okuhitsya obu Orimuga amagara

gaawe. Ahabw'enki ekiro eki otarikukihindura ekirikukirayo kuba eky'okusiima eki oratungire, obu waayakiira Yesu Kristo nk'Omujuni waawe.

Noobaasa kwija eruguru hanu kandi okeemerera ahari rutaari? Niinyija kushaba naiwe ku oraije, omusiisi weena, omushaija nari omukazi, omwojo nari omwishiki, memba w'ekanisa nari otari memba w'ekanisa. Okuba memba w'ekanisa tikirikukuhindura Omukristaayo hati. Rutaari eigwire. Noobasa kwija, omusiisi weena orikwenda kwija, kwakiira Mukama Yesu Kristo. Buzima okaayenzire kureka . . .

Bamwe omuriimwe banyabigombe by'amadiini 'mwe abarikwenda kureka kurya ebyo by'okurya by'enkokoko, eby'okugira ngu, "Ori memba w'eki kandi tikiine nshonga." Nooyenda buzima kumanya eki okubatizibwa kw'Omwoyo Orikwera kw'amazima kuri? Ija, omanye.

141 Rutaari eigwire. Tweteekateekire. Iziira kimwe hanu, ruga-ruga omu ntebe yaawe. Iziira kimwe hanu haza otsimbe amaju hanu ahari rutaari, ow'eishe-emwe ogu owaheza kwija.

"Okusima, Ai Ruhanga, Ninkusima munonga. Ngu, amagara gangye goona, ntuura nimmanya ngu hatuuramu ekintu, Mukama. Tinkamarwaga. Nkagyezaho. Nka-nkateekateeka nti, 'Omwaka ogurikwija, niinyija kukikora. Saabiiti eraakurateho, niinyija kukikora, omurundi ogundi naahurira nibeeta abarikwenda kujunwa. Niinyija kukikora, ekiro kimwe.' Nkankiirizayo, naagaruka naakiirizayo. Kwonka, Mukama, nimmanya ngu hariho ekintu ekishobire omuriinye. Burijjo ntuura niinyikiriza ngu hariho ekintu ky'omutaano. Kandi hati, Mukama, ekiro eki, ninsima munonga ahabw'entebeekanisa ei Omwana wa Ruhanga yaakozire, ngu ebibi byangye, buzima obutaikiriza bwangye, bubaase kuunyogibwaho. Niinyija, ekiro eki, kandi nintsimba amaju ahansi kwakiira omugisha mukuru gw'okusima ebi Yesu Kristo yankoreire obu yanfeera aha Musharaba."

142 Toija? Hati hariho abantu abatsimbire amaju okwehinguririza rutaari hanu. Ahabw'enki otaimuka okaija? Otuura nooyenda kukikora. Okakigyezaho.

Muteekateekye aha W'eishe-emwe Lyle Palmer, ow'eishe-emwe mugyenzi waitu murungi, ow'omuhendo. Akaba ashutami omu mbuga, nikwo bangambiire, naareeba kahara ke kakye nikazaana omuzaano gwa croquet aheeru aho, nari ekindi kintu, reero yaagwa omu ntebe kandi yaafa atakabaasize nangwa n'okwetenganya. Torikumanya obwire obu oraije kuruga hanu. Torikumanya obwire obu oraije kugyenda. Nabwo nikibaasa kuba, ekiro eki, mbwenu ahabw'enki otarikwija kandi okakitereeza hati?

Nimwije, bantu 'mwe. Torikuhurira Ekintu nikikurura omunda yaawe? Ni-nimmanya ngu hariho baingi omuriimwe hanu abashemereire kuba muri hanu honyini ahari rutaari, n'ahabw'ekyo abantu aba mukaaga nari mushanju abari hanu tibo abashutami hanu. Hati, ku muraabe nimuunyikiriza kandi mukareeba hanu aha kituuti, ebintu nibibaho, muunyikirize hati. Ekiro kimwe eiraka ryangye riryahunama. Timurigaruka kurihurira bundi. Nimwija kwefuuza ngu mukaabaire mwaizire.

"Noogira oti," Kwonka, Ow'eishe-emwe Branham, ntwire ndi memba w'ekanisa. "Ekyo eki otwire ori tikirikureetaho ntaaniso yoona. Na-na Nikodemus akaba ari memba w'ekanisa. Yohaana, Petero, Paulo, n'abandi boona nabo bakaba bari baamembba b'ekanisa.

143 Paulo akaba ari memba w'ekanisa okuhitsya obu ekintu kyabaireho ekiro kimwe, nimmanyisa kikabaho eizooba rimwe, reero yaija. Obwo akaba ari memba w'ekanisa ohindwirwe, yaaba omwana wa Ruhanga. Ahabw'enki otarikwija? Oo, akaba atendekirwe. Akaba ari omunyabwengye. Akaba naamanya ngu atendekirwe, omu ishomero eririkukirayo obukuru omu kutendeka eryabaire ririho, Gamalieli, omwe omu beegyesa abarikukirayo kuba abakugu omu ihanga. Kwonka akamanya ngu akaba naayetenga ekintu.

Ahabw'enki otarikwija? Omurundi ogundi ningaruka kubeeta. Omu . . . Hanu nari okwehinguririza eihanga, ninkushaba, ahi ori hoona, omu kanisa ei orimu, omu shaaha egi y'okusiima. Oijukye, eiraka ryangye nirikwatwa aha ntambi z'amaraka; ti hanu honka, kureka n'omu Iguru.

Nimumanya, sayansa ekakihamya ngu buri kintu eki okora kikwatwa aha rutambi. Bakakihamya. Mwijukye, televijioni ekakihamya. Televijioni tiyo-tiyo ekora ebishushani. Niiwe kishushani. Yo eyohereza eki orikukora, omu kitensheni. Oriyo, oku kiri kwona. Mwareeba? Waazunguza orukumu rwawe, okwo kuzunguza nikugyenda omu nsi yoona. Buri kaire waajwara ekijwaro, oku orikushushana nikwetooroora ensi yoona. Nikikwatwa aha rutambi. Buri kiteekateeko ekirikuraba omu bwonko bwawe nikikwatwa aha rutambi. Kandi ekiro kimwe orwo rutambi nirwija kureka kukwata, nirwija kuteebwa omu ibiikiro ry'entambi.

144 Reero bwanyima aha Kucwa orubanja nirwija kugarurwa. Oyemereire aho oshazire eishokye, orikweyeta Omukristaayo. Oyemereire aho n'ebiteekateeko omu bwonko bwawe ebirikhakanisa Ekigambo, kandi kiri omu biteekateeko byawe honyini. Torikubaasa kukishereka. Mwijukye, televijioni, n'obu yaakuba sayansa nayo neemanya ngu ekyo n'amazima. Oyemereire hati hati, orikumanya ngu oshemereire kuba ori hanu, ijuka, eki nikikwatwa aha rutambi. Aha Kiro ky'Orubanja, ekyo kiteekateeko nikyo kimwe eki oine hati nikijja kugaruka omu biteekateeko byawe omurundi ogundi. Ekyo nikija kuba kiri aha rutambi. Ensi yoona neija kukireeba nikyorekwa. Ahabw'enki ensi . . . Baryakureeba, aha Kiro ky'Orubanja, Baamaraiika boona baryaba bari aho.

"Ku oraakwatwe enshoni Ahabwangye hanu, obu ekishushani kyawé kiriyo nikikwatwa hati, aha Kiro

ky'Orubanja Naanye ndyakukwatirwa enshoni. Ahabw'okuba, Nkashuka amajuta aha Kigambo Kyangye, Naakikwoherereza. Waayanga Kukiikiriza. Waayeshereka enyima y'ekintu nanka."

Noogira oti, "Oo, ndi murungi ekirikugasha. Nkakora eki. Nkazinira omu Mwoyo. Nkagamba omu ndimi." Abatamanya Ruhanga nabo nikwo batwaza. "Nkateera akaari." Abatamanya Ruhanga nabo nikwo batwaza. Kyaba kiri kityo noobaasa ota kuteera amabega Ekigambo?

Ahabw'enki?

Ahabw'enki otarikwija Ahariwe hati?

Ahabw'enki? Ahabw'enki?

Ahabw'enki otarikwija Ahariwe hati?

Ahabw'enki nooyekyerereza, ow'eishe-emwe omukundwa?

Oo, ahabw'enki nooyeziringa obwire buraingwa?

Yesu ategyereize kukujuna

Omwanya omu Ka Ye eyeziibwe.

Kukuta omu kicweka ky'Omubiri Gwe!

Ahabw'enki?

Oo, iwe mpungu nto 'we ija hati.

Oo, ahabw'enki otarikwija hati?

145 Mukama, ninsiima. Ninsiima munonga. Kukusiima, Mukama; atari ahabw'ebi'okurya by'obutoosha, n'obu nabyo nimbikusiimira. Kwonka, Mukama, obwire bw'aha muheru buhikire. Ninsiima munonga ahabw'Eby'okurya by'omwoyo ebi, Mukama, Eby'okurya by'omwoyo by'Obumanyiso Mushanju obwaragaanisiibwe kubambuurwa.

Noogira oti, "Ekyo nikijia kuba ekintu ky'omutaano." Ngaaha, ngaaha.

Torikubaasa kwongyeraho ekigambo kimwe. Reero oka . . . Kishangirwe Kirimu, kisherekirwe kwonka. Kitairweho akamanyiso. Ni bangahi abarikwetegyereza ekyo? Mugire muti, "Amiina." [Abateeraine baagira ngu, "Amiina." -Omur.] Mwareeba?

Noogira oti, "Mpaho, egyo n'enaama erireebeka." Oo, ngaaha.

Kikahandiikwa kare. Torikubaasa Kukyongyeraho ekigambo kyona, nari Kukihaho ekigambo kyona. Mwareeba? Kishangirwe Kirimu. Kisemereire kushuururwa kwonka omu biro by'aha muheru.

146 Ahabw'enki otarikwija? Rugayo, munywani. Ku oraabe otarikwetegyereza, rugayo. Tsimba amaju, Obimugambre. Ku ndaabe ntarikubaasa Kukikukyengyesa, We naabaasa, ahakuba We n'O-n'Orikumaraho okubangaanisa kwona.

. . . omu mutwe muhango gw'abacungwirwe Be.

Oo, ahabw'enki otarikwija? Ahabw'enki?

Ahabw'enki otarikwija Ahariwe hati?

Mwijukye, ebi nibikwatwa aha rutambi, ti aha rutambi oru, kureka n'aha rutambi rukuru rwa Ruhanga. Buri omwe omuriimwe, buri kintu kyona eki orikukora, wainika omutwe gwawe, wainika omutima gwawe, ekiteekateeko kyona ekirikuraba omu bwonko bwawe, ijuka, kiriyo nikikwatwa aha rutambi hati hati omu Iguru, kandi orwo rutambi nirwija kworekwa aha Kiro ky'Orubanja. Okusharamu kwawe kurahi? Oo, ka noija kwetenga ngu ebiriho bihindurwe, Ekiro ekyo.

147 Naaza kurindaho kakye 'habw'okuba abantu ni baangi, baangi,abeehinguririize rutaari hati. Mwareeba? Obundi hakiriyo omwe omuribo, ku naakutegyerezaho kakye, nihabaasa kuba hakiriyo ondijo aheeru okwo, naabaasa kuba ari okwo omuri New York, naabaasa kuba ari omuri Philadelphia, aheeru okwo omuri California, Arizona. Ahantu nanka, nihabaasa kuba hariyo ondijo orikurugayo. Omuriisa, ahi ori hoona, otareka kweta ab'okwija omu maisho kujunwa hati.

Nitubaasa kutagaruka kuhika aha kiro ekindi ky'Okusiima. Eki nikibaasa kuba eky'aha muheru, reero ebyoma ebirikukwata aha ntambi nibijja kukozesibwa, ekiro eki, omurundi gw'aha muheru. Ebirikukwata aha ntambi nibijja kwemerezibwa kandi biteebwe omu ibikiro ry'entambi rya Ruhanga. Bwanyima orwo rutambi nirwija kugaruka kworekwa, eki ebitteekateeko byawe biri hati. Otagira ngu okaba otarikumanya entaaniso. Noogimanya. "Kwonka tihariho orikubaasa kwija Ahariinye, Tata yaaba atamwiriize haihi. Kandi boona abu Tata yampaire,

baryaija.”

... ija Ahariwe?

148 Niinyikiriza, ku naakuba nshutami aheeru okwo, kandi nkutunga ekiteekateeko kikye, buzima nkairuka nyija hanu jubajuba nk'oku ndikubaasa.

Ahabw'enki otarikukikora? Ahabw'enki?

Mwahwayo? Buzima kwo torikugwisa kubi Omwoyo We hati? Mbwenu ka tugume twinikire emitwe yaitu. Noohamya ngu tiwaagwisa kubi Omwoyo We? Noohamya buzima ngu waakora eki Yaakugambiire ngu okore? Nookihamya hati? Ijuka, no-noobaasa kutagaruka kutunga omugisha ogundi. Okukwata aha rutambi nikubaasa kuhwa, ekiro eki. Eki nikibaasa kuba eky'aha muheru. Oru nirubaasa kuba orutambi rwawe rw'aha muheru. Noohamya ngu oyeteekateekire hati? Ku kiraabe kiri kityo, naakikurekyera, omu Iziina rya Mukama Yesu.

149 Hati obwo ekibiina ky'abeeshongozi bariyo nibeeshongora mpura mpura, naaza kushabira aba abari hanu ahansi hanu. Ndi nk'Omukristaayo w'omuringo gw'omutaano munonga. Niinyikiriza ngu Ruhanga niwe orikujuna. Niinyikiriza ngu Ruhanga naateekwa kubyara Ekigambo. "Nyowe Mukama," nikwo Baiburi erikugira, Isaaya ati, "Nyowe Mukama nkagubyara. Ndyaguma ngushukyeere amaizi, nyomushana na nyekiro, ngu hatagira owaagushahura omu mikono Yangye." Ntakeetsire omuntu weena kwija ahari rutaari n'abantu aba, niinyenda kubashabira, nyowe nyenka.

Ka twinikye emitwe yaitu hati.

150 Yesu omukundwa, naajuriza omu Kigambo Kyawe, eki nabi Waawe yaagambire, kandi nimmanya ngu ebigambo bya baanabi Baawe n'amazima. Kandi okagira ngu, "Nyowe Mukama nkagubyara." Ahabw'enki, buzima, okarita omu Kitabo ky'Amagara ky'Omwanan gw'Entaama, omusingye gw'ensi gutakatairweho. "Nyowe Mukama nkagubyara. Ndyaguma ngushukyeere amaizi, nyomushana na nyekiro, ngu hatagira owaagushahura omu mikono Yangye." Aba, obundi, Mukama, bakaba baayetsirwe kaingi ngu bajunwe. Kwonka Nookigushukyeera amaizi, Mukama.

Mbaba hanu, ekiro eki. Ka bakomoororwe, ekiro eki, Taata, okuruga omu bintu byona by'ensi, n'ebibi byona n'emirabanamu eri omu mitima yaabo, reero batebeekaine omu bwonko, n'obucureezi, omu mitima yaabo, bakomoororwe bataahe omu Kigambo Kyawe, hati hati, bagire bat, "Mukama Yesu, aha ntango y'omutima gwangye, nkaba ntuura nimmanya ngu hariho ekintu ekimbiikiirwe, eki naabaire ntakatungire. N'obu naagyerizeho, nk'oku kyagambwa ekiro eki, kukuratira enkoko, kwonka hakaba hariho ekintu ekyabaire nikinshushanira nk'ekitari kya burijo. Tikirareebekire nk'ekihikire buzima. Mbwenu, ekiro eki, niinyehuriramu ngu niinyija haihi omu mikono y'Ekigambo ekihuriire. Niinyija hanu n'obucureezi bwingi, n'obwonko bwangye butebeekaine. Naija ahansi hanu aha rubaju rwa rutaari egi. Niinyetenga okujunwa, Mukama, munonga munonga. Nyine enjara nydingi! Ninkwetenga, Mukama, ngu ombumbatire omu mikono Yaawe, ekiro eki. Kutari okurabira omu kukyamukirira kwona, kureka omu Mwoyo wa rukundo, ombumbatire omu mikono Yaawe, Ruhanga omukundwa.

"Ndi omwana Waawe. Niinyehuriramu ku ndi eriya mpungu ei baaba nibagambaho. Nkwata, Mukama. Ndiyo ninguruka. Naimuka omu ntebe yangye, kandi naatsimba amaju hanu. Nkwata, Mukama. Ndiyo ninguruka. Nta aha mapapa Gaawe, Mukama, hare y'ebintu ebi by'ensi. Ka ngurukye ngyende hare y'oburofa bw'ensi egi, hare n'engyesho zangye mbi, hare n'emigyezenzo yangye yoona y'ebigombe by'amadii. Ka nyije Ahariiwe wenka, Ruhanga omukundwa, nikwo Omwoyo waawe abaase kushuka omuriinye okusaasirwa ahawb'okubangaanisa kwangye. Ka mbaase, ekiro eki, kuhinduka omwana Waawe, musya, nzaarwe, kandi ekihangirwe ekisya, ekiro eki. Nkwata. Nkiriza ontware, hare y'okugamba kw'enkokokazi. Nkiriza ontware, omu kyashuri ky'Empungu, ei ndaabaase kwororwa n'Ekigambo kya Ruhanga, okuhitsya obu ndaabaase kumanya kuguruka."

Ka kibe kityo, Ruhanga omukundwa. Batware. N'Abaawe. Egi n'eshaara yangye n'obwesigwa, ninshabira abantu aba abarikufa. Kikore, Taata. Nimpayo eshaara egi ahabwabo. Naagishaba, kugira ngu Ruhanga ahimbisibwe.

Hati twinikire emitwe yaitu.

151 Niinyebuuza, okwehinguririza rutaari hati, niimwe abaatsimba amaju hanu. Baingi omuriimwe mutwire nimugira ngu muri Abakristaayo, kwonka mwayehuriramu ngu burijjo hariho ekintu, ahantu nanka, eki mutuura mutaine. Noobaasa kuba waakozire ebikorwa by'ediini byona. Noobaasa kuba waateire akaari. Noobaasa kuba waakozire ebintu byona. Noobaasa kuba waaziniire omu Mwoyo. Noobaasa kuba waagambire omu ndimi. Kandi tihariho n'omwe orikubaasa kugira ngu ekyo kigwire. Ago n'amazima. Ebyo byona ni birungi. Kwonka, nooreeba, ebyo n'ebiconco by'Omwoyo, hatariho Omwoyo. Kuri Omwoyo yaabaire arimu, okwo kwehuriramu tikwakubaire nikutuma waahurira nooyecwera orubanja nka batyo.

Nimwikiriza buzima, muhamize, hanu ahari rutaari, ngu hati hati, obwo mukiri hanu, ngu ekikorwa ky'okwekomoorora, kutari okukyamukirira hati, kureka omu kwikiriza okutafungwire, kw'amazima, ngu Ruhanga naija kubaakiira kandi abakuze n'Ekgambo Kye okuhitsya obu muraahindukye empungu, imwe mwenka, kandi

mubaase kuguruka? Ku muraabe nimwikiriza, kandi murikwenda ngu Ruhanga ekyo akikore, mwimutsye emikono yaanyu, imwe abari ahari rutaari ahansi hanu. Ruhanga abahe omugisha. Buri omwe aimukize omukono gwe.

152 Hati, mpora mpora munonga, naaza kushaba abashaija n'abakaziabeehaireyo abarikumanya Ruhanga buzima.

Abarikukira obwingi omuribo, n'eky'omutaano munonga, nikireebeka nk'ekiri kityo, abu nkira kweta kwija omu maisho kujunwa boona bakira kuba bari abashaija. Niumanya, oku kikira kuba, bakira kuba abakazi. Kwona boona n'abashaija bonka hanu. Ninteekekka ngu hariho omukazi omwe ahari rutaari, ekiro eki, obundi babiri. Bakira kuba abakazi. Kwonka, omu muringo gumwe nari ogundi, ninteebereza ngu abakazi bateekateeka ngu mbagambaho kubi. Tikwo kiri, ow'eishe-emwekazi. Ningira ngu ni bashatu, hariho ogizire ngu yaabareeba. Tindikubaasa kureeba kurenga ahaiguru ya rutaari hanu. Ni kirungi.

Bamwe omuriimwe Abakristaayoabeehaireyo mwije hanu reero mwemerere naanye omu kushaba ahabw'edakiika. Ahari rutaari, ahi muri hoona, aha kituuti, omuntu orikumanya Ruhanga buzima, orikumanya kwemerera ahabw'edakiika nkye naashaba nabo, bwanyima nitwija kusiibuura abateeraine. Buri omwe ayecureeze munonga hati. Mutagyenda. Mwije hanu kandi mwemerere hanu.

Bamwe omuriimwe abarikwikiriza ngu Aga n'Amazima, ngu nitutaaha omu bundi busingye. Nitutaaha omu Busingye bw'Okutwarwa. Niumanya ngu ekanisa terikubaasa kugyenda omu mbeera ei erimu, kandi terikubaasa kuba nungi okukiraho. Neeteekwa kweyongyera kusiisikara. Ni bangahi abarikumanya ekyo? Mugire muti, "Amiina." [Abateeraine baagira ngu, "Amiina." -Omur.] Neeteekwa kweyongyera kusiisikara. Kandi terikubaasa kugyenda nk'oku eri. Mwareeba? Nihateekwa kubaho Ekintu nanka, kandi kiriyo Nikigyenda omu maisho hati hati, munywani. Kya-kya-kyatandikire, orugyendo rw'omugore rwanandikire. Ago n'Amazima. Ekyo ni OKU NIKWO MUKAMA ARIKUGIRA.

Murugyeyo hati, imwe Bakristaayo 'mwe abeeheireyo abarikwenda ngu ebikwatsirwe aha rutambi byanyu-byanyu okumanya ngu, aba abarikwija bahamize, abarikwenda ngu mwije mukwatanise nabo omu kushaba, nk'ab'eishe-emwe bagyenzi baanyu n'ab'eishe-emwekazi, mwije eruguru hanu ahari rutaari. Mwemerere hanu ahabw'akaanya kakye, ahabw'okushaba. Haine ondiijo orikwenda kwija, kwemerera hanu? Tsimba amaju aha rubaju rwabo. Tambura, ahi imwe bashaija 'mwe muri haihi n'abo bashaija; imwe bakazi 'mwe. Omu burungi, omu bucureezi mubashabire.

Ruhanga omukundwa, yamba . . . ? . . .

153 "Nimbihayo byona. Nimpayo ekigombe ky'ediini kyangye. Nimpayo okugaitwa empeta kwangye okw'okubanza. Nimpayo ibanyi w'okubanza. Nimpayo byona, Mukama."

. . . -yo byona.

Byona Ahariiwe, Mujuni wangye owaahairwe omugisha,

Nimbihayo byona.

Nimpayo byona,

Nimpa- . . .

Noohayo ekiteekateeko kyawe? Noobaasa kuhayo ebiteekateeko byawe, aha Kigambo kya Ruhanga?

Byona Ahariiwe, Mujuni wangye owaahairwe omugisha,

Nimpayo byona.

Nimpayo byona,

Nimpayo byona.

Byona Ahariiwe, Mujuni wangye owaahairwe omugisha, Nimbihayo.

154 Boona abarikwikiriza hati, omu bateeraine, mwemerere. Ka tukyeshongore, hamwe, hati.

Nimpa- . . .

Mwena nimuhayo, mweteekateekire kukyeshongora hati?

Ni . . .

Ahariiwe, Mujuni wangye owaahairwe omugisha,

Nimpa- . . .

Hati, imwe abari ahari rutaari, buzima ku muraabe mwehaireyo, mwimutsye emikono yaanyu Ahariiwe,

mweshongore muti, "Nimpayo byona. Nimpayo ekigombe ky'ediini. Nimpayo ekigombe ky'ediini. Nimpayo ekanisa. Niinyehayo. Nimpayo ekiteekateeko kyangye. Byona Ahariiwe, Mujuni wangye owaahairwe omugisha, Nimpayo byona. Ahariiwe, . . . wangye."

Nimpayo byona,

Nimpayo byona.

Byona Ahariiwe, Mujuni wangye owaahairwe omugisha,

Nimpayo byona.

Nookimanyisa buzima?

Nimpayo byona,

[Omwanya oguriho busha aha rutambi rw'amaraka. -Omur.]

155 Imwe abari ahari rutaari hati. Imwe abari ahari rutaari hanu, abaashaba. Ekanisa yaabashabira. Mwashaba, naimwe mwenka. Hati hariho omuhanda gumwe gwonka ogu orikubaasa kujunirwamu, ogwo ni, "Okwiriza nikwo kwabajunire, ahabw'embabazi." Embabazi za Ruhanga zigambire naiwe, zaakureeta ahari rutaari. Noosherura emigisha ya Ruhanga. Noosherura Ekigambo Kye. Noosherura Omwoyo Orikwnera. Noosherura obuganzi bwa Ruhanga. Kandi ku oraabe nikwo ori, kandi orikubaasa, buzima, n'omutima gwawe gwona, kughayeo. Hati, otasherura okukyamukirira kwona. Sherura Amazima, Amazima agarikuruga omu mutima gwawe, ahabw'okwikiriza. "Mukama, nyeteekateekire kukora ekintu kyona eki Ekigambo Kyawé kirandagiire kukora. Niinyehayo, na byona ebiri omuriinye."

Ekyo ku oraabe nookiirkiriza n'omutima gwawe gwona, niinyenda ngu oyemerere aha bigyere byawe, ohindukire ekanisa egi, abateeraine, reero oimutsye emikono yaawe, reero nitwija kukyeshongora hamwe nabo, "Nimpayo byona ebiri omuriinye, Ruhanga. Okurugiirira omu kumanya kwangye kwona, buri kintu eki ndi, ninkihayo."

Mwije hanu aha kadaara aka, imwe abari aha kituuti. Mwizire kimwe eruguru hanu aha kadaara, b'eishe-emwe, hanu honyini, mwena, ab'eishe-emwe n'ab'eishe-emwekazi.

Mureebe hanu, kanisa 'mwe.

[Ow'eishe-emwekazi yaagira ati, "Ow'eishe-emwe Branham, ndi memba w'ekanisa, kwonka enshumi nkye enyimaho tindi-nangwa ntinkigirimu bundi. -Omur."] Waayehayo? ["Mukama naamanya ahu ndikwenda ngu Anyebembere. Niinyenda . . . ? . . . aha kanisa. Kandi niinyetenga Omwoyo Orikwnera, kwijura Omwoyo. Kandi haakiri nfe, ekyo ku kiraabe nikyo ekirikwetaagisa."] Eego. Ekyo kihikire. Noohayo buri kacweka koona Ahariiwe n'Ekigambo Kye?"

156 Ow'eishe-emwekazi hanu, okuruga omu kigombe ky'ediini. Yaagira ati, "Ndi memba w'ekigombe ky'ediini." Tikirikwetaagisa kukigamba eiziina. N'omukozi waakyo. Kwonka yaagira ngu, "Ow'eishe-emwe Branham, niinyenda kurugamu ngyende aha mazima. Niinyenda ekintu ekihamire okukira ahari ekyo." Mwareeba?

Ka njurize omu Kigambo Kye. "Baine omugisha abagirira eby'okuhikiirira enjara n'eiriho, ahabw'okuba abo baryahaaga."

Hati, imwe abari aha kituuti, abaaheza kwija, ku muraabe mweteekateekire kuhayo byona ebi muri, byona, kworobera Ekigambo kya Ruhanga. Tihariho okugambiire, saabiiti egi, eky'okukora. Hati ku oraabe oyeteekateekire kwehayeo Ahariiwe hati hati, imutsya emikono yaawe, nka bat, aha bateeraine. Hati, imwe abari aha kituuti, ka tukyeshongore hati, Nimpayo byona. Buri omwe, hamwe. Ni kirungi.

Nimpayo byona,

157 Hati buzima ekyo kimanyise! . . . ? . . .

Nookimanyisa buzima? Gira oti, "Amiina." ["Abateeraine baagira bat, "Amiina." -Omur.] Gira oti, "Amiina," omurundi ogundi. ["Amiina."] Gira oti, "Mukama," ["Mukama,"] "ncaaka." ["ncaaka."] "Ngyeza." ["Ngyeza."] "Kandi ompe omugisha." ["Kandi ompe omugisha."] "Eki nikyo kyonka eki naabaasa kukora, ekiro eki," ["Eki nikyo kyonka eki naabaasa kukora, ekiro eki,"] "n'Okukweha." ["n'Okukweha."] "Noomanya enjara y'omu mutima gwangye." ["Noomanya enjara y'omu mutima gwangye."] "Noomanya ekyetengo kyangye." ["Noomanya ekyetengo kyangye."] "Okuragaanisa Kwawe kukaba kuri okuhikiiriza ekyetengo ekyo." ["Okuragaanisa Kwawe kukaba kuri okuhikiiriza ekyetengo ekyo."] "Hati ninkyakiira." ["Hati ninkyakiira."] "Kandi niinyehayo Ahariiwe." ["Kandi niinyehayo Ahariiwe."] Twena hamwe.

Nimpayo byona,

Nimpayo byona.

Byona Ahariiwe, Mujuni wangye owaahairwe omugisha,

Nimpayo byona.



www.messagehub.info

Obutumwa obu bukabuurirwa
William Marrion Branham
“... omu biro by'eiraka ...” Kush 10:7